

33/33 +

ВАСИЛИЙ ТОРОПОВ

# МЕНАМ ВÖР·ВА





ВАСИЛИЙ ТОРОПОВ

# МЕНАМ ВÖР-ВА

*Висьтъяс,  
натуралистлөн' пасйöдъяс*

КОМИ КНИЖНОЙ  
ИЗДАТЕЛЬСТВО  
СЫКТЫВКАР  
1980



33133

5  
5 БК20.1  
Т 61

МЕНАМ  
ВӖР-ВА

Сыктывкар

Торопов В. П.

Т 61 Менам вӖр-ва. Висьтьяс, натуралистлӧн пасйӧдъяс.  
Сыктывкар: Коми кн. изд-во. 1980.— 128 л. б.

Койгорт сиктса учительлӧн медводдза книга. Василий Павлович Торопов съблӧмсянь радейтӧ коми вӖр-васӧ, бура тӧдӧ пармалысь аслыспӧбслунсӧ, зверь-пӧткалысь оласногсӧ да, дерт, и челядьлысь характеръяс. Висьтьяс, серпасъяс подулын — авторлӧн аддзвлӧмтор. Гижӧдъясыс чуксалӧны видзны вӖр-васӧ, кодӧ кытшалӧ мянбс, велӧдӧны бурӧ, лӧптӧны зывӧклун лӧк видзӧд-ласа йӧз дӧнӧ.

5

Т 0763 — 044  
М 128 (03) — 80 39 — 80 м

© Коми книжнӧй издательство, 1980.

*...Пармабй, донабй!  
Пармабй, зарнибй!  
Йбзкбд лун-войыс тэн абу кузь.  
Тэныд шудыс оз вывсынь жб усь.*

**Вл. ПОПОВ**

## **ВИДЗЬЮ ДОРЫН**

Ёна и гажайнё вѳчлѳмны куд кодъ турунасян керкасѳ: быттьѳ ки пыдѳс вылын сйѳ гѳгѳрбоксянь тыдалѳ тайѳ видздорса кыр йылас. Пожѳм керъясысь тшупѳм стенъясыс гѳрдѳдыштѳмны да дзирдалѳны шондй водзын, торйѳн нин асывъясын да рытъясын, кор петысь да дзѳбсысь шондй-лѳн алѳй-гѳрд би киньясыс вачкѳны стенас паныдѳн. Весиг ытва дырйи ваыс оз босытлы мыльксѳ. А гожся ыркйѳдлысь тѳлыс вылын местаысь чышкѳ-нѳбалѳ быдсяма геб-ѳвадсѳ, вѳрланьѳ найѳс синѳ.

Керкаыс кык жыръя. Ичѳтджыкас (табарѳн миян шуѳны) сѳян-юан видзам, ыджыдджыкас — узылам наръяс вылын. Керка водзас кузь пызан да лабичьяс сюръяяс вылѳдорѳм кыз пѳвъясысь, а бокинджык — пусянин: кокшаяс вылѳвожгѳдѳм кыз пу потш йылѳ тоньгѳдѳма кыз сутугаысь да увъя пуысь вѳчѳм кузь да дженъыд мотыръяс.

Кыр улас, дас воськов сайын — Видзью, Сыктывлѳн шуйга берегса вож. Лунвывбокса нюръясысь, козъя вѳра егыръясысь, пожѳма ягъяслѳн жобѳкъястй визувтысь ичѳтик шоръясысь да ключьясысь сйѳ ѳктѳ-чукѳртѳ васѳ да содтыштѳ вынсѳ Сыктывлы, кодй татй, йывланыс, ачыс куим сыв пасыта и эм.

Танй ми и турунасылам, гортсянь верст кызь сайын. Тайѳкѳджас, кодѳс артмѳдѳ Сыктыв ыджыд мегырѳ бертыштѳчѳмѳн. Да мыйтакѳ ытшкывлам Видзью пѳлѳнса кушинъяссѳ.

Талун асывсянь нин дедкѳд виччысям бригаданымѳс. Прок Крестин водзджык миянѳс ыстй: мунѳ пѳ лѳсьѳдѳй миян воигкежлѳ оланйнсѳ.

Локтан овтѳм керкаад да уджыд тырмѳ. Кѳть ю сайын, а уна йѳз татчѳ сибавлѳ ар-тулысыяснас: чери кыйысыяс, вѳралысыяс, вотчысыяс... Мыйыс сѳмын оз туплясь керка пытшкѳсас да гѳгѳрыс! Пельѳс кер помъяссѳ нин мѳдѳмны

чуктөдлыны кодъяскө. Ыджыд коз улысь новлам куран-вила, төчила, пусян пөрт... Тайо добрасо уджъяс эштөм бөрын вөрас и кольлоны. Сэтчө жө и дзеблөны нар пөвъяс. Педөр дед горсо лөсьодыштөма, чужөмыс жуж съод, мөдиc пипу чуркаысь төчила улө ва вор кокавы. Ачыс сө домаса катаник юръяса, гожөмбыдъясон наон чушөдө-ветлө, кос пөрао и зэригөн, коз улө жө и кольлө. Пусьысыдлөн, би дорын гартчигөн, пөимыс лысва сорнас кыза нин сибдөма көмъясас да кажитчө, мый найос коз пу кырсысь вөчөмны. Листа роскөн ме шарөдышта стен-пөтөлөксъыс черань везъяс, лэдза кыз сасө. Сэсся чай юөм бөрын ытшка керка дорысь ситурунаинсө, кос туруныс ковмас вольпасъяс суювны.

Мөдлапөвсянь чукөсийоны, тыдовтчөны воысьяс. Ставөн мыйсюрө нөбалыштөны, кодi ки йылас, кодi пельпом вылас. Локтөны Видзю берег пөлөн. Медводзас Прок Крестин. Нельөд во нин сийө бригадиралө. Палаш тьот со вайөдө тшөтш тошка мөссө, сюръясас гезтор көртыштөма да. А көзаыс шашаритчө, мыджсьө нельнан кокнас муас, оз көйыс воны төдтөминө. Мөкалөн чоя-вока. Лизаыскөд школаө пырөмсянь велөдчим өти классын. Талун чибльөгасьөма лөз дора чышъянөн, мыйысь синъясыс кажитчөны ещө на лөзджыкөн. Бөръя онас төдчымөн нюжалис, ныв мыгөра нин. Медбөрын мыччысьөны ещө куимөн: Ондрей дядь, Ларион да Петя, дас кык арөса сусан кодь зонка, аслас Серкокод. Понмыс уйыштөмөн вуджис юсө, чеччалө көзяин гөгөрыс, гораа увтчө. Ставным чукөрмим, өкмыс морта бригада. Керка дорын лои гажаджык. Педөр дед лэптис пызан вылө руасысь чайник...

Вой шөр гөгөр нин лои водөмыс (өтлаад чукөрман да быдсяма сёрни-басниыс өкмө), а асывнас Ондрей дядьлысь быттө виччысьөма «подъём» горөдөмсө: ставөн звиркнитим-чеччим. Ачыс дөрөмтөм, ю дорө лэччылөма мыссыны, вазьом юрси пратьясыс кымөсас лясөмны, пельпомъяс вылас юсь кодь еджыд чышкөд палгөма. «Подъём, подымайся, рабочий народ, — небыдик гөлөсөн нин шуалө сийө дөрөма-сигмозыс, киас рапань ыжда зептын новлөдлан часi. — Нель час, шондиыс панийөма миянөс чеччыны...»

Бать вөли Ондрей дядькөд тшөтшъя, годөкъясон нимтысьлисны, а өни менө сидз шуө, коть меысь нель пөв ыджыдджык. Но ме ог лөгась, оз лөкысь шу. Сэсся өд ме абу нин сэтшөм ичөт: квайт класс помалi, өтлаын кутам мырсыны. Турунасьны петтөдз на воис сийө война вылысь, ранитчөма, веськыд киас чуньясыс бокыв шыгыртчөмны — пуляыс килутшөдыс дзажнитөма. Пыр вашъялысь чужөмыс стрөгджык лөөма.

Буретш эськӧ шондӧ петӧгӧн чӧскыд унмыд, да колӧ тай чеччыны, эг узыны татчӧ локтӧй. Унаысь ковмас косаӧн ӧвтыштны да кураӧн куртыштны. Тӧвнас дырдзык кутам узыны, сӧк войясыс кузьджыкӧсь. Кӧть гожӧм шӧр, а водз асынад петан шоныдӧнсянь — тӧрзьӧмыд босьтӧ, сойясад ловгӧнъясыд порышсьӧны-сувтӧны, яйыд чутӧсьсӧ. Кӧтӧрӧн сорӧн лӧсьӧдчам, шонӧдчам. Кодсюрӧ юӧдз лӧччылӧны мыссьыны, мукӧдъяс ӧшӧдӧм чуманысь чалснитӧны кодзыд вана с чужӧмас, синъяссӧ кань моз ниртышталӧны ки пыдӧсьяснас, пальӧдӧны асья унзильсӧ. Ларион тай шуӧ: ош пӧ нӧмыс оз мыссьыв да ён. Пызан дорын сувтсӧн нямлясьӧ-сӧйӧ.

Ыджыд сьӧд чайниксӧ Педӧр дед ылӧдыштӧма нин би вылысь, но вевтыс таркӧдчӧ на, нырсьыс потъӧдлӧ бипурас, быттӧ сьӧласьӧ. Сэтӧр йывъясӧн заваритӧма, чӧскыд кӧр разалӧ пуркйысь руыскӧд.

Сэсся кӧджсӧ веськыда орӧдысь ордымӧд сьӧрсьӧн-бӧрсьӧн лӧччам Пирсвидз ылӧ. Пыр тасянь заводитлӧны ытшкыны. Палаш тьӧт мыйкӧ гораа висътасьӧ Крестинлы, йӧзсьыс кольччыштӧмны да. Кӧнкӧ, верӧсыс йывсьыс, кыкнан-ныслӧн ӧд вир кистанӧнынӧсь, а гашкӧ и письмӧ кодныслыкӧ воис.

Уна и гажа сыланкыв кывлісны война пансьытӧдз Сыктив берегыввса тайӧ видзьясыс, кыддза-пипуа расъясыс, кор ӧтвылысь горӧдасны морт кызь-кызь вит видз вывсянь воигӧн, либӧ шойччыштӧм бӧрын керка дорсянь мунӧгӧн. Йӧлӧгаыс ылӧдз нуӧ кыпыда ливкйӧдлӧмсӧ ю кузя увлань и вывлань! Воліс татшӧм юргӧмыс миянӧдз и мӧд бригадаясянь. А кор ытшкӧм-куртӧм лӧсявліс накӧд паныдӧн, сӧки сьылӧмыс ӧтлаасьліс ӧти горӧ, поткӧдліс лӧнь вӧр-васӧ. Ылыс видз вылад ӧд ставыс йи кодъ ён йӧз вӧліны, унджыкыс том гозъя. Шмонитӧм да шутка-серам сорӧн уджыс мунӧ. Кык-куим вежонӧн сюркняласны став уджсӧ, кузь зорӧдъяс шмачкӧдасны-чӧвтасны видз шӧръясас.

А ӧнӧ, война каднад, дзик мӧд серпасыс. Кыдз бара гожӧмыс таво коляс-а? Уна-ӧ турун вермам пуктыны? Кольӧм во татысь мунӧмыс лои первойя пужъяс бӧрын нин, а коймӧд пай виддзыс сідз и кольлі вӧрзьӧдлытӧг. Нӧльӧд сьӧкыд гожӧм ӧшйӧ пельпомъяс ылӧ тайӧ видзьяснас. Ӧнӧ найӧ кажитчӧны паськыдджыкӧсь важ серти, васӧдӧнъясті ляк-бадьнас кӧть тӧдчымӧн нин кыскӧма.

— Коси, коса, пока роса,— рочалыштӧ Ондрей дядь, чӧвтӧ синъяссӧ ю береглань — кытчӧджык покӧснас воӧдчыны — да мӧдӧдчӧ первойӧн. Тӧдчӧ: гажтӧмсьӧма ытшкӧмсьыс, коса тырнас амйӧдлӧ бурысьӧн сулалысь турунсӧ. Коскас кӧвтор домалӧма — лӧчтаныс кысьсӧ ытшкӧм вывтыс.

Сы бõрын сувтõ Крестин. Дженъяд гõлена кõtяса, быттьõ сõмын на босътõма нюжпуяс вылысь, еджыд чõрõса кок гумъяссõ кресталõма мича сера кõввõньясõн. Крестин оз ытшкы, а ворсõ, косаыс дзирдышталõ õвтыштїгьясас. Комынõд арõс тыртõ, а чужõмыс том нывлõн кодъ, котõрõн сорõн ветлõ, шуõмторсõ кыкысь оз висьтав. Ачыс пыр йõз радын. А бригадирлы дзизъялõмыд сюрõ сьõкыд каднад, кор гõгõр дась орны, õти удж он на помав, а мõдтор õшйõ нин сьылї вылад сьõкыд изйõн. Бур ещõ: Крестинлõн челядыс абу, а горт уджсõ энъкаыс на вермõ справитны, Крестини нима жõ. Шуõны тай йõзыс: Прокъяслõн пõ бисõ оз и кусõдлыны. Õти Крестиныс асьядорыс рытысь на локтõ, собрание либõ заседание вылысь, а мõдыс чеччõ нин, пачсõ ломзьõдõ.

Ларион бõрын матыстчõ Палаш тьõt, бласлõ кристос шуõ, раз-мõдысь ытшкыштõ, курыштõ кабырнас турунсõ, суйõ юбка подпушка костас, мед пõ гожõмбыд, страда чõж, коскыс оз мõд чегны. Коскыс аслас ён, и быдлатї ён Палаш тьõtлõн, кык весьтõн паськыджыка водзын ытшкысь Ларионысь нуõ покоссõ. Ачыс муõдзыс копыртчõма, килутшьясыс ытшкõминсõ ниртõны. Коркõ менõ бать тадзи жõ велõдлїс: кокниджык пõ. Сэсся Мõкалõн чоя-вока. Васька коймõд гожõм уджалõ гырысьяс радын. Ме сувта бõрьяõн. Йирмõг визьнитõ мышкуõд, видзõдла видз помас да: ок, ылын ю берегыс! Кольõм во лõсьыдджык вõлї миянлы, подростковõй звенолы: ставõн õткоддьõм, мудзан да костõ веськõдан, некод оз таяв тәнõ мышсянь, шойччõм кост юõ бузгысьлан и...

Сизимõн шпоритам-ытшкам, сизим покõс пасьта водõ туруныс, векняммõ виддзыс, шондїыс паныда миянлы, пу йывьясьянь койõ яр югõрьяс, дзирдалõ лысваыс сулалысь турун вылын, пõртмасьõ ставнас виддзыс. А ытшкыштан, пõрас туруныс — ставыс вошõ: ва войтъяс резыштõны пасьтала, инмõны чужõмад, кõдзыдõсь...

Берег вылын вутш вылõ вода гатшõн, коскõс мõдарõ берта. Палаш тьõt оз эскы кос мудзõмтõ миянлысь, томъяслысь: гум кодъ на пõ небыдõсь, кõн на пõ тїян косьясыд. А вот мудзõ, да ещõ чегтõдз. Ки пыдõс вабольтчõма, тыдалõ, чорыда кутсьõ коса воропсõ, ещõ дулляла пыр. Мõка Васька кадысь-кадõ вуджõдõ Лизасõ: ытшкыштас чойыслысь покõс туйсõ да бõр вõtõдõ водзын мунысьõс, гõгõрвоõ ичõtджыкыслысь мудзõмсõ. Õндрей дядь сьõкыда жõ ытшкõ, княссõ оз и вежлав õтарõ-мõдарõ õвтчигас, тыдалõ, ранитчõм кыыс доймõ, пиньяссõ мурч-курччõма, пõсялõма бызъытõдз. Ларион оз петкõдлы некутшõм мудзõм, водза зепта дõрõмсõ весиг абу шыбитõма вывсьыс. Йõзыс шойччõны,



а сійо кустъяс пытшти чашйысьо, кельыд сэтөр тусъяс во-  
мас шыблалө.

Быттьо төдөма Педөр дед миянлысь видз помалөмсө, гораа юрөбтіс-воис ва кузя сылөн гөлөсыс: «Сейны!» Он-  
дрей дядь тричнитіс-восьтіс часі вевтсө — дас час.

Керка дорө вотөдз на төлыс вайис яя шыдлысь чөскыд  
көр. Кутшөм яй бара пуисны? Тулыснас тай вөлі вөв яйон  
вердлөны-а. Укшальмасны, коньөръяс, сөйтөгыс сэтчөдз,  
мый и зорйөн кок йылас он вермы лэптыны. И кольо сөмын  
өти туй — пөртйө. Кольөм гожөмө Май нима вөлөн карту-  
пель вөлі видз вылө нуа, шор дорө юны копыртчис, сэтчө и  
уси-пагалі. Буретш веськалісны йөз, отсалісны лэдзавны,  
сувтөдны кок йылас.

— Иигого шыд талун,— ошйысьо пусысь,— ярджыкөсь  
лоанныд. Куим-ө-нөльысь пуны эм.

Водзті видз вылад медбур скөтинатө тушанас ваясны.  
Педөр дед вөлі пуктас водзө grimзуль кодь лы, өшөд пө го-  
ляад, рытөдз тырмас. Рыська йөв ведрөвөй туйсыасын  
Видзьюө вөйтөма, быд пөлөс шыдөс, вый көрышъясөн, көн-  
тусь сөк...

Пызан пөвъяс пасьтала гижөма пуртөн. Коді сибавлөма  
татчө, быдөн кольөма ас йывсыс память. Педөр дед эськө  
вуштөма жө талун, но гижөдъясыс сідз и кольөмны сьөдөн.  
Керкаө пыранін джаджйысь босьталам пань-бекар да пук-  
сялам асланым местаясө. Ена уджалөм бөрад бура и сөй-  
сьө, ещө ывла вылад да. Öвтам кизьөриник шыд да пөсь-  
ясөс чышкалам. Няньтө шөравны оз ков, быдөн асланым  
чуманъясысь и чеплялам, абу на кө бөр пызьө пөрөма. Мый-  
сө сөмын анькытш пызь дорас (мунысыяслы сетлісны кык  
килоөн) абу пуктөма-содтөма?! Пызыд унаторйысь артмө,  
он кө дышөдчы, торйөн нин гожөмнад. Быдсяма турунсө  
суктан... Сөмын тай ена видзчысьөмөн колө вөдитчыны та-  
тшөм няньнад: кнад оз шед, паньнад жө и новлөдлан во-  
мад. Шыд бөрын сэтөра чай брунит мыйта колө. Ачыс дед  
гожөмбыд чага юө, пуктөма рачас нөль-ө-вит чипан кольк  
ыджда ёкмыль, вежон чөж сійөс ырскө, дьөгөть кодьсө.

Шулөны тай: сөйөм бөрад колө пө шойччыштны, кынө-  
мад нянь-солыс мед бурджыка пуксяс, сэк пө пож сю йөр-  
төдад содө. Ми абу паныд, кытчөсюрө нүжөдчылам, сур-  
сармуныштлам, мед сюыс содас...

Сэсса бара ытшкам. Пажын бөрын бригадир оз нин ы-  
ты видз вылө. Первой лунсянь пө асьнымөс оз ков чегъяв-  
ны. Кык видз талун лои пөрөдөма, аски бара ковмас водз  
чеччыны, колө шойччөг сетны мудзөм вир-яйыдлы. Сөмын

тай пажнайтігөн нин Оңдрей дядьлөн ракпаньыс петкөдліс сизим час рыт.

Шонді вылын на, да ог весьшөрө олөй. Мөка Васька ка-йё вершаяс видлавны. Палаш тьот ю дорын тольөдчө-мыс-касьё, вауд матын да лөсьыд. Ме төчила вылын, Лиза бер-гөдлө, аски кезлө өта-мөднымлысь коса дорьяс кыскыш-там. Петя да Ларион важ тыв помьясө дөра мешөкьяс йи-төны, содтөны — дженьыд пө да. Крестин бригадирскөй бу-магаясөн ноксьё. Ставөн на удж бердынөсь.

Важөн нин Оңдрей дядьёс кора велөдны туис вөчны. Та-лун шойччөм кост ачыс нуөдіс. Оңдрей дядь вель дыр гонь-яліс. Колө пө парчтөм ув кост бөрйыны да косінысь кызсө пөрөдны, сэн абуджык сямөдыс кропөк. Сэсся жбачнитіс-пөрөдіс ён кызд кык пу костө, мед зэлалас, оз вөр кыртіді-гас. Орөдіс йывланьсө колана йөзвый помөд да пельыс пу-ысь вөчөм бытша кодьөн кырөдіс сямөдсө гөгөрыс. Кыкнан кинас бертыштіс, перйис помөдыс. Быттьө пыдөстөм ведра. Сідз жө перйим мөд туис вылө. Вурнысө нетшыштіс көв-вөнъ кызта пожөм вужьяс.

Керка дорө локтім, ставөн на местаынөсь, но төдчис, мыйкө лоөма. Лиза сыркьялөмөн бөрдө точила стан дорын. Думайтa: абу-ө батьсяныс локтөма лөк юөр. Шоч лун тай сэтшөм юөрыс оз во. Сикт кузя мунап, бара кутшөмкө кер-каысь кылан оллялөм-бөрдөм шыяс. Сэсся шыасис вокыс, Васькаыс:

— Ланьт, чөрту, нем абусьыс бөрдан. Кыкөн кызкө өд мөстө төвйөдөм вылө уджалам жө. Мамыд на гортсянь вет-ласьё и.— А мөдтө забеднөыс босьтөма да, оз вермы өв-сыны.

— Мый нө ми, Коляыскөд, векниджыка ли мый покөсь-яссө нуам? Али кутшөмкө уджысь бөрыньтчам? Зорөд сө-мын ог чөвт, сэсся нинөмөн ог кольчы мукөдсьыс. А сійө чөвтны Оңдрей дядьлы отсавлө...

Вөлөмкө, бригадир кум лунсьыс лыддьөма удждонсө, лист өшөдөма керка өдзөсө. Воліс колхозса председатель да висьталіс, колө пө быд лунысь артавны, мед пө быдөн төдіс, мыйөн локтө төрытья уджысь. Сідз и вөчөма. Сөмын тай миянлы Лизакөд мукөдьяс серти этшаджык трудовень-ыс петөма, йөз радас жө уджалам-а. Крестин кутшөмкө подростковөй расценка серти лыддьөма.

Оңдрей дядь водзті бригадиравлөма, төдө расценкаяссө, шыасис: «Оз шогмы тадз, Прокопьевна. Уджысь расценка-ыс өти. Мый вөчис, сыысь и пукты, мыйла сэн арлыдыс. Тор-

йөн кө кольом гожомо моз уджалисны, торйөн и босьтисны. Ме, шуны кө веськыда, на бөрысь ог нин вермы воччыны. Ещө. Макар видзтө, тыдалө, шыльыд пыдди лыддьомыд, а сэн, ачылд төдан, вутшкыс керасвывса мырйысь не этшаджык, гуран вылө гуран. Мый эськө, шуам, трудодень лыдсьыд, нинөм ёнасө во помнас оз юкны, но минимумыд колө трудоспособнойдыды... Кадыс, Прокопьевна, военной...»

Палаш тьот дорйыштіс жө: удж бөрын пө Коляыс ме коддьомыслы косатө пыр лэчтыштө, оз некор ыръянит, некутшөм дон кортөг...

Ме нинөм эг шу. Кыдзкө пыр на пола бригадирысь. Некор оз вун во-мөд сайын урокъяс бөрын шеп өктөм. Гортлань нин бөр воигөн, мусө вуджигөн, шепыс ки тыр чукөрмис. Идзас йинас зэвтыштөмөн дзебтөг кийн вая. Керка дорын нин паныд сюри бригадир, улич пасьтала чальялө — судитам пө! Сэтшөма повзылы, бөрдытөдз. Котөрөн бөр нуи му вылас шепьяссө...

Видз вылө мөдөдчим, некод огө сёрнитөй, быттьөкө ми костын съөд кань котөртис. Сөмын водзын мунысь бригадир, кылө, дурскөдчис: «Бөрдөй, гөгьясыд оз письтыны...»

Палаш тьот инмөдчис меным бокө, серам сорөн шуис: эн пө ну сідзи курантө, водзө воропнас, кымөрьяссө пө чукөртан-куралан, а зэрыс миянлы оз ков.

Куртны заводиттөдз кызінъяссө вөрөштитышталім, пластьяссө бергөдлім. Шонді паныдөн радөн ставөн мунам. Матын керка дорсянь уджалам, да Педөр дед тшөтш лөктөма, орччөн Петякөд берег пөлөнсьыс вөсни турунсө матөдоны видз шөрлань. Дед петкөдлө зонкалы, велөдө, кызди куртігөн бурджык кутны курансө. Мөдыс дөрөмсө костюяс көртыштөма, яйыс гожьялөма, ыргөн рач моз лөсталө шонді водзас.

Туруныс сэтшөм мича, синмад чеччыштө, вөрзьөдан да быд сикас көр петө. Уркийөдлө кокныдик төвру, өтпөлөс паськөм пырыд ыркөдө, лөвтө кыпөдө. Доналом сынөдыс вералө, вывлань лыбөмыс төдчө. Косінас, вөр дөрөсын, оз оръявлы чиркьяслөн дорччөм-зельгөмыс.

Лизалөн куран пиньыс чөгөма, ме дөрө лөктис, вешйыштім бокө, шуа сылы өнтая йывсьыс:

— Сэтшөма али мый доймин бригадирыдлөн мыйкөкертөмысь? Колантор тай. А сійө быттьө тайөс и виччысьөма:

— Куранъясным тай нө йөз пасьтаыс жө! Подросток пө... Эстшөма ышнясьө бригадиралөмнас...

Лизалысь пытшкөссө век на гудралө. Шань да авья семьяад быдмөм мортыды сылөмөдзыс йиджтысьөма нелючкыс, куас оз төр.

Шойччыштõм бõрын ставõн сувтõм куртны. Зертõм туруныс кокниа шедõ, вермин кõ, кõть õтпырйõ видзсõ курышт. Куран воропсянь пев костыд еджыдõдз шылялõма...

Крестин аддзылõма Лизакõд õтлаõ сувтлõмсõ, чõвтлõс видзõдлассõ, мурталõс миянõс синъяснас, скõрджыка мõдõс малсийны-куртны. Сйõ õд аня би кодъ удж вылад! Куран юрыс сиралõма, сьõдõн мõвкйõдлõ быд куртыштйõн. Кызджыкинъясысь курышттõдзыс куран вороп помнас турунсõ шыблалõ. Сы вылõ видзõдлан да сюсьджыка жõ аслад уджавсьõ. Сэсся мыджяс кыкнан кинас куран воропас, ледз кузяногыс йõткõ, чукõртõ ас судтаыс. Туп-топ лõсьõдыштас пластьяссьõ, шымыртас, мыйта мездорас тõрõ, пыркõдыштас усьысь сйяссõ да шмачкас-пуктас юрõ, личкыштас кыкнан кинас. Юр мõдарсянь сэтшõм жõ нõбовтас пуктõ Палаш тьõt. Пыр сйдзи õтар-мõдарсянь юрас содтõны, и став юрыс видз вылõ сувтõ õти банõн. Пыр õти ногõн и сюян носилкаятõ юрсõ новлйõн — ледз дольыс. Бура тэчõм юртõ босьтан да некутшõм пыдõс оз коль. Да и зорõд тэчысь озджык манитчы, абу кõ туруныс кыздсюрõ нокõма — пластõн жõ шедõ вилаад, бура пуксьõ зорõдõ.

Кõть кутшõма луннас огõ мудзõй, рытъясын вель дыр пукалам би дорын, сёрнитам. Педõр дед ёнджыка важ олõм казътылõ, Ёндрей дядь — война йылысь. Ылыс видзяс вылад горт уджтõ оз ков эштõдны, ставыс дась, сёяныд и. Мõка Васька бара кайлõма вершаяс видлавны, но нинõм оз вай. Абу пõ, тыдалõ, таво Видзью кузя сыныс катлõма.

Первойя вежонõн лои вит зорõд лэптõма, зертõм турун. Педõр дед шуõ: тадзи кõ пõ кутанныд муркõдны, да поведяыс оз мõд торкасьны, вундйкержлõ эштõдчам, кõть пõ таво воõмыс и сёрнджык лои. Ёни лунбыдьясõн огõ ытшкõй, асывьясын дырджык уджалам да куртаныс пыр эм.

Ми тõдам: пуктõм турунлысь дасõд пайсõ юкõны уджалысьяслы. Талунъя зорõдысь быдõнлы воõ кык пудйõн, а Мõка чоя-вокалы — нель пуд. Ёни Лизакõд миянлысь уджсõ бригадир õткодя донъялõ, ми абу нин подростокьяс.

Мõстõ видзны абу кокни, а мõстõгыд сьõкыд жõ, торйõн нин челядьнад. Мõс йõлыд жõ, кылõдыштан да, морõс гõгõртõ мавтыштõ-личõдыштõ, жуг да быдсяма турунтõ сёйигад. Та вõсна мõс пондаыд и лым усьтõдз прамõя войяссõ он узлы, борьясысь чарлаõн вундыштан, либõ кинад нетшкыштан да косьтан, кузь тõв кержлõ чукõртан.

Палаш тьõt тай вõли вензьõ видз вылын: кõзаыд пõ правдайтõ омõлик мõстõ, а видзны кокниджык — джын кõрым оз мун. Тõв и гожõм позьõ лэдзлыны ывлаõ, пыр мый-

сюрö аддзö кок увсьыс. Асьныд пö думыштöй, уна-ö мöскыд сетö тшыг нисьö пöтнас олiгөн.

Сидз эськö и эм да. Тулыснас лэдзан картасьыд да полан, мед оз пөр ли сибды кытчöкö. Гура-гара лыясыс, коньöрлөн, турвидзöны. А поставкаыд... Ме тай арбыд вöли новла йöв поставкасö заводö, мöд грездöдз. Рытъя-асья лысьтöмсö тапсьöда-лэччöда. А ещö шуöны на вöли: кизьöрджык пö йöлыд норма серти, унджык ковмас ваявны.

Палаш тьöтлөн сьöрсьыс «тошка мöскыс» да пыр ичöтика йöлыд эм, тэд на мукöд дырйи чаяд чольскыштас. Ёна жö эськö грекас вöйтö да мый вöчан — кутшöм скöтина чужлöма, он нин веж. Пасьтала сёян-йирсяныд, а сылы пуктытöмторсö колö судзöдны. Лун-мöд сайын бригадирлысь чөрös пöвсö нямлялöма-йирöма. Но и чалъялис жö Крестин! Колö пö вöрас вой кежлас нуны да домавны, сы дорö пö сöмын номйыс кымөрөн чукөрмö.

Сöмын тай медьён уджалысьыс миян кытчöкö ылалис. Кык лун сайын Ларион вöзйысьöма бригадирлысь бөрöводз гортас пывсьыны ветлыны, и со коймöд лун нин абу. Юөр ыстылисны: абу пö вөлöма, быттьö ваö мортыс вöйи. «Көнкö леспунктын люкъялö, сэн эмöсь сылөн важся ёртъясыс,— висьталö Öндрей дядь.— Ош пасьта спинаыс, абу на аддзылöма сьöкыд олöмсö. Гожся войяс югыдöсь, сылөн кодъ вынөн позьö му гөгөр кытшовтны. Муртса сөнъяссö зэвтыштіс, сьöкыд тан лои. Тöда ме Ларинтö, батыс рöда жö, абу ылö мунома. Батыс тай нэм чöжыс пышъялис-а». «Гашкö и көнкö аслыс ытшкö, саймовтчис йöз син водзсьыс да,— керкаö.пыригмоз содтіс Палаш тьöт.— Куканя-мös да ыжъяс таdzi уджалiгөн он төвйöд, Марьяыс прамöя оз жö петавлы и. Öти семьяысь йöзыс куимөн гожöмбыд тойтöны и то мöссö лэдзöны нин ывлаö, ыж ку пасьта кө кушалас муыс, помö ни дорö оз воны... А найö...»

Миян сиктö Ларионвоис во сайын, кольöм арö. Ар нелямын вита мужичöй, юрыс матичö пыксьö. Суседка Марья ордö олөм ывлö пырис. Марьялы верöсыс вошöм йылысь юөр волöма. Выль верöссö төвнас мöдöдлісны колхозсян вөрö. Ружболванка ывлö кыз пөрöдöмны. Кості жö сэсь воис бöрсö. Ларионлөн синъясыс пыр гырдöсь, сы понда пö и оз нуны война ывлö. Но жуг да турун майкөм шы на ордысь он кывлы.

Бипур ваймис, кокныдик төвру здук кежлö ловзьöдлö чусалысь öгыръяссö. Чеччалам да пырам керкаö. Водзын уна на татшöм рытыс, сёрниыс...

Лун-мöд сiльöдчыштіс-зэрыштіс. Асывсян бара на ывлаыс букыд, сынöдыс улиса. Татшöм поводдянад лов ывлад

абу жö кокни. Керкадорса кос пуын жöлна тюнйöдлö, тыдалö, пучöйыс абу сюрöма — норасьö. Видз вылö мунгöн Палаш тыт шеныштсис косанас, мисьтöма шуис: «Ланьт, съд тыркан, враг горша! Кодлы мый тунъялан?!»

Талун медся лёк видзыс мянöс виччысьö. Ловзьöм ту-пöсь кодь мылькья да гöгрöс, тыкöла вöньöдö сийöс, дi ко-дьöн вöчö, öти помыс сöмын тыслөн оз судзышт Сыктылö-дзыс. Ва дорас эжör да зöридз — небыд турун, найö кок-ниа пöрöны öвтигөн, а видз шöрас пасьтала порсси. Сийö оз кузя быдмы, но зу кодь сук да чорыд. Небыд коса дорөн да ичöt вынөн сийöс он босьт. Омоль косаыд шаньга дор моз кусыньтчö-пöрö, турун йывьясöдыс шылькнитö-мунö, либö муас сатшö.

Крестин съöлыштö киясас, мöдöдчö тылань, шöри поткö-дö видзсö. Öтарö-мöдарö öвтышталигас турун сиясыс мыш вылöдзыс лэбöны. Кужысьыдлысь да ён мортыдлысь бокы-сянь лöсьыд ытшкöмсö видзöдны. Сылөн косаыс бур. Вят-скöй косаяс тай водзтi вайлöмны, тышкöдзыс укладыс. Васька вешталöмөн ытшкö, сiдзи кокниджык — пöрöм ту-руныс коса вомад оз папурит, лёддзö чукöрмö покöс доръ-ясас, литовка косаөн ытшкöм моз жö, кок улыс бритöма. Васька бать рöдаыс, абу ыджыд тушаа, латшкöс, но пель-помьяс паськыдöсь. Крепыда сулалö зумыд кок вылас. Сы-сь вöөн ыджыдджыкьясöс нуисны нин армияö.

Ларион бара на абу видз вылын, кöть эськö и воис нин лытайтанiнсьыс. Войбыд керкаысь ывлаö ветлöма, асыв-сянь вöли нюкрасьö, кынöмөн пö мучитча, кусыньтчöма юа-лан пас моз.

Ме кык коса босьтi. Öтиыс небыд, нэр турунъястö пöрö-дö, но регыд ныжмö куш кöртыд. Лэчталигөн быттьö тыр-тöм жöч банкаö кучкалан, сэтшöм шыыс. Мöдыс бара вывтi чорыд, дорсö оз кут, чирйысьö. Кымыныськö ытшкыштöм бöрын коса дорсö быттьö шыр йирöма. Водзын ытшкысьяс ылалöны. Перья гöленысь зуд, мыджа коса воропöс шуйга пельпомö да чики-кок, чики-кок — лэчтыся. Öнi оз нин пер-войя луньясö моз öвтчигас кияс нетшкыны пельпомьясöс. Уджыд тай небось велöдö, майбыр. Мышкын Öндрей дядь чышкö косасö выльөн пöрöдöм лысваа туруннас, кöсийö жö лэчтавны. Дöрöмыс морöс пань гөгöрыс лясöма яяс.

— Татшöмасö, годök, верит кöть эн, куим во чöжнас война вылын сöмын окопьяс гарйигөн быгзыли. Бианз кодь чорыд кын му жö быттьö Пома видзыд, сötана пызь.

Педöр дед Петялы чача кодь коса лöсьöдöма. Ты дор-сыыс небыдик турунсö ытшкö, мянлы покöсьяс дженьдöдö. Серкоыс татөн жö, бузьялö кынöмöдзыс пырöма ваас, ныр-

нас юклөдлө кузь турунсö. Понсö Петя аслас синъяс мозыс жö видзö, сёянсö пыр шöриöдö. Пусян пöрт пожйöг дед некор жö бокö оз койышт, чуманö кисьтö. Кольöм арö, ичöt лымнас на, Петя мамыскöд сё гөгөр ур кык тулан кыйлöмны. Петяысь кындзи ещö куим зонка налөн, кыз шуласны, порсьлы шегйöдз, чипанлы бöж улöдз. Ставнысö колö вердны, абутöмтö оз на гөгөрвоны.

Васька ю дорö лэччöма, мыйкö сёрнитö мöдлапöвсаяскöд. Найö буретш мянлы паныдөн ытшкöны. Ылысянь на мем чуксасьö Васька:

— Микол, тэд лөгöта, Пома видзысь мынан, гортад корöмны, вокыд пö локтö война вылысь, чойыд парöйөн лэччöма паныд. Мöдарсянь öнi юөртисны. Давай, шагай.

Падмыштi виччысьтöгыд, эг на удит нинöм шуны, а Крестин, ме вылö видзöдлытöг, крапкис-висьталис:

— Пажын бöрын мунас. Локтö кö вокыс, некытчö оз воштысь. Та ыджда видзсö нö кодi сэсся уськöдас, сидз нин этшаөнöсь...

Кор виччысян, кадыс нарошнö ньöжйö мунö. Став вып быри тайö порссна видз вылас. Öтырышъя лэчта косаöс, видла — дорыс бара нин грошöвöй ем кызта лöма, югъялö, пурö сöмын турунсö. Гөг дортi мöдис сутшкыны, копыртча да синводз гудыртчö. Вом пытшкöс косьмöма, дулльöс сьöлышта, а сийö льöбьясö öшйö. Нагректö тöлыс кытчöкö дзебсьöма. Рытланьö шондiыс бергöдчис, кор видзсö помалим. Татшöм и эм страда дырйныд — уджыс нюжöдö вить коластö.

Тэрмасьöмла ог весиг öбед виччысь. Юрлöс улысь кöмалi сьöд гач — бур туйын новла. Кык во сайын «вöралöмысь» ной сетлисны гачтыр, крыса кыйöмысь. Сэтшöм кузь бöжа добраыс тай быдлаын легö. Складъяс дорын, мöс да вöv конюшнясын вöли кыйся, лымтi оз ков собавны.

Аслам сэтшöма бырöма гажöй вокысь! Госпиталяс куйлöмсö юөртлис, а кытчö ранитчöма да ёна-ö — эз гижлы. Гортö кö локтö, дерт, абу кокниа. Дзуртан княсөн да кокъясөн öткымынъяс локталисны сиктö, унджыкыслы усьöм да вошöм йылысь бумагаяс воисны.

Локтi гортö — öдзöс таса, абу на воёмны. Синва петöдз лук турун йöрысь няшйи. Паныд али мый котöртны? Сэсся и пара вöла воис. Вок кöшöваас армейскöй картуза, чужöмыс кабала кодь блед. Сулала телега дорас, нинöм ог сяммы шуны, горшöй гөрддзасьöма, синваöй доршасьö. Йöй кö ме-а? Колö радлыны — вокöй локтöма ловйөн...

— Но, здорово, браток, — первой шыасис сийö, аслас горшас гөрддзасьöма жö.

Керкаын пыр жö корис мөлөт да клещи. Дивöйд, Палазь вöлөк вуджигөн муртса абу доймöмаöсь кувтöдзис. Вот ещö көн на смертид вöлöма войналөн бисьыс петöм бöрын: лёк төв ныр кос пипу пöрöдас. Мыйла ещö юрьясас абу веська-лöма, кокъяс вылас усьöма. Ладнö көшöваыс выль вöлöма, ён дорыша. Век жö воклысь вöчöм коксьыс сэтшöма топö-дöма көртъяссö — мөлөттөг эг вермöй мынтöдны.

Асъядорөдз воккөд сёрниыс кыссис. Ижорскöй заводъяс дорйигөн мина осколок кок шег лысö дрöбитöма, лöбма коксö пилиттöдз. Кызь кык арöссиян нэм чöжыс быд лун лоас йитны помас көртысь вöчöм содтöдсö, тасма помъясөн зэвтавны. Шуö тай: узигөн пö орöдöм коксьыс чуньяссö быттö войтöв мөдлас кыскавны, садьма пö да весиг малышта киён...

Кор чеччим, шондыс лунвыв öшиньяс пыр нин койис югөръяссö. Керкаын сэтшöм чöскыд пöсь нянь дукөн öвтö, весиг оз эскыссьы. Збыль, чойöй пöжасьöма. Ок, кужö сийö чöскыд няньтö вöчны, медтыкö добрайд вöли. Кывт пызан вылын көрöвайяс, залавкаын неыджыд тупöсьяс дорыш вылас сувтöдлöма. Эг вунөд: мамö сідз жö тэчлис тупöсьяс-сö. Пачысь кыскöм бöрын пель дорас матöдлас, мукöдсö мыйлакö бөр на чөвтлас. Сэссия шабдi дөра сулökөн вевт-тьывлас. Сöмын сэки ыджыдджыкось тупöсьясыс вöлины дай унджык. Видз вылö мунысьяслы сетлисны кык килоён анькытш пызь, но важөн нин сийö бырлис. Кытысь бара чойöй пöжасьöма?

Чой вöли оз на ысты видз вылö. Нель во пö энö аддзысь-лöй вокыдкөд, öти лунтö көть и шойччан гортын, некод оз дивит. Мися, регыд помалам, сэки и шойчча. Öни лэптытöм туруныс уна, а бригаданым ичөт, мися, колö бөр воөдчыны рыт кежлас...

Узьöм юрьяс сьöкыдöсь, найöс новлигөн гөг вужъясыд зэлавлөны. Видз помсянь нöбалигөн лолыштны сувтлам. Öг öтчыд пуктылöй юрсö и лөдзьяс понда. Налөн дзизгöм шыö эськö и велалöмны, но кор сöтыштас вирөдз, төдлытөг ойöс-тан. Сола ньылöмыд визьясөн визувтö чужöм кузяйд, пырö синъясад, вомад...

Пуксялам шойччыны кыркötша берег вылас, тан төлыс ёнджыка уркийöдлө. Нывбабаяс öвтчöны кызд пу летөрös увьясөн. Вөр дорсянь тыдовтчö Петя, юрбöжысь турунтор мездорас нöбалö. Öстрöпельыс сувтлö кыккокйив, зильö нюлыштны көзяиныслысь чужöмсö. Петя локтис зорөд йөр дорö, потшöс вомөн шыбитис турунсö, ачыс вомгорулас лыддьö:



Уж небо осенью дышало,  
Уж реже солнышко блистало,  
Короче... короче...

— Ссылыштан, гажа луныс да?— бергөдчө сылань Ондрей дядь.

— Ссыла тай... стих велөда. Ар кезлө коли русскөйысь да.

— Ар кезлө инө... Батыдлы нө та йылысь гижлин?..

— Да ме здайта, Ондрей дядь. Коли ме уна лун. Арнас мамкөд вөралыштим, а төвнас сийө висьмыліс, куйөд лон кыскавны... Стихъяс менам сөмын. А батылы гижил!. Мый нө пөръясьныс.

— Здайтны, дерт, ковмас, сытөг оз позь. Тайө сьөкыд каднас ар да мөд во кезлад уджтө энөвтөмыд, ичөт ёрт, вөрөглы кивыв. Бур ногөн кө тэныд вуграсьны да купайтчыны, а тэ куранөн ноксян, вөралан. Страна пасьтала тадз. Сэсь, ылісьыс, адзылі: тув кодь зонкаяс шынеляөсь... Ми тані асланым уджөн матөдам победа лунсө. Мыйта колө йөз вердны-юктавны.

Ондрей дядь чеччө, пырө зорөд йөрө. Тэчны заводиттөдз на сийө гөгөртас синъяснас видзсө, лыддяс куртөма юръяссө, артыштас, мыйта ещө чукөрмас туруныс, мед пыдөссө буретша панны, быд чаль костө паськыд видзьяс вылын сийө төрөдө кызы юрөдз. Тэчны лөсьөдөма кум пөлөс вила, вөрөпяссө сардмөм ки пыдөсьясыс воллявтөдзис шыльөдөмны.

Васькакөд бөрья юр пыртам-нөбалам. Ондрей дядьлөн зорөдыс сигөртөма. Педөр дед чукөртө йөрсьыс чир-чарьяссө, а мөдыс мед кузь воропа виланас лэпталө курас-карассө. Зорөд пинь йывьясыс муртса нин төдчөны. Ондрей дядьлөн кольча кодь мича артмө зорөдыс. Тэчигас помсянь кымынысь видзөдлас: веськыда-ө лыбө. Пыдөссө вөсна вөчө, а костуйсө кынөмалас, мед унджык туруныс төрө, некымынысь сыналас өтар-мөдар боксяныс. Төвнас локтан — кын пласт оз сюр, гожся чөскыд көр петө турунсьыс.

Пихтаув нима увтасинө бобөнянь сора пырей коскөдзыд быдмөма. Ытшкөм бөрын видзөдан — весиг покөс туйясыс оз төдчыны, быттө вольсалөма туруныс. Ёна сийөс скөтыд сөйө, вөвьяслы вичмөдлөны зөр пыдди гөра-көдза кезлө, зэртөг кө сюрас.

Педөр дед тай повзьөдлө: «Пөрөдны пөрөдинныд бур видзьястө, өдва кө бур турун таво тась сюрас. Көк дзуртөм да кос висьөм йылысь ог нин шу, став пытшкөс висьталө.

Лун-мөд кодзувкотъяс оз визъявны, ракаяс помтөг горшьяснысö кеслöны, муын ёнджыкасö олоны, кузь зэръяс водзö тайö. Сидз тай пыр зверь-пöткаыд поводдя вежсьöм водзад: кодi дзесбсьö öдйöджык, кодi кусыс петö-внийсьö».

Шондiыс асывсянь келалö гудыр руд кымөръяс костöд, кодъяс лыбöны и лыбöны рытив лунсянь. Сынöдыс вазiлля. Тöрыт асывяъя ытшкöм туруныс абу на и кулавлöма логъясас, веж. Пажынöдз тай юр дас кымын чукöртам берег дзиб йылас.

Керка дорын кылö лыйöм шы. Тыдалö, Педөр дед повзöдис ракаясöс аслас гормöдчансьыс (сидз шуö немöвöйся ружьесö). Матö воштöмны морттö: сулалö саймовтчыны сутш кезлö, пыр жö лэччасны пызан вылö, лякасны пасьтала.

Мöдар берегсянь чукöсийны. Лун костмöсөн бригадаясти ветлö вöла, разöдö нянь да прöдукта, вайö гортъясысь, кодлы мый мөдöдыштасны. Меным чой ыстöма жö йöв сулея да лук турун. Мöскыс эськö öни оз лысьты да, тыдалö, водзсалыштöма.

Бригадир перйö мешöкысь кык ыджыд тупöсь. Няньсö вайöны кык лун кезлö, но юкöны быд лун. Педөр дед поткөдö тупöсьсö кузяногыс, джынъяссö торйöдö шöри да ещö шöри. Бура сылөн артмö, ставторйыс öтыджа. Сэсся кодкö бергöдчас мышкөн, а сийö юалö: «Тайö кодлы?— Босът. Тайö кодлы?— Босът». И пыр тадзи.

Вöлалөн татшöм волiгъясö чöскыдджыка пажнайтам ставөн...

А Педөр дед тшöтш и ракаöс пуöма, но вильöдö сийöс öтнас, некодлөн сэсся лолыс оз лэпты сёйны тойöсь ракатö, көть и быдөнлы вöзйö. Дедрөн синъясыс куньсьöны, тадз сыкөд овлö, кор мыйкö корсьö паметьсьыс. Бергöдчис Öндрей дядьлань.

— Тöдан, Öндрей, Маланин купечыдлы здайтлим вöрастö. Öти арö сьöлаыс вöли вывти чиöб, куш корпаыс, торйөннин лэчкад шедöмаыд. Воккөд ми тшöгöдыштим найöс: мышсяньыс жельторйөн небыдик нитш да рузум торъяс сюялим да сидз кынтим, мед шыльыдджыкөсь вöлины, бурджык сортөн вузавны. А сийö эз босът көсийсысьöм мындасö, абу ли мый ли тöргуйтчöма Вяткаын — сэтчö öд вöла додьясөн нулис. Аслыным лон сёйны нитшкөн тшöгöдöм сьöласö. Дерт, сьöлайдлөн скусыс мөд тайö рака шойсьыд, но нинöм, позьö и вуджлыны сы вылö... временнö.

Пызан сайын пукалiгөн на тöдчымөн кутiс пемдыны. Виччысьтөг лыблис тöвныр, лэптiс-нöбалiс керка дорысь чаг-өг, öгыръяс сорөн койис бипурйысь пöим, зильöдис-то-

нбодіс тувъясö öшлöм косяяс. Гоз-мöдысь нин шыён мöд-  
лісны усявны шочиник гырысь зэр тусьяс, но кобліс бөр —  
тöлыс эз на сет зэрыслы босьтны асьыс öдсö.

— Юръястö нöбалö!— горöдіс кодкö. Видзöдам — öти  
юр джын торйöдіс-лэптис мусьыс, гартігтыр. Кодсюрö эськö  
уськöдчылім жö сылань, но буретш сэки енэжыс юр вывті  
потлі ставнас — чардыштис, йиркнитис му дзенавтöдз. Сы  
бöрын здук кежлö лöньыштліс да вöлись мöдіс клыститны-  
зэрны, вой кодя ывлаыс пемдіс. Уськöдчим керкаö. Палаш  
тьöt вевттьöма юрсö, гусьöникөн быд чардыштöм бöрын  
свят-свят шуалö. Гымыслөн оръявлытöм шыясысь да зэ-  
рыслөн шувгöмысь тірзё-вөрö керкаыс ставнас.

— Вот ракаясыд,— гордорса пельöссиянь шыасьö Педөр  
дед, чигаркасыс биыс то ломзылö, то куслö бөр. Табаксö  
дед этша вöдитö да пыр көканянь турунөн сорö. Ныртö ко-  
сялö — сэтшöм чорыд дукуыс.— Оръявлытöг йиркөдö-гы-  
малö, кузя зэрас.

— Ланьт нин тэ аслад ракаяснад,— вочавидзö Крестин  
вонйö пыригөн.

— Пихтаув видзьяс вывсьыд турунсö тшöтш пожъялас.  
Видзьюыд öд дом йылö шедтöм вöв кодь жö, ме тöда сійöс,  
эз öтчид асьсö петкöдлы. Мукöд дырйи кыткö йывтіыс кы-  
мөръяс мунасны, нем он виччысь, а чеччан да берегысь пе-  
тöма-былькнитöма. Ытшкöм турун чышкö-кылöдö, сулалы-  
сьöс — илъялö. Нинöм ськöд он вöч.

Кык вой да лун школитис-зэрис. Быттьö сира гезйөн  
домалöмны кымөръяссö öти местаö, гöгралöны юр весьтын.  
Керка дорöдз ваыс юсьыс кыпöдчис, бипур дорсянь позьö  
гумовтны көшөн. Збыль тай Видзьюыд дом йылысь мынöм  
вöв кодь вöлöма. Быгзьöма, ырöш кодь ваыс, гудырмöма.  
Тöрыт на аслас ровгаöд визувтіс, чукльöдліс-мукльöдліс, а  
талун збоймöма, шувгö нейджыд көджъясті веськыда.

Öндрей дядь ветліс мегыръяс вылö льöм пуяс керавны,  
видзöдлöма ытшкöмсö, висьталö:

— Джын туруныс ваын плаввидзö, ковмас лэптавны  
косас, кыр йылас.

Некодлы эськö абу окота ваöдыд келавны, но нинöм он  
вöч, ытшкöмасö он эновт. Пуджсьöмөн пырим ваас. Ныв-  
бабаяс лэпталöмны бöждоръяснысö, сюялöмны вöнь кость-  
ясаныс. Журанъясөн, кытчöдз судзам, ваöдыс матöдлам  
турунсö берегань, сэссия мездоръясын лэпталам кырйö-  
дзыс, разöдам. Быттьö тывъясысысьяс вылысь рудзалö-лэч-  
чö ваыс. Öндрей дядь нинкөмъяса, пуджсьытöгыс и бузъя-  
лö. Менам пö көмъясыс ва дорас воигөн на чурскöны-кыс-  
кöны васö, а пета берегас — кокъяс косось. Педөр дед,

кыдзи и пыр, катаник юръяса, локтöма жö отсасыны, разöдö лэпталöм турунсö.

Рытьядор Крестин гортö мөдөдчис, юөр вайисны. Палаш тыöt да Лиза кежисны сэтөр тусьяс öктыны, а ми куимöн — Öндрей дядь, Васька да ме тывъясыны петим. Берег дорö лэччигөн Васька юалö Öндрей дядьлысь:

— Кытысь нö Ларионыс бурджыкасö сейö? Быдторыс эм сылөн. А неважөн суи да сулеяысь самöкур буль-булькералö. Мыччис вöли меным — кылöдышт пö. Ме, мися, аслам нэм чöж эг на видлы сэтшöмтортö, көрсö ог төд, оз ков. А ящикас сылөн кык ыджыд нянь тупöсь.

— Тайö,— шуа ме,— миян суседка, Марьяыс, самöкурнас ноксö. Пызь сылы вайöны, ачыс пöt и код. Кымынысь явитлисны и кутлисны — нинöм сылы оз мөрччы.

— Кулыс найöс кутас,— сöмын и шуис Öндрей дядь пыжйö пуксигөн,— кутысьясыслы и вийöдчö да.

Сэтшöм и эм. Йöзыслы война, а найö койташ лöсьөдöмны, пыр кутшöмкö төдтöм йöз гартчöны, ёнджыкасö, мушъяс моз, войясын. Локтас кö Марьялөн верöсыс, вöтлас кыкнансö Ларионкөд, мед дукъясыс матын эз вöвны.

Вуджим Сыктывсö, мөдөдчим Ягдор тыö. Öндрей дядь ветлөдлыштіс дорöсöдыс. Куръя йывтіыс туруныс пö талялöма, а тывнас абу на пыравлöмны. Ми, Öндрей дядькөд, вомöныс кыскам тывсö йывланьыс, Васька тыв бöрас локтö, вожа пома беддöн вылыс гезсö лэптыштö, мед оз гартчы. Берег дорас нин мыйкö ёна сьöктаммис. Мыджсьöмөн кыскыштім öтвылысь. Куимнанным дзоргам-видзöдам, шензям, кыв ни джын некод оз шу: вожа гыжа мöс кок чургөдчис васьыс. Водзö лэптыштім — кок чöрйыс мыччысис, задйыс. Йöра кок вöлöма! Яйнас! Тыдалö, кодкö чергөдöма яг дорсьыс, новлöма яйсö, öти бөръя кок абу на удитöма нуны, кольöма көдзыд ваас, мед оз тшыксы.

— Тайö ладнö миянлы,— шуö Васька,— лэччöдам.

— Ладнöнад эськö ладнö да,— содтö Öндрей дядь, сийö пыр на сулалö пидзöсöдзыс ваын.— Сöмын вот коді тани пакöститчö? А тайöстö лэччöдам и сёрни абу. Эг ми гусясьö, көть гусялöмтор босьтам... Пуд-мөд, буракö, лоö.

— Пötтөдз көть сёям!— нимкодяся и ме.

Видзью кузя пыжөн катим керка дорөдз. Вотчысьяс вöмны жö нин, весасьöны көджас, Васькакөд нöбалим йöра коксö, пунктим пызан вылö.

— На, дед, керав да öдйö пу,— висьталö Öндрей дядь,— вöралим и чери кыйим.

— Добра тайё штукайд,— лапйодлө синьяссө старик.— Прамөй кусөк тай енъясыс шыбитөмны. Вот эськө татчө картофель да шыдөстор... сорөд вылас.

— Бара на неладнө. Тэч пөртгяд таялөмөн, мед сёясы йёзыс пөттөдз, енъясыс кө шыбитисны, кызд тэ шуан.

Старик чөв усьлө, сэсся ас кежас мыйкө думайтигмос шуө:

— Код төдас, Ондрей, гашкө и асланым енъяслөн на тайё уджыс...

Поводдяд кө абу, көрымтө он пукты, сөмын кадсө каттян, лун-войсө сёян. Гашкө, дас пөв нин тайё видз вывсьыс турунсө отарө-мөдарө бергөдлим, а комөктыны некызд ог вермө. Отаваыс кыскөма, мый вынсьыд колө нярсйыны-куртны. Лөддзө чукөртам, көсьям нин юрө тэчны — бара ызкнитас-зэрыштас. Турун сисьтан поводдя и сөмын. Шуөны тай: кулөмаяслы пө шондинад зэрө. Мед сідзи, но ловья-яслы ёна торкасьө. Видз кузяыс шарьялам отарө-мөдарө куран-вилаясөн. Туруныс куйөд кодя сьодасьөма, куш бедьясыс и кольөмны пыр гартөмсьыс.

Ларион вугыр шатин кералөма, сулалө вөр дорас, динсьыс кырсьсө пуртөн вөлалө-вольө, чуньнас корис ас динас: волы пө. Ті пө тай Ягдор тыад пакөститчөмныд. Кымөс увсянныс лөг синьясыс сідзи и бытшкөны. Видзөдлі мышлань — йёзыс матынөсь, ярскөба крапниті синмас: мися, чери и яй нөбавмөн сюрлі. Кывйысь-кывйө воим, Ларион мөдіс мисьтөма видчны, явитөмаөсь пө сельсөветө прөгүл вөчөмысь. Ставныд пө ті, гадьяс, өткодьөсь, дасьсө тывьяланныд, гурьянныд пуктытөмторсө. Кырны кутіс кыткө пытшкөсті, пузис вир-лөг, воськовті Ларионлань, но виччысьтөг нөш кодь кулакыс сьлөн пезьдіс шуйга көсичаө. Синьясысь сьявкнитіс би, но муртса эг пөр. Пыр жө юрын визьнитіс: со коді, вөлөм, йөратө чергөдөма. Яй вылад сюрас нянь карточкайд и курыдторйид. Табак бусөн пө синьяссө киськалө, мед война вылө оз нуны. Водзвыв кывсьыліс, но сэки помөдз эг эскыв, збыль тайё вөлөма! Оні ме сійөс гөгөрвои и ставсө тайөс висьталі синмас. А кор Ларион выльысь воськовтіс мелань, шенышси куранөн, мый вынысь калскөбті, эг думышт, кытчө веськалас. Княсө коли куран воропыс. Сэтшөма лөгаси. Ог төд, мый вөчис эськө татшөм верзилаыс, дерт, лы-сьөмөс пыркөдіс, нюмыр-нямыркерис уль кучикөс моз, эз кө мян костө сувт Ондрей дядь. Негора гөлөсөн сійө висьталіс Ларионлы:

— Гажтөмчин важ оланінъяссьыд... Ыджыд пөльза тэ-

ысь тан абу, верман усыйсыны талун жö. Висьтала ас нимсянь, бригадир нимсянь, көсьян кө төдны — и колхоз нимсянь, кыв кута шуомсыс.— Сэсся бергөдчис мелань: а тэ лэчы мыссы ю дорас, пельыд потöма, петук.

Палаш тьöt ставлы кывмөн кодлыкö висьталö: сьöлыштi пö эськö мисьтöм бугылас да дуллыс жаль, оз тусьяс пö сөйи да.

Пажын бöрын Öндрей дядь зорöд пиньяс костас сырсьяс сутшкис, яй кодь небыд турунсö — гез көть кы — лепсалыштiс мыйкö мында. Нель судта ёсьясөн пыклис öтар-мөдарсянь, мед оз топав да тшыксы. Мый пö лоны лоöма нин, төлалас пö сэсся чукöрас вöсньыдика тэчöмаыд.

Кадыс Илля лун бөр. Вежон-мөд оз кыв көклөн гөлöсыс. Педөр дед шуö: нянь шепьясын пö чорзис кыыс, сийөн пö сийö виньдö да дугдö көкөмысь. Лёк поводдя вöсна бөрья луньясö ёнджыкасö керка дорын кадыс коли. Дед тай со жугыль пукалö би дорын, мыджсьöма гырddзаяснас пидзöсьясас, киясас босьтöма юрсö, синкымьясыс вевтьöмны синьяссö, он төд — узьö или прöстö ланьтöма. А, гашкö, важыс юртиыс вуджөртö. Карандаш кызта вирсөньясыс киясас лыбöмны, крестасьлöмны, весиг ныр йивсяньыс увлань чурвидзöны кузь гөрд сияс. Ён вöлöма мортыс, и öнi уджтөг оз ов. Кузь нэмнас мыйсö сöмын абу вуджöма. Неважөн вöли висьтасьö: вын вылö пö эг норасьлы, а во гөгөр мырсьöмысь нем эг аддзыв, кызь арöссянь пö пакын кила новлөдла. Праздник паньд пö бать рытсянь на висьталас воккөд — көсьянный кө пö, молодеच्याс, аски гуляйтны, водзджык чеччöй, кайö да сажень пес кералöй. Да, сажень пес... черөн.

Вель уна видз ытшкытöм на, а вундан кад талялис. Рудзөг көдзсьöма нин, көйдыссö выль сюысь бара перйöмны. Тулыснас ид да шобдi көйдыс вайлисны жö кыськö паракөдөн. Водзöстö бөр бергөдасны, вештасны поставкаяс, көйдыс юр торйөдасны — трудодень вылад кыза оз и коль. Турун эз жö уна чукөрмы, кызд бара төвсö кутам бергөдчыны-а.

Кыкөн колим Öндрей дядькөд, кольөдисны зорöд йөрьяс потшны. Бригадир куим лунөн тшöктiс эштöдны уджсö, мужичöйяслы пö сэсся ковмас сёрөмьяс тэчны. Пуанторйысь, солысь кындзи, нинöм абу. Қолис тупось нянь, вотöй пö тшак да чери кыйöй.

Выль потшсö ог уна кералö, заворничаяс местаынöсь жö. Да и потшыс вылас. Сись кодь пипуяс да кызьяс видз

доросьясас быдмõны, шыльд банаõсь, быттьõ сулалігас кодкõ увйõма найõс. Сьõкыджыкъяссõ новлам кыкõн. Ӧндрей дядь дінсõ зільõ пыр босьтны, менам пõ лы-сьõмыс чорыдджык, но сійõс пановта, мися, абу нин нач омõль... Кытчõсюрõ прасла шõрас майõг гоз сувтõдам, выльысь ньõрьялам...

Кык лун да джынйõн кыз уджсõ сигõртім. Рытъядорис, коймõд луннас, Ӧндрей дядь катõдліс кутшõмкõ порõвывса кадъя тыõ. Буретш гыч вõлі лыбõдчõма, мышыввса бордъясыс уялігас ва веркõссõ вундõны. Лõсьыда веськалім гыч шõрас: кузов джын шеді кыкысь тывйыштõм бõрын. Кузьята и пасьята гычьясылõн õткодъ, быттьõ бура ловзьõм тупõсьяс, кыкнан кинад колõ босьтавны. Гõрбьясыс кызõсь, асьныс сьõд банаõсь.

Таво кежлõ бõрьяысь пыжõн катім Видзью кузя керка дорõ, мед аски кõлуйсõ не новлыны Сыктыв берегõдз. Ӧндрей дядь ызбыльтіс-кисьтіс черисõ кузõлысь, бõрйис пуõм вылõ, мукõдсõ торйõдіс кык õтыджа чукõрõ да шуис: «Босьт, кõtъ кодсõ». Ме падмышті, мися, мен этшаджык колõ, ме сõмын отсаси. «Босьт, шуõма кõ! Отсаси! Кыкнанным ми отсасим, код нõ кыйис?— Ыджыдджык гõлõсõн висьталіс сійõ, но эз скõрысь, мõдіс бõр тэчны õти чукõрсьыс черисõ кузõлас. Ме тэчи жõ аслам киõн вõчõм тунисõ. Аслым сэтшõм нимкодъ: мися, ранитчõм воклы бур и гõс-неч лõõ...

Асывнас, кыла, дзуркйõдлõм-ветлõм, а пальõдчыны ог вермы. Тыдалõ, личалõмны сõнъясõй, тõдан, мый оз ков талун уджавны петны. Ӧндрей дядь, вõлõмкõ, важõн нин чеччõма, тõрытъя юква шонтыны пуктõма, мунõм вылõ нин пасьясõма ачыс. Вот мортыс кутшõм! Чеччõма да оз и чуксав мõдтõ. Тõдõ, кутшõм чõскыд асья унмыд том мортыдлõн. А мем таысь абу лõсьыд сы водзын.

Тэрмасьõмõн новлам керкасайса коз улõ шылльõ-мыльõсõ, керка õдзõс тасала беддõн.

Видзью вомõ сувтлам, новлам пыжõ Ӧндрей дядьõн водзвыв дасьтõм мегырьяс вылõ льõм пуяс. Гортсянь мортыслы оз ков ветлыны вõрõ — ваыс кылõдас. Ёна и кажитчис мем гожõм чõжнас тайõ авья мортыс, оз жõ ырыштчы ковтõг, мый он куж, велõдас бать моз. Дзуртысь пу моз некор оз лõвт.

Нõрыс вывсянь ещõ на видзõдла шонді водзын дзирдалысь турунасян керка вылõ, бура тасянь тыдалõ. Ӧні сійõ õгнас, некод оз вуджрась дїнас. Мыйкõ норкодъ сьõлõм вылын. Виччысь бара мõд гожõмõ,— шуа думõн да лэптыла веськыд киõс.

Көтө ёна мырсьомыс лои, но тайё гожёмыс мем уна сетіс, йёзыскөд оломыс, уджалёмыс.

Лэччи пыж дорё, а Ондрей дядь пуксьома нин сынан местаас, кias кык лопта пелыс кутё. «Нинём,— мёвпала,— гортёдз вежла на ме тэнё, Сыктыв кузяыс чукулыыс уна на волас... Дерт, олом визув вылас не этша жё волас».

## ТУРЁБКӨД МӨС ВИДЗИГӨН

Тёрытсаянь чорыда аслым шуи: артасыны аскисянь кутчыся, а то он и аддзыв — коляс гожёмыс. Эновтча — ковмас витёд классын мёд во пукавны, весьшөрё гач мышкисьтны. Мый сэсся вёчан, коли кө математикаысь ар кежлё. Велёдысь лист тыр гижёма уджсё, весиг задача нумерьяссё пасьялома. Но талун асывводз чуксалісны. Буретш всёма мёс видзан өчеред. Мам ачыс лёсьёдчылома, но бригадирлы абу тырмёма уджалысьыс, огородё сійёс ыстома. Мишкаыдкөд пё ветланныд, сійё пё чукөртё нин мёсьяссё.

Кор асланым Сюраыкөд локті сикт помё, Турёб веськөдёма нин мёс стадасё вөр уличё, виччысьё менё. Турёбыс — тайё Турёбов Мишка, меысь ичөтджык тушанас, вийёрджык и, но турёб кодь визув да сюсь. Гашкё и, овыс налён турёбсьыс артмыліс. Первой классянь өтлаын велөдчам. Отка пи жё, сёмын налён батысь абу. Мишка озджык эшты миянкөд котравны, ворсны. Мамыс дворын уджалё, пиыс шоч лун сэтчё оз ветлы. Менё тшөтш пыртліс өтчид, здукөн разыліс да бөр чукөртіс лысьтысян аппаратсё.

Збой көтө детинкаыс, но ичөтнас на, тыдалё, кымөссё мёс нюлыштлёма — юрсыыс лясёма юковтчёмён, кыз көтө он сынав, пыр ас ногыс пуксьё.

Улич кузя мёсьясёс вөтлім кокниа, өтар-мөдарас потшөсьяс, кежны некытчё. Но первойя пуяс дорын жё найё уйкнитісны кытчё аслыныс колё. Сёмын Капительслөн Зоркаыс туй шөрөдыс руныгё, бөчка кодь кыз рушкауа, пошкёмыс весиг кылё. Ме повзи: мися, татчё и вошта-лам мёсьястё кык өткодь видзысьыс, первойысь на татшөм удж вылад да. Но Мишка, видзёда да, абу шөйёвошёма. Мем тшөктіс өтти туй бокөдыс мунны, ачыс кежис мөдарас. Эи пё сет налы пыдё пырны бокас да разөдчыны. Кыла: льём пу ньөрйөн сынөдас швичйөдлө, пинь пырыс швичёга шутөвтлө, водзё вөтлө мёсьясёс. А ме укшальмытёдз нин ачымёс вайөді. Оти мёс бөрся котөрта, вөтла туй вылас, а



мукөдъяс ещө на пыдөджык пырөмны. Горза лөк горшөн. Вөр туйөд тшыг мөсьясөс колльөдөмыд абу вөлөма сяръясьөмыд либө ва дорын пасьтөг гигзьөмыд. Пинджак соскөс кытчөкө джажнитсьөма-косявсьөма гырddзасянь пельпомөдз, а Мишкалөн ньөр шыыс вель ылын нин водзын кылө. Но и мөсьяс! «Мөс кока пө»— шулөны. Вөр зверьяс моз уйөны-ветлөны, сөмын кос пуяс кок уланыс тачкөдчөны. Час кымын котралім, сэсся туйыс петкөдіс восьсаинө. Шор вомөн пос кузя вуджим. Лыддим мөсьясөс — ставөнөсь. Турөб тан видзлөма нин, төдө местаяссө. Тшөктіс вөтлыны шорсайса лунвыв ыбьяс вылө, сэн пө эжсялөм муяс вылын туруныс ёнджыка нин нюжалөма, ва матын и.

Турөблы лөсьыд, шог абу, сійө ар кежлө эз коль. Задача с өрек моз килльө, пыр йөзсьыс водзын артасьө, төвнас районө ветліс решайтчан олимпиада вылө. Гижөм сертиыс тай абу жө ставыс ладнө-а. Кодлөн кутшөм юрыс. Менам, тыдалө, некытчө туйтөм, вемыс этша. Гашкө, ньөти абу, пөим либө пилипызь. И сэтшөм бура уджалысь юрөн трактористө көсйө велөдчыны Турөбыс. Тракторыд нө мый — көрт чукөр, сійөн быдөн кужас веськөдлыны. Ме тай лётчикөн көсья лоны-а. Тетрадьясын став бөр-водз листьясыс самолетьясөн серпасалөма. Дерт, некодлы на та йылысь эг висьтавлы, гашкө, артасьөм делөыс бурмас да сэки нин. Оз вермы лоны, мый ог өдөлит, көть сьөкыда мем сійө сетчө. Мишка отсыштас, некор мортыс оз йөрт. Төвнас тай мамкөд йөв бидонъяс йылысь задача решайтм, вензим, некыдз оз артмы. Бать шурс-петіс жырыысь, пыртіс посводзысь кык тыртөм ведра, литрөвөй дозйөн сюся бузөдіс-тэчис бакысь васө, содталіс-чинталіс, кыкнансьыс бөрас мурталіс да юаліс өтветсө — стөча артмөма. Вөчны — вөчис, а гижөмөн оз жө куж. Асывнас, урокьясөдз Турөб здукөн петкөдіс, кыдзи вөчсьө, абу быттө сьөкыд и вөлөма.

Видз вылын мөсьяс ланьтісны. Ёрткөд дорөсөдыс ветлам, ловпуысь чипсаньяс кыртөдім. Мөсьяс син водзынөсь, азыма малейөны турунсө. Гөрдов кывьяснаныс, быттө морт киөн, гартыштасны гөгөрыс турунсө да чарлаөн моз нярснитасны. Қывзан да быттө вундөм шы и кылө. Кытчө бара найө лунтырсө сөйөны-а? Ми Мишкакөд ветлігмоз няньөн нурьясьыштм, сакар торьясөн ва юыштм и пөтөсь. Турунад, тыдалө, этшаджык пөтөсыд, уна колө сійөс изны, мед йөлыс вөраяссьыныс рытнас бузгис. Сөмын Капитьяслөн Зоркаыс шоча юрсө копыртлө, катласьө ньөжйөник, ёнджыкасө сулалө ыджыд коз дорын.

Сэсся кор шондіыс гөгыльтчис лун шөр бөрлань, мөсьяс юисны шорсьыс да водалісны кыр йылас кытшөн. Небось

оз ков велодны, видз гогорыс пасьтала аддзёны, тыдалё, мед гусьон сибодчыны на дорё некод эз вермы. Куйлоны потось, чоскыда ромидзёны, шочиника чошкёдлоны пельяснысё. Лёдзьяс абуюсь на да лёсьыд. Лыблас кокныдик товру, котортас кыр йылёд, нюлыштас мосьяслысь юрьяссё, мышыввъяссё, вашкёдчыштас пу коръяскёд да вошас бёр.

— Оні час-мёд найё кутасны куйлыны,— вөр дорё пуксигон висьталё Мишка,— пояс и аслыным шойччыштны, асывсянь кок йылын ротьялам. Тшакьяс корсьыштам, меным со сюралісны.— Зепсьыс перйис кымынкё нчотик гёрд гоб.

— Миша,— шуа ёртлы,— луньяс кольёны, а ме артасьны эг на кутчысьлы. Мёд во кезлё абу окота кольччыны...

— Удитам. Аскисянь жё и кутчысям. Мамлы отпуск сетёны, ог мёд ветлыны дворё. Меным ёд гижём кузя колё жё уджыштны.

— Гижныд регыджык велалан, тэнад сёмын почеркыд лёк.

— Мый нё пыр норасян: оз сетчы да оз сетчы математика. Вот йёв бидоньяс йывсьыд оні некор он вунёд. Колё кутны тёд вылад: став задачаяссё позьё юкны решайтанног сертиыс, велёдим тай — тип сертиыс. Вот татшёмос босьтам. Кроликьяс да чипаньяс, отлаын налён 60 кок, а юрыс — 20. Юавсьё — уна-ё найё торйённас. Кызд эськё арталан?

— Сёмын кык лыдпас...

— Мый нё коть. Задачаыс кокни, сёмын колё думыштны. Али тшак корсигад думыштан! Висьтала ответсё?

— Оз ков.

Тадз сёрнитчём бёрын шуим гогортны видзё дорёсёдыс, но не торйёдчыны ёнасё мосьяс дорысь.

Сёмын удиті саймовтчыны первойя пуяс сайё, лыс чукёр дорысь, коз поноль улысь кодкё ыджыд шыён швачкёдіс-чеччис да неылё брунгысис-усис муас. Виччысьтёмла сэтшёма повзи, муртса эг чергысь гатшён. Видзёда: кён дозмёр нель-ё-вит воськов сайын муас туплясьё, вомсё паськёдома, борд пёвсё шевгёдома боквыв. «Понлы ли ручлы сюрлёма, коньёр, кызкё ещё ловйён вермёма мынтёдчыны, колё кутны, бордсё бурдодны, кардьявны да. Татшёмыд ёд веськалас жё кодлыкё гыж улас». Уськёдчи, мед шымыртны мездорё, а сійё мисьтёминика лыбёдчыліс мыйтакё мусянь, бёр жмоткысис, усё-чеччё, пышйё мемысь. Дерт, лолыс жаль, оз ёд тёд сійё, мый бур сылы вочны косья. Вель дыр тадз вётлыси-гартчи, мукёд дырйи кутны нин

косья, но бара оз сюр. Бөрья пом ылөдзджыкөн кутіс лэбны, лёкинё пыртіс. А сэсся лыбөдчис пуяс йылөдз да шуньгис-лэбис. Вот и коньөр! Вөлись юрө кучкис: поз вылас тай менам восьёма, а дозмөрыд бура ылөдіс, көнкө колькъяс вылас нин бара пукалө.

Кутшөм нин тшак корсьөм, өдйөджык бөрлань уськөдчи, аслам юрын: көнкө, сувтісны мөсьяс йирсьыны. Шойчөм бөрад, шуоны, найө ёнджыка ветлөны-визъялөны, абу асья кодь тшыгөсь, чөскыдджык турун корсьөны.

Котөрөн сорөн шевксьөда, киясөн өтарө-мөдарө юкла-ла чужөм водзысь лыс лапъяссө. Мөдысь нин шор лог дорө локті, а шорсө пыригөн эг вуджлы. Юрөй дзикөдз бергөдчис: өтарө котөрта — козья вөр, мөдарө сетча — лёк шор йыв, пөрөмин. Повзьөмла да мудзөмла морөс пытшкын сьөлөм гыпкө-йиркөдө, дась вомөд былькнитны-чечыштны.

Пукси нитшсялөм пөрөм пу вылө. Дзикөдз лөтавсьөма, легзя ставнам. Төвнас география урокъяс вылын велөдім азимут төдмалөм, мыръяс да кодзувкоткаръяс серти петан туй, шуам, вошан кө вөрө. Но пыригөн та йылысь думъяс эз вөвны, кысь верми төдны, мый дозмөр бөрся вөтлысьөм татчөдз вайөдас. Дыр-ө тадз пукалі, ог төд. Юрөс лэпті — кузь пуяс костөд зэв меліа ме вылө шонді видзөдө, рытьядорыд банйөм чужөма. Бытьё кылі сылысь висьталөм: «Эн энөвтчы, ёрт, пока эг дзевсьы, югдөда тэд...» И збыль отсаліс, юрө воисны батылөн кывъяс: Лөпырланьө кө ыла-лан пө, шуліс коркө, пыр колө шонді вылө мунны, либө сиктө петан, либө Вадыб туй вомөналас. Чеччи да шонді-лань мөдөдчи, вынөй содыштіс. Час джын мысти вөрыс кутіс югдыны, сэсся петі паськыд туй вылө. Сійө миянсянь Вадыб грездө мунө. Местаыс төдса, но гортөдз вит-ө-квайт верст лоас. Мөсьяс дорө воөдчөм йылысь нем и гаравны.

Туй шөрөдыс тапсьөда, а юрын пыр мөвпъяс гудрасьөны: «Отчыд петі мөс видзны да коліс жө тадз лоны, ёртөс ылөді...» Зэв ясыда син водзын сулалө — кузь льөм пу ньөрнас Мишка швичйөдлө, шутөвтлө пинь пырыс, чиршөдлө мөсьясөс, мед бокө оз пырны.

Мөвпъясөс торкис чукөстөм шы, сикт дорөдз нин восьёма. Шонді паныда меным, джынйөдзыс вөйтсьөма енэж тас сайө, сьявкнитөма өтарө-мөдарө кузь синкымъяссө, вот-вот куньясны синъясыс — пом лоө лунлы. Видзөда: туй кузя мелань Мишка котөртө, буссө лэптө көмтөм кокьяснас.

— Ме ылысянь тэнө төді,— тэрмасьөмөн висьталө сійө, аслас лолыс тырөма,— сулалыштім батыдкөд мөс улич

завор дорын, сэсся казялі — локтан туй кузя, юртö öшөдө-мыд... Корсьны өд мөдiм...

— Менö кöндозмөр поз дорсьыс ылөдiс...— сэсся мыйкö сатшкысис горшö и немтор эг вермы шуны, мөдарö бергö-дышти чужөмөс. А Турөб водзö гартiс-варовитiс.

— Сэтчö жö Капитъяслөн Зоркаыс куканясьöма ыджыд коз улö, став мөскыс кытшалөмны сийöс, лөкысь овгöны, люкалөны мусö. Öдйөджык чукөрти да сувтлытөг гөнитөдi гортөдз. Бур, мый эг вежөнасьö. Ме, Ваня, повзъыли жö, мися, ёртөс коли, эновтi вöрас öтнассö. А шондi сертиыд тэ бура вöчөмыд, вермин мөдарö мунны, батьыд шуö — сэн пö паськыд нюръяс.

Ме чöv олі, кывзi Мишалысь тэрыб сёрнисö да öттшөтш вöли мыжа и шуда. Мыжа, мый воши да Мишалы отсасьны эг сяммы. Шуда, мый менам эм татшөм сюсь да бур сьөлö-ма ёрт — Миша Турөбов.

## КӨЧ ЙЫЛЫСЬ

Мыйлакö йöз костын паськалöма сэтшөм сёрни, мый мича да сюсь вöрса пемöс кöч — полысь да бöб, оз сяммы сетны некодлы водзöс. Тайö абу збыль.

Со мый висьталö зверь-пөткаöс бура тöдысь менам сосед Коля дядь, дзор пенсионер. Сылы көкъямысдас. Правнукъясыс нин котралöны школаö, а сийöс пыр дядьөн шуöны. Куим война вылын вөлöма, но пыр на збодер. Торъя унатор тöдö вöрса пемöсьяс йылысь.

— Ме,— шуö Коля дядь,— вөр-ватö, мед оз ло ошйысьöма, эг этша келав. Гашкö нö, джын олөмöй коли вöрын. И көчьяскöд тöдса ичөтсянь. Кыйли найöс, кузь пельясöс, и капканөн, и пыльөмөн, понмөн и туялөмөн. Быдсяыс вöли. Некумын сё ку бергөдi. Но висьтала веськыда: кужтөг найöс он босьт. Кывзы, кольөм во на, кызд тi шуанныд, вöли кык татшөм факт.

Сiсь мыръясысь пучейяс чукөрти, вөр ю берег пөлөн кая, чөвтала. Мыкъяс да комъяс вöли шедöны. Берегъяс көни вöраöсь, көни видзьяс бадь сорөн. Петi восьсаннö, көсья вöли выль пучей пысавны. Эг на удит шыбитны вугырöс, кыла — быттьökö кага мөдiс гораа бөрдны неылын. Öдйөджык кыр йылö кайи. Вөлөмкö чипан варыш пуркөдö көчöс. Бордъясыс, гашкö, сыв пасьятöсь. Мөдыс оз сетчы, гатшасьöма да бөръя кузь кокъяснас дорйысьö. Варыш некыз оз вермы крукыля гыжъяснас вурыштны көчöс шоша-

өдыс. Пасьтала разалис кыкнанныслөн гоныс. И, төдан, мый ещө казялі. Кор лэбач неуна лыбөдчывлас, медым выльысь лючкиджык сатшыкысны, көч удитө сувтлыны кок йылас да раз-мөдысь кузя чеччыштны сук бадьянь. Сэсся тупыль моз бара быгыльтчас, медым варыш эз удит вожасьны мышкуас, кокъяснас чужьясьө. Көтөрөн уськөдчи налянь, но отсөг эз нин ковмы. Хищниклөн бөрья лыбөдчылөм костті көч тювалис-пырис сук бадья уло. Кодкө, тыдалө, повзьөдөма көчсө узянінысь, видз шөрөд кутөма вуджны, да муртса эз сет ассьыс ловсө. А сідз найө войын олөны-пөткөдчөны. Кыдз нө водзсасьтөгыс, көч вылө өд унаөн пиньсө йирөны.

— А мөд фактыс?— юала.

— А мөдыс вөлі арнас. Лым нин вөлі усьөма ки вомлөс. Буретш көчьясөс туявны. Көчалан поньяс ог нин видз. Кокъяс дженьдамыны мөдісны дай пельяс сьөктаммөны. Асылын пашня сайө кайи. Көдзыдкодь. Пуяс гьөртчөмаөсь. Пасьтала көч кок туйясөн гижлөма. Бур поводдянад найө өна ветлөны. А вот турөб дырйи: водас понөль уло, ляскас мышку вылас пельяссө, вежон чөж куйлас, оз вөрзыыв, быттьө висьө.

Пыри вөрө пыдөджык, корся куйланинө мунан кок туйяс. Пөт көчюд дженьыда чеччалө, гартчө леторосьяс пиын, зильө воштөдчыны. А кор водас, юрсө воан кок туйяслань лөсьөдө. Узьө осьса синьясөн. Веритан, сэки лун шөрөдз куим көчөс туялі, ни өтиөс эг босьт. Водзджык менө казялөны, пышйөны. Көсья вөлі нин петны вөрысь, сувті мыр дорө, мөвпала: «Мый мекөд лөма, быттьө важ моз жө кок туйяс лыддя, али көчьясыс мудермөмаөсь? Мыйкө лои бокө бергөдчөм. Видзөда: дзик ме вылө пызйө-локтө лым кодь еджыд комок. Чургөді ружье да метиттөг гымөбті-луйи. Көч көтөртан өднас на кык-куимысь быгыльтчис да пласкысис кокъяс дорө. Мися, корси — эн сюр, а өні ачюд локтін. Сувтөді ружьеөс мыр дорө, разяла лаз көвьяс. Пөрччи лазөс юр вомөн, копыртчи көчла... А көчыс абу. Местаыс, кыдз шуласны, нин көдзыд. И вир войт некөн оз тыдав. Тыдалө, матисянь лыйөмнад зарадыс чукөрөн мунөма, абу инмөма көчлы. А сийө повзьөмысла садьсө воштылөма. А кор палялас, өдйөджык весасяс. Эг и адззыв лазөс пөрччигөн.

## КӨИН БӨРСЯ

Мөд лун нин вөтлысям капканө шедөм көин бөрся. Петыр Иван водзас, ме дась лямба туй кузяыс вөтча. Иван бура төдө вөрсө, лунын көть войын нуодас-петкөдас кола-наинө. Сы вөсна и отпусксө век урчитө вөралан кад кезлө, лөсьөдчө гожөмсянь. Таво дзоньталөма батыслысь вөр керка, сәні и кыйсьөма кык вежон чөж, гортсяныыс нелямын верст сайын. Сәсся лэччылөма сиктө пывсыны, куяс сдایتны. А сэк коста понйыс, кодөс кольлөма вөр керка дорас, ёртыскөд вошөма: сийөс көин сөйөма. Оні Иван инас эз өшйы. Пасьтала капканъяс окталөма, петляяс өшлөма. И шедөма өд пон пышйөдысьыд. Сөмын тай капканнас мунөма. Со и вөтлысям мөд лун нин.

Көинлөн кок туйясыс арөса чибөлөн кодьөсь, вөялөма кынөм улөдзыс, но чеччалө гырыся. Веськыд водз кокыс лымъяс кольө гөгрөс кытшъяс. Вөрө пырөм бөрын бура дыр ноксьөма капканнас, дөра пыдөссө чашйөма-косявлөма. Юждөм лым вылын төдчис вир. Тыдалө, куйлыштөма: гурантор артмөма. Понйыд кө водлас, сы увті лымйыс йинзьө, а көинлөн — кос. Сылөн шоныдыс оз йиджтысь гөн пырыс ортыө.

Зверлөн гортис — вөр. Сийө оз шыблась кытчөсюрө. Козья вөрөд чеччалө сажень кузьятөн, төдө — сәні лымйыс ляпкыдджык. Понөля тільясөд кытшлалө, дзугө пышъян туйсө. Лөк шор берегө лэччылас, мөдар кыр йылас бөр кайлас. Ас кок туйтыыс мян бөрся мыйтакө вөтчас. Йирмөг босьтлө сәки сук вөраинъяс вуджигөн. Көинтө туялөмыд — абу ном бөрся черөн вөтлысьөм. Содтөд, кор зверыс воөма пикө, сылы ставыс веськодь. Дефт, көин ачыс төдіс, мый выныс абу жө помасьлытөм. Важ туй южъясөд, көч ордымъясөд пышйис, өти кадө вель дыр муніс турун кыскалан туйөд.

Мөд луннас рөмдандорыс көин эз нин вермы чеччавны, сөмын келіс. Пөрөм пуяс вомөн вуджигөн весиг пөрласьөма бок вылас.

— Но,— шунс Иван, кор зверь веськөдчис нюрлань.— Помыс сылөн тыдалө пин.

Кык луннад асьным чорыда жө укшальним. Пөсявлөм бөрын мышкуяс вылын паськөм кутіс чорзбыны. А көин оз пөсяв, оз вазы, сылөн понлөн моз ньылөмыс кыв кузяыс виялө да мыйкө мында кок пыдөсьяс пырыс пакталө.

Медбөрын аддзим вирөсь капканысь көинлысь лапасө. Весиг гырк пытшкөсөй көдзавліс. Меным жаль лоис тайө лёк, но вына да повтөм зверыс. Кык лун чөжөн, медым сө-

мын кольны ловйөн, пунктис став вынсö, кöин рöднас уна нэмъясөн чöжөм сямлунсö. Веськыда кö шуны, ме эськö вöли рад, сийö кö кытчöкö инасис аддзытöминö либö воштöдчис мянысь. Но вöчны тайöс некыдз нин эз вермы. Бөръя эбöсыс энóвтис сийöс. Зверь пукалис мыр дорын. Лöзоввиж пöртмасьысь синъяснас быттьö сёйис сылы смерть вайысьяссö. Кельыдгöрд кывйис вомас шыбласис öтарöмöдарö, крута лыблисны да лэччисны бокъясыс. Лөг синъясыс быттьö висьталисны: «Суöдинныд кö, вöчöй, мый кöсьянныд...»

Петыр Иван, кодi воштис вöралан понсö вывти колана кадö, дерт, эз вермы кутчысьны. Ме бергöдчи да заводити видзöдны бокö.

## ЧАРӨМ КУЗЯ

Пиля Васькакöд тöv шöрсяньыс нин лöсьöдчим ветлыны дозмөр койт вылö. Сийö лун-лун шöйтö вöрти. Вöрсö картасайса град йөр мозыс тöдö.

Важысянь ми тöдсаöсь. Бөръя волигас ошйысис: казяли пö выль дозмөр койт. Кöсйысис нуöдлыны. Ачыс став зверьпöтка мозыс кужö чирзыны да кургыны. Менö весиг велöдис сылысь дозмөр дорö сибöдчыны. Куплет бöрся куплет чөвтало, а ме джоджын артист моз чеччала: то кымынкö воськов вöча, то друг мыр моз сувта. Мукöд дырйи öти кок йылын орöдас сьылöмсö, висьтало — вермас пö и тадзи лоны, главнö пö, пельястö колö чошкöдны. Вит-квайт татшöм репетиция бöрын ме бура велали чеччавны сьлөн сьылöм шыö. Васькалөн висьталöм серти, верми сибöдчыны дозмөр дорö куньса синъясөн.

Нюжалис тулысыс. Апрель пом, а сьöд дöмасьяс мыччысисны ыбъяслөн сöмын на лунвыв плешъясын. Лун сернас мöдлас потьйöдлыны керка вевтсянь, а рыт кежлас öшйöны кузь йи сюръяс. Мукöд войö кодзыдыс трачкöдчö да дыр луннас кутö чарöмсö. Васька шуö: чарөм кузяыд пö ещö лöсьыдджык на нюра местаясöдыд ветлыны, кок улад нитш ни лыс оз чажакыв-жугав.

Вөрö шуим петны субöта лунö. Пажын кад кежлö Васька кöсйысис воны районысь, кытчö сы кодьяссö чукöртлöмаöсь совещание вылö. Пукала öшинь дорын, виччыся. Орччөн ноп да ружье. Шондi рытланьö нин кежис, а ёртöй век абу. Сэсся виччысьтөг öдзöсöд дзурс пырис Васькалөн пиыс, пошкö тэрмасьöмысла: батьö пö звөнитлис, тшöктис

мунны тэныд югыднас, кытчö кöсйысьлöмныд, а ачыс пö войнас локтас. Шогö уськöдлiс татшöм юöрыд, но пыр жö киö босьтi ачымöс.

Первой мунi турун туйöд, сэсся кежи тöдса прöсек вылö. Кок улын некутшöм чарскöм оз кыв, сöмын сукджык вöра-инъястi гургысьлан-вöйлан задйöдзыд. Мунiгмоз мöвпала: «Буретш локта шондi лэччандор кежлö. Васька шулiс, сэки пö чукöртчöны дозмöръясыс койт вылас. Пуксясны пуö, чорыда швачкöдчöны бордъяснас, позьö тöдмавны, кымын съöд петук локтас».

Нюрдорса керас дорысь казялi гырысь лэбачьяслысь оласьяссö. Лунся ульöмнас ветлöмаöсь, а öнi лымыйс йи-зьöма да чипанлөн кодь кок туйясыс чорзьöмаöсь. Съöлöм вöрзыштiс: эмöсь. Öдйöджык биаси вужля дорö, бок улö вольсали лысьяс, перйи нопйысь чай пуан доз.

Бипур сывдö лымсö, вöйыштö мулань. Би киньяс мелiа нюлöны вужлялысь ортыö мыччысьöм сирöд вужьяссö. Гөгөр чöv, быттö войыс кокныдик эшкынөн шебралöма ставсö шондi петтöдз. Веснг рытъя тöвру дзевсьöма пуяс костö. Кор кодöскö виччысян, пыр кылан кутшöмкö шыяс — быттö локтö, друг петас тэ дорö. Войбыд сiдз кывзыси: сувтла пидзöсьяс вылö, лэптыла шапка пельясöс, кывза. Но некод некөн абу. Енэжысь öта-мöд бöрся кусалисны кодзувьяс, дай шондиыс нин, тыдалö, садьмöма — асыввылас алöйгöрд лоöма. Сувтi да кытшовтi керассö дорöсöдыс, но дозмöръяслөн сьылöм ни борд шыяс эз кывны. Сöмын вөр гулюлөн лөвтöмыс да сизьлөн кос пуö таркөдöмыс торкисны асья лөнсьö.

Друг кодкö ыджыд шыөн лэбзис пуяс косттi, швачкысис-пуксис кыз пипу ув вылö. Меж ыджда съöд чукчи вөлöма. Бөр-водз прöйдитiс öтка ув кузя, гоньялыштiс гөгөрбок да мөдiс сьывны. Голясыс гөнъяссö порыштöма, морöсыс дзирдалö шондi водзын. Та ыджда лэбач, а вижкай моз ичөтик гөлөсөн дзользьö-сьылö. Восьлалö тшапа ув кузя, быд куплет сьылiгөн бöжсö пашкыртлö да бөр топöдö. Артыштi: пипу дорöдз лоас воськов сё, шөрвыяс неыджыд коз, буретш öти визьын дозмөркөд сулалö, сайöдö менö. Сэтчöдз кö сибöдча, судзас зарадыс, позяс лыйны. Но коз дорö вотöдз — пөрöм пу, сийöс он ордйöд, гөгөр куш и увтiыс он төр.

Пөрöм пу дорöдз матыстчи регыд — згöдитчис гортын репетициясьöмыд, да и дозмöрыс сьылiс помся, абу на, тыдалö, повзьöдлöмны. Вольсали ружьеöс мышкö, кепысьясöс вөнъ костö суйи, кык куплет сьылiгкостi кавшаси куйлысь пу вылö. Сулалi сюръя моз. Аслам съöлöм трактор



моз йиркөдө, дась вомті былькнитны. Пола, мися, сылөн гыпкөм шысьыс лэбачыс пышьяс. Олөдышти лолөс, чеччышти водзө, козлань. Кокъясөн вөйи пидзөсөдз. Мед не сунгысьны ныр вылө, кыкнан киён мыджси лымъяс. Кывза, но төдса сьылөм пыдди кыла кутшөмкө тітшйөдлөм, быттьө кодкө тыртөм истөг көрөбө печлалө чорыд гыжъя чуньөн. Тыдалө, чеччыштигөн йизьөм лым чирьяс шаргысьөмны чарөм кузя. «Өні,— мөвпала,— тырмас-ө терпеннө виччысьны сьывны выльысь заводитөмсө». Кияс кымөмысла лөзөдісны. Копырвидзөмысь синьяс гудыртчөны, тырөны сола ньылөмөн. Коз дорөдз кык-куим воськов, но он босьт. Дыр-ө сідз сулалі, ог төд, коскөй дзикөдз чегны мөдіс кык кусыньөн олөмысь, кокъяс позялісны, став вир-яйөй лөталіс, легзьө. А дозмөр пыр тітшйөдлө, оз сьыв, тешитчө ме вылын. Сэсса вөрзьөм лои ли, мый ли, чеччис пуысь, шлывгис-небзис нюрлань. Сэки и жмоткыси-пукси — став эбөсөй бырөма. Кыткө быттьө кырис-орис пытшкөсті.

Пажын гөгөр сөмын гортөдз вои, дзикөдз укшальми да. А Пиля Васька миянын нин пукалө, асывводзнас воөма районысь. Дозмөр кок пө локті вильөдны. Ветлөм-локтөмөс висьтасьөм бөрын менө жө кулитіс. Коліс пө вөраиннын пукалысь дозмөр дорө сибөдчыны. Кутчысин нин кө босьтны восьсаиннысь (сідз и шуис — босьтны), коліс пө өти киад неыджыд понөль кутны, сійөн асьтө сайөдны. А лямпаяс пыдди вермин пө өти майөг кызта кос пу пөрөдны да лөшышты пөвторьяс, либө рытя чарөмсө виччысьны...

Мөдысь дозмөр койт вылө мунтөдз, тыдалө, уна на меным ковмас Пиля Васькалысь велөдчыны. Но, думышты кө, ме и өні ёнасө эг ворссьы. Дозмөр эз сюр, но ме кывлі сылысь сьылөмсө. Тайө оз жө быдөнлы удайтчыв.

## ПЕТЯ ГОЛОСОВ

Пөляс кужлөмны бөрийны оланіннысө. Джуджыд керөсьяса шорсө быттьө нарошнө вына гөрийөн юковтөмны-поткөдөмны. А бөрөзда пыдөсөд шор сяльгө. Лунвыв морөссө веськыда визьнитөны стрөйбаяс, шор пөлөн — быдөнлөн аслас пывсян. Челядь дырйи унджык кадсө төвнас тани коллявлім. Босьтам конюшня дорысь турун кыскалан рөзваль додь, дасысь унджыкөн төрөдчам, лолыд ыркавлө кыр улас төвзигөн, мөдар кыр йылөдзыс өднас катөдө. Тулысын гортладорысь куз нин вотам — кушмөма, а войыв

банас топалом лымйис кыза на жмутвидзё, ыркөдө сынөдсө, дыр на пычкө васө збоймом шорлы.

А öнi раз-мөдлатi, гашкө, Петя Голосовлөн лызь туйыс шор логсө вомөналө. Грездöй чинны кутис. Керкаяс разялöны, петкөдöны матысса сиктö. Школаö ветлысыя пиысь кыкөн и колим Голосовкөд. Сийö велөдчö, ме велöда.

Туйыс верст нель гөгөр, джынйис вөрти писькөдчö. Кор лөсялам Петякөд, сёрниö пырөдча, мед дженьдöдны туй помсö, а сийö вочавидзас öти-кык кывйөн и ланьтас. Ме öтарсянь сы дорö, мөдарсянь, а сёрни-басни некыдз оз пансы, быттьö иган сайын кывйыс. Мөдарö, зильö кольччыны меысь.

Öтчид петi школаысь, буретш гудыртчö вöли ывлаыс, восьлала ньöжйö, лунся мудзсö вылысь пыркöда. Лолавсьö кокниа. Тöлыс мыйтакö нетшкöма пуяслысь корьяссö, лясöдöма кок улö. Водзысь, туй чукуль сайысь, мөдис кывны гора гөлöс. Сувтовкери. «Вöрыс вывти-вывти уна, сыысь унаыс оз төр...»— гөлöсыс тöдса, но некодöс на ог аддзы. Содтышти воськовьясöс — пуяс сайсянь казяли, Петя Голосов вуджрасьö. «Вот и кыв-вортöм»,— мөвпала; мургö-сёрнитö öтнас, пуяс вылö чатрасьö, оз жö ме моз тэрмась. Эз вöv лөсьыд торкны сылысь кыпалөм ловсö, саймовтчöмөн ньöжйөнник муна. Петя кежис ыджыд мыр дорö, дыркодь сэн мошкоритчис. «Вот тайö да! 250 во быдмöма!— шылькнитис йывлань мыр дорысь пожöм пи.— А тэныд, дзолук, куим арöс на и эм, кымын гожöм ковмас сөвмыны-быдмыны, мед этатшöм вöлин,— шуис мортлы моз, асыкö бертлис кияссö.— Сэтшöм жö багатыр кодь лоан, со тайö вövлөм пыддиыс». Зонка карандаш и быдөн перйылöма мыр дорас ноксигөн, дасөн-дасөн пасьялöма вося кытшьяссö, пуыслысь быдмөм-кызöмсö лыддьöма, арталöма арлыдсö. Воысалөм книга тыра сумкаысь кындзи талун ки йылас тубрастор. Дерт, Палаш пöчлы магазинысь мыйкö ньöбыштöма. Аддзывла ме сийöс и пöрысь мортлы ва да пес пыртывлигьясөн. «Вот тайö пу, сэтшöм пуыс тайö бур,— Петя чатöртлис юрсö сись кодь пожöм йывлань, шымыртлис кыкнан кинас пулысь динсö, да кысь судзас сывйыд!— Уна жö тась добра артмас, а пескыд!? Пес вылö тайö оз убöлитны... Кодi бара первойысь вöрсö кöдзлöма-а?» И пыр тадзи, кытчöдз туйыс эз петкөд муяс вылö, ичöt морт ловья ловкөд моз сёрнитис вöрыскөд: то пу дорö матыстчылас, то копыртчылас кутшöмкö турунъяс дорö, то вижөдöм корьяс зептас муысь тэчас.

Лои гөгөрвоана авья детинкалөн лун-мөд-коймөд сайын шензьöдана поступок. Петяöс тöда бура. И мед инмөдчис

кодлыкё чуньон, лектор вочис, висьталісны кё эськё, эг эскы. А сэки ыджыд перемена дырйи зульодёма ассяыс ыджыдджыкёс, витод класса Костя Каневос. Кыкнансё вайёдісны учительскёй жырьё. Канев бёрдё сыркъяломон. Кыдзи да мый тышыс пансьёма, мый мыжысь Голосов тадзсё вочёма — кыв ни джын оз шу, сулалё юрсё копыртёмон. Кыкнаныс чов олёны. Классын сёронджык тодмалі: вёлөмкё, Костя чегъялө школа йёрысь ниншу, кодёс Петя вайліс вужъяснас аслас грезд дорысь. Быд том пу дорын повторйё гижёма ним-овсё пуктысьыслысь, сійён и торйён бура челядь дёзьоритёны ассыныс быдтасьяссё. Тадз найё велөдчан вояс йылысь паметсьё кольёны. Петяёс одва мынтөдёмаось Канев дорысь, кытчөдз мёдыс абу сетёма кыв — вайны да пуктыны сэтшөм жё пу.

Юрө вонс и мөдтор — челядьлы гортё сетлёмаось удж. Юалөм вылө, коді мыйён көсйё лоны, Петя Голосов помалёма гижөдсё татшөм кывъясөн: «...Мый сөмын өні оз вочны пуысь, вёрыс колө вывті уна. Но сійё абу помтөм. Колө уна-уна во, медым дзоля петасысь лон ыджыд пожөм либө коз. Вөр-ва — йөзлөн бур ёрт, кужөмөн вөдитчигөн сійё унаторйён козьналө мортөс. Йөз тан шойччө, кыпалө сылөн лолыс. Көсья, медым пыр вөлі тадз...»

## ДЕНИСКА

Детинка быд рыт виччысьё батысьө удж вылысь. Пөв вылө лөсьөдөма шашкияс, пызан вылын ворсан кубикъяс. Пырас гортас батыс, мачёс моз качөдлас писё пөтөлөкөдз, шылькнитас юрёдыс. Сөйөм бөрын мамыс кингаясөн поксьё, гижө, а ая-пиа орчча жырьынёсь. Ворсёны шашкиён, кингаяс видлалёны. Ок и сяммө Денискалөн батыс мойдыястө лыддыны, зверьяс и пөткаяс моз гөлөссө лөсьөдлө: то ошкөн мурөстас, то понйөн эргыштас.

Торйён нин кыпыда семьяын колльөдөны шойччан лунъяс. «Но, мам, мый колө вочны кык мужичёйлы?!» — ыджыд гөлөсөн юалас асывнас батыс, көть эськё ассыныс уджсё кыкнаншыс бура төдөны.

Котөрөн пыртласны пес, пыркөдасны джодж дөраяс, кутчысясны джодж мыськыны. Ыджыдыс ниртө, ичөтыс улөс да өшишь вывьясысь буссё чышкалө, киськалө дзоридзьяс. «Аддзан, өтвылысьтө уджыс кутшөма содө», — видзөдлас батыс пныслөн гөрдөдыштөм чужөм вылө. Отланы жө и физзарядка вөчөны.

— Бать, таво, тыдало, лыжнясто оз нин модны вузавны, толыс прайдитас,— эз отчыдысь нин Дениска казтышт та йылысь.

Оти рыво батыс киняулас пыртис лыжи гоз, бедьяс. Детинка чеччаліс радысла. Пызан сайо весиг эз пуксьыв: пот по. Некедз оз вермы торйодчыны нубомторьясысь: то кузтасо муртало кинас вывлань судзодчомон, то малало бедь помьясысь гогыляс, то дзуртысь кучик ковьяссо элладло. Лыжнясыс чача кодь мичаось. Лозон мавтомаось вевдорьяссо, чангыля ныр вывьясас серпасалома турунвиж козьяс. Оні жо коть петавлас ывлао, чойтор керка дорас эм. Детинка даддьон сати голькюдло. Но даддьыд по мый! Суседкалон пывка куим ароса и то повтог исласьо, ешо мышкюн мукод дырйи пукьяс. А Денискалы вит арос.

Чай юом борын батыс лосьодіс ковьяс, кок пидосьяс местао резина пластьяс тувьяліс, мед лымйыс эз сибы. Дениска гын сапогасьліс, мурталіс ковьяссо — буретш артмомаось. Бедьясьомон ветлодлыштис джодж кузя. «Асыводз ывлаас петавлан, оні сер нин»,— такодіс батыс, видзодліс стенин ошалысь часі выло. Сийо пыр сидзи вочо, кор матыстчо детинкалы водан кад.

— Вesyшоро на петкодлин лыжняссо,— пныслон унмовсьом борын шыасис мамыс.— Аски садийо сылы, оз-о ырьянитны кут.

— Сэтшом дыр виччысис, аслым нин эз вов лосьыд...

— Кодколуню,— негораа сероктис мамыс,— пырис рытнас, гач кок помыс пидзоссянныс потома, домны оз шогмы. Корт тувийо крукасьома потшоc вывсянь лым толао чеччыштигон. Виль гач сеті, а сийо: оти зепта по. Оти зепта гачыс по оз овлы, вдизодлы коть батыолысь. Рузум торйысь лон мод зеп вурны, некедз оз бурась.

— А мед зеп полаос оз вурны дай, кытчо мод кисо мортыс сюяс,— тшотш сероктис батыс.

Асылыс вөлі ромыд на. Мамыс ноксис пач дорын, а бать пырис Денискалон жырийо.

— Мам,— вештыштис ошиньысь занавес,— лыжникид со ывлаын нин варгылясьо, муртса торьяло лымсьыс. Небось, эз ковмы садьмодны.

— Ой-йой, чуксав оні жо, конко брод ва нин. Кор по петома, эг и кывлої. Лыжняснад и ставнад, оні колуйыс оз нин косьмыв...

— Эн ойзы, водз чеччомыд абу омольтор. Луныс оні пон кыв кузя: сер югдо, водз пемдо.

Сернитігкості пырис Дениска. Лым куль кодь ачыс.

— Лымъялө, тыдалө, талун чорыда, еждөмыд,— мели шясис батыс.— Но кыз лыжияд?

— Лымъялыштө эськө да,— Дениска пөрчис пальтосө.— Оти лыжныс, бать, ёнджыка исковтө, пановтө мөдсө, эссея пөрө боквыв.

— Вермас лоны. Но шылялас, велалан да, өтмоза кутасны кывзысьны.

— Кымыныськө эг нин усь чойодыс. Талун лунтыр кута велөдчыны.

— Лунтыр?.. А кызни нө удж вылад. Лун кольны, пиө, оз позь. Ачыл шуан вөлі, мойд пө кутам праздник кежлө дасытыны, бать-мамлы көсьям петкөдлыны.

Бөръя кывъясыс детинкаөс шогө уськөдисны.

— Рыт-асывъяссө ислалыштан, велалыштан, он мөд пөрлавыны, а шойччан лунө пашня сайө ставон вуджалам. Уркайяс сәні олоны, кывзыштам налысь чивыльтөмсө.

## КЫДЗИ БЫДМИС КОЛЯ

Коля Ичөткин оло Сейгорт сиктын. Колян ве велөдчис коймөд классын. Зэв эськө зумыд тэчаса детинка, ас коддөм зонпоснилы нинөмон оз сетчы, сөмын ичөт тушаа. Бытькө и овыс нарошнө лөсялө. Но зэв ёна дөзмө, кор сийөс Коля Ичөткин пыдди нимтөны Дзоля Ичөткинөн. Физкультура урокъяс дырйи стройын медбөрын век сулалө. Забеднө эськө, да нинөм он вөч.

Батыс Колялөн ыджыд, ён. И мамыслөн тушаыс буретш. А сийөс быттьө петшөр пөвстысь аддзөмаөсь.

— Немтор, Колюк. Ставысө на вөтөдан,— такөдө батыс.— Нолтө, сувтлы гөбөч курич бердад. Видзөдлам, уна-ө нин нюжалін...

Коля эськө и сидз нин быд асыв да рыт мерайтчө, пасьялө карандашөн гөбөч куричө ассыс судтасө. Сөмын карандашыс век өти визьө визьёдлө. А өтчыл мерайтчигас водза пассыс улынджык лон да, Коля муртса эз бөрддзы. Бур, мый мамыс ас кадө гөгөрвонс: джодж вольөсыд пө кок увсьыд вешйөма.

Гожея каникулъяс дырйи Коля мунис орчча грездө пөльпөч ордас. Турун пуктигчөж юр кыскаліс. Пөттөдзыс гожейдчис, купайчис. Рытьяснас ветлывліс вуграсыны. Пөльпөчыслы быдторйын отсасис. Кор воис бөр гортас, батыс сюся видзөдліс пи вылас да весиг чуймыштіс:

— Кутшөма тэ нюжалөмыд, пиө! Нолы, сувтлы өні гө-

бөч курич бердад. Сідзи и эм, кык чунь вомлөс быдмөмыд!

Видзөдліс Коля выль пас вылө да синъясыслы эз эскы. Мөдысь и коймөдысь на сувтліс.

— Мый нө другсө быдми?!— радлө Коля.

— А тэ он төд?— сералө батыс.— Уджыд тэнө, шуук, шужөдөма. Кывлі, ёна пө отсасьомыд.

— Мөд гожом ме бара сэтчө муна,— шунс Коля. А ачыс думыштіс: мед кодкө өні лысытас менө Дзоля Ичөткниөн нимтыны! Ме өні төда, кызди колө быдмынытө. Сэссия чепөсийс ывлаө пес поткөдлыны.

### ЭЗ ПОВЗЫЫ

Коля Кузьпелев асывнас, школаө мунтөдзис, колльөдө ичөтджык воксө детсадиө, а рытнас волө сылы паныд. И быд прөйдитіг зонка сувтовкерлө Поля баблөн град йөр потшөс дорө, нимкодьясьө өрешки кустьясөн. Ыджыд, сьөд бана өшйөм гөгыльяс моз розьясыс пөлынтьөмабсь зумыд идзяссө. «Қор бабыс кутас идравны урожайсө, корышта көйдыс вылө кымынкө тусь»,— мөвпаліс Коля.

Өтчыд тадзи сулалігас Коля Кузьпелевөс суис Степан Чуркин, тайө жө сиктсыс ар витөн ыджыдджык зон. Моски пасьтала чукльөдлө-мукльөдлө дзуртысь велосипед вылас, кияссө морөс бердас кресталөма — ме пө и эм. Кузь кокьяссө мынтөдіс педальяс вылысь, мыджис муас.

— Тэ буретш и колан, пацан,— тшапа сөдзөдіс сійө.— Мөвпышти өти операция, отсыштан.

Степан тракнитіс зонкалысь кепкасө увлань, тупкис синьяссө:

— Вай сөв менам вөв вылө. Кадыс оз виччысь.

Степан велөдчө витөд классын на, көть бур серөн кө, колө нин пукавны сизимөдын. Кизявтөм дөрөмсө удвор пельөс помьяснас гөрөдөн зэвтөма гөг весьтас. Код төдас, мый дыра юрси пратьясыс абу сюрлөмабсь пожич улө, өшйөмабсь пельпом вылас. Ичөтджыклы татшөм мортсяныс быдтор позьө виччысьны. Тулыснас школа гөгөр өг весалігөн Степан зургис кыддзө зырийөн, пуыс пыр жө бөрдзис — сямөд потасөд ылькнитіс зарава. Кодкө челядь пиысь көсийс норасыны лектор вөчөмысь, но Чуркин мыччыліс сылы ныр улас кулаксө: пув ватө пө пискөда.

Коля өні падмыштіс, повзыыштіс жө. Қыв шутөг пуксис велосипед вылө.

— Операциясө тэысь бурджыка некод оз вөч,— быттө ошкөмөн такөдіс Коляөс Степан.

Кытш вöчөм бöрын Чуркин вайöдiс Кузьпелевöс Поля баблөн град йөр потшöс дорö, но мöдарсянныс нин, пыв-сянладорсянныс.

— Шойччыштам. Куритчам,— перйис сапöг гöленьсьыс папирос пачка да мырдөн суйис öтиöс Колялы вомас.— Ставсö колö тыр-бура артыштны,— шунс сийö,— а бур мөвпъяс вооны сöмын куритчигөн.

Коля раз-мöдысь тшын кыскыштöм бöрын сэтчö и семдiс. Кыв шуны, ни лолыштны оз вермы, чышкалö синвасö.

— Колö пыравны öрешкила,— Степан синнас индiс град йөрлань.— Аддзан? Тайöс вöчан тэ. А куритчынд быдөн сiдз заводитлöны, велалан.

Колялөн бергöдчис юрыс табак тшыньсыс. Неқодарö оз куж шуны кыв ни джын.

— Но мый, повзин? А ме думайтi герой. Навернö книгаяс лыддян геройяс йылысь. Мöтöк!.. Поля бабысь повзин. Да тöдан кö, сийö оз кыв, ни оз аддзы ылысь. Шор дорсянь пыран потшöс костöдыс. Бөрöздаöдыс, дерт, ковмас кыс-сьыштны. Но немтор. Муыс кос, ёна он нййтöссы. Ме лоа туй вылас, сэсянь ставыс тыдалö, ог эновт. Öтчыд шутёв-та — кынмы места вылад, кыкысь — весась, но кужöмөн. Öрешкисö юкам шöри...

— Корам кö, гашкö, бабыс сетыштас гусявтöг,— кутлис пыксыны Коля.— Меным эськö сöмын кöйдыс вылö и колыштö, кымынкö тусь...

— Виччысь, лöсьöд зепъястö, сетыштас,— скöра серöк-тiс Степан.— Трус, но инö, аддза збойджыкöс.

Зонкалы чушисны Чуркинлөн бөръя кывъясыс, торйөн нин «трус» кывйыс.

«Пырала инö, абу жö öд, көнкö, лыддьöма,— мөвпыштитiс Коля.— Поля баб та мындасыд оз и тöдлы»,— но век жö падъялыштитiс да гораа нин вашкöдiс:

— А кывсяс кö?

Но Чуркин Степан эз кöсйы лэдзчысьны, да Коля сетчис.

— Важөн эськö сiдз, сарапана зонка. Мыйла нö кывсяс, пиньяс саяд кö видзан кывтö.

Коля вуджис йөр сайö, кыссис öрешки куст дорöдз. «А кывсяс кö?»— бара воисны дум вылас аслас шулöм повзöдлана кывъясыс. Син водзас вуджöртiс мамыс, велöдысьыс, ёртъясыс.

Дзуркнитiс кильчö öдзöс. Сийö жö здукö туй вывсянь кылис пинь пыр шутёвтöм. Негораа, но сийö быттьö дзенöб-тiс пеляс. Коля мыйтакö бöрынтычыштитiс, но мышкөн кыс-сьыны картофель коръяс костöд эз вöv кывыв.

«Пета кө тыртөг, Степан аски жө лэптас челядь водзын серам вылө, сёрни паськөдас, кутас тешитчыны». Өрешниклөн иддзыс сой кызта, өрешки розйыс шляпа пасьта. Он на нетшышт водөмнад. Көть кустсө нетшышт вужнас, но оз тырмы вып.

Туй вывсянь кылісны велосипедлөн дзурталөмъяс, төдса кызөкталөмъяс. Гусясьысь медбөрын пиньяснас орөдіс гусяланторсө.

Кор Коля мыччысис шордорса кузь турун шысь, Чуркин сулаліс потшөс дорын.

— Дыр мөмъялін,— ошкыштөм пыдди шунс сійө. Сэсся өрешки позйысь чегыштіс ки пыдөс пасьта бертас да мыччис сійөс вайысьлы.— Тырмас тэд көйдыс вылад.

Степан топөдіс кузь кокъяс костас кык көлесаа вөвсө, йөткыштчис. Сы дыра и вөлі юксөмыс.

— Сөмын няйтөсси, петшөраси,— скөрысь мөвпыштіс Коля да кокнас кутіс таявны-нырны муын туплясьысь өрешки роз да папирос, кодөс Степан коліс содтөд удждон пыдди.

Кык лун чөж Коля Кузьпелев ветліс кольмөм төрөкаи моз. Поля баб керка дорті прөйдитігөн бергөдчө мөдарө, мед не аддзыны юртөм өрешник. Олө быттьө вошөм морт, чукөстасны, чурмунлө виччысьтөмла. Школаысь воөм бөрын оз тэрмась котөртны ывлаө. Мамыслөн юалөмъяс вылө вочавидзас кыв-мөдөн, оз лысьт видзөдлыны сылөн синъяс вылө. Эз такөдны Коляөс и Степанкөд паныд сюрлөмъяс, көть мөдыс тшолскнитас мунігмозыс кывнас: ставыс пө бур. Мөдарө — синнас көть оз аддзы сійөс. А кор дневникас чужис чатөра юра мөд двойка, да велөдысь тшөктіс кольчывны урокъяс бөрын, зонкалөн став вирыс чепөсйис чужөмас. «Кывсис өмөй?»— тайө мөвпыс сылөн эз вешйив юрсьыс йөз йөрө пыралөмсянь.

Көть сёрниыс велөдыськөд эз вөв гусясьөм йылысь да Кузьпелевлөн личалыштіс лолыс, но век жө зонка поліс, яндысис.

Тадзи коліс ещө лун-мөд. Коля пыр майшасис, а сэсся урокъяс бөрын чорыда шунс аслыс: «Оні жө и ветла Поля баб ордө, висьтала ставсө... А Степан?.. А мый Степан... Эз өд сійө тойлалөмөн ысты менө йөз град йөрас!»

Кызди сёрнитісны пөрысь морт да зонка, төдөны сөмын найө кыкөн. И көть Кузьпелевлөн вазьөм бандзибъясыс абу на удитөмаөсь косьмыны, Поля баб ордысь сійө петіс збодера. Сылөн видзөдлас серти позьө вөлі гөгөрвоны, мый зонкалөн тырмөма смеллуныс висьтавны мыж йывсьыс. Сійө оз повзы и мамысь, и ёртъяс водзас.



## ЖЫДАЧ ПОЗТЫР

Жыдач позйын вöлі квайт кольк.

Энь пöткa, дерт, кадсö лыддыны эз куж, эз тöд, мый тырö стöч нель вежон колькъяс вылас пуксьöмсянь, но став пытшкöснас кыліс: буретш талун петасны вöля вылö ловгөнөн гыортчöм ёкмыльяс. Сы вöсна и сутш кежлö энóвтис позсö. Тöлысь чöжнас, гашкö, пöттöдзыс эз и сёйлы, гыркпытшса став шоныднас пöжис кельыдлöз чутъяса колькъяссö, бергöдліс бокысь бок вылö, дорсаяссö кадысь-кадö быгльöдліс шöрас. Лым на петаліс, сэки сійö кык лун чöж эз чеччыв места вывсьыс.

Войыс вöлі лöнь. Утка тэрмасьöмөн кокаліс муртса на мыччысьыштöм небыдик турун йывъяс, нырнас лöсьöдалыштис морöсвывса торксьöм гөнъяссö, мавтыштис найöс гóсөн. Öвтчыштис бордъяснас, быттьö көсйис лыбöдчыны ва вылысь, но тадз сійö пыркöдіс изöймитöм впр-яйсьыс мудзсö. Сэсся гөгөр видзöдлöм бöрын петіс берөгö да мöдöдчис кузь турун пытшти тальöм векныдик туй кузя тöдса бадь улö, коді быдмис васынь воськов дас сайын.

А тыдorsa тайö баддыс жыдач гозъялы важысянь тöдса, помся некымын во таи найö пöжсьöны. Оз жö, дерт, тöдны, кымын во да кымын ас кодъыс жö утка лои быдтöма тайö каднас, а бадь кустыс тöдчымөн вывлань нюжаліс, сөдіс-паськаліс.

Быд тулыс пöткаяс чукөръясөн лэбöны лунвывсынь ас чужан местаясö. Кутшöм сикас утка сöмын абу котырас: гордаяс, крохальяс, сьувчöжъяс, сьöдъяс и турун рöмаяс, иань вороп кодь паськыд и шыла йыв кодь ёсь ныраяс, гырысьяс и поснияс. Чукöрыс сэсся вочасөн чинö — кольччалöны тöдсаниъясö. А кор казяласны жыдач гозья ассыныс тысö, первойясөн из моз сатшкыясны помас, тöдса бадь куест дорö, көть сэки сійöс ванас гөгөр ойдöдöма.

Бадь дорö вотöдз на энь жыдач кыліс сылы сöмын тöдса шыяс: тип-тип-тип. Сьöлöмыс вөрзыштис, кокъясыс тэрыбзисны, но бадь улö пыртöдз косыньтліс юрсö öтарö-мöдарö, лов шысö сувтöдліс — оз-ö кодкö кышöдчы кос турун пöвстын — да вöлись тюркнитис позъяс. Кымынкö выльöн петöм пи варгылясисны кольк кыш торпыригъяс вывті. Öти юрсö чургöдöма, нöйтчö мый вынсьыс, лои ыдждöдыштны петан розьсö. Бөръя колькйыс вöлі дзонь на, но тöдчис — вöрыштö, жыдач мам кыліс пытшсяныыс игöдчöм: «Кöсья жö петны, да ог вермы». Кор нырнас розьöдіс кольклысь кызджыкладорсö, сесь пыр жö мыччысис дзöрысь виж ныр, ачыс нин жугліс кышсö. Утка мам шуда видзöдö покесьысь

пияныс ылы. Дзик ставыс ۆткөдөсө! Сәтшөм мицаөсө!  
Вомсө муртса восьтылөмөн — мед не повзөдны аслас гора  
гөлөснас — гусьөнника герчйөдлис. Кольк кыш торъяссө бөкө  
шыблалөм бөрын пузгыртчис, нырнас тойлалис пиянсө ас  
улас, порыштчөм гөн улас...

Час-мөд-коймөд бөрын жыдач петкөдис ассыс котырсө  
ва ылы. Кадыс вөли водз, вөртас сайысь шонди эз тыдав,  
асыввылыс пуяс костөд муртса на ломзис алөйгөрд рөмөн.  
Кывзысьышитис, видзөдлис гөгөрбок, мелі гөлөсөн гетнись-  
гетшсь шуис — вөтчөй пө ме бөрся — да пөлынясьөмөн мө-  
дөдчис турунпытшса туйөд, коді кажитчис ичөтик шорлөн  
косьмөм воргаөн. Вывсянь кө видзөдлыны, нинөм оз и төд-  
чы. Вөчас кымынкө воськов, сувтлас, бергөдлас юрсө мыш-  
лань, герч-герч шуас, водзө мөдөдчас. Поснияс гузьгөны-  
вөтчөны бөрсьыс, тэрмөдлөны өта-мөднысө, усьөны-чеччө-  
ны турун заясө крукасьлөм бөрын. Сидз жө и мамыс бөрся  
сьөрсьөн-бөрсьөн ылыкнитчисны-пырисны ваө. Өтилөн тай  
падмылөмыс дырдзык лон берегас, но гораджыка гетшни-  
төм кылөм бөрын төдлытөг тишмыльтчис бок ылас, сувтис  
пырысь-пыр, быттьө пробкаысь вөчөм таб. Утка пиянлөн  
кокъясыс оз судзны муөдз, а васө куралөны бура, пелысьяс  
моз. Быттьө колькъяс пыткас велөдөмны найөс уявны,  
некутшөм нөлөм абу. Кузь эжөр да зөридз потшөны ты  
помсө, джодж пасьта кымын йөр кодь артмөдөны. Тані ва-  
ыс абу джуджыд, туруна и быдсяма гагыс шөтөма. Ичөтъя-  
яс первой лунсянь жө өктөны ва ылысь сөянсө, сюрас  
ыджыдджык да чорыдджыктор — бөр гылөдөны вомсьыныс.  
Разөдчасны кө йөр пасьтала, пыр жө шыасяс мамыс: гетш-  
гетш-гетш — оз на пө позь разөдчыны. Квайт письыс кыкөн  
торъялөны, найө ыджыдөсьджык, жыдач төдө: быдмасны  
да голя гөгөрыс налөн веж атлас лентаысь вөнь лөө, снн  
вевдорьясас еджыд визьяс... Найө оз кутны пөжсьыны. Ви-  
дзөдө мамыс, любуйтчө петасьяснас, но бура төдө, мый  
төждлуныс өні сьлөн содис, ковмас борд ылы лыбтөдз  
видзны-дөзьөритны. Сийөн и юрсө частө чатрөдлө, дзоргө  
гөгөрбок. Төдө: яг дор берегыс кынөмнас бертчөма валашь.  
Сэн, өтка кос пу ылын, быд лун көйвидзө ягварыш, быттьө  
кынмөма места ылас, оз вөрзөдчы, пу йөгөн и думайтан  
первойсө. Но сулалө вугыртны не кадө — юртө воштан. Ко-  
льөм гөжөмө борд ылы нин лыбөм бөрын өти пылысь лэчыд  
пуртөн моз сьылисө ордис крукыля гыжнас. Мөдөс ны-  
лыштис нитисялөм сарөг юра вугралысь сир. Куш видзөд-  
ласыс весьөпөртө — синьясыс бьлыкнитчөмны ортсьө, ва-  
акань лист пасьтаөсь. Сюран кө сәтшөмыдлы, горшас он  
инмөдчыв. Вот и вугралысь — ньөв моз усьласьө.

Дыр-ө тан тольӧдчисны утка пиян, а кадыс восьлаліс лунлань. Шонді торйӧдчис пу йывъясысь, ты сайын кӧк лыддис кодлыкӧ вояс, а виддза берегын, муас, гораа кра-вісны ракаяс, кеслісны горшъяснысӧ, тыдалӧ, зык сорӧн юкисны черн кыйысьяслӧн сѣян колясьясӧн. Жыдачлы став серпасыс ты гӧгӧр тӧдса: кӧн коді олӧ, кор коді водӧ да чеччӧ. Тӧдӧ сійӧ и ты йылын олысь горда уткаӧс, не-кымын во жӧ сэн пӧжсьӧ. Но жыдач оз сыкӧд ӧртась, ӧна нин мӧдыс ыкша моз асьсӧ кутӧ, казялас да ылысянь на бер-гӧдчӧ, юрсӧ гӧгӧра моз чатӧртӧма. Жыдачыл та понда оз майнась, не сыӧдз. Быд лунъя олӧмыс ӧні сылӧн — челядь вӧснаыс вийсьӧм. Ӧд кымын лӧк син видзӧдӧ жебиникъяс вылад.

Жыдач-мам кокъяс вылас мыджсьӧмӧн сувтліс ва вер-кӧсас, негораа гетш-гетшвӧчис — тырмас пӧ ӧні кежлӧ — веськӧдчис береглань, гыӧн вундіс-поткӧдіс васӧ морӧснас. Бӧрсьыс, мамыс туйӧд, гузьгисны-кывтісны гӧн ӧкмыльясыс. Мӧдысь найӧс петкӧдас восьса ва вылӧ рытья рӧмыднас.

## АЙ КӦИН

Ӧрт, кодкӧд тшӧкыда ӧтлаын вӧравлім, петіс пенсия вылӧ. Лӧсьӧдчис мунны карӧ пи дорас. Сійӧ коліс меным кӧчалан пон. Радейтан кӧ ветлыны вӧр-ваті, сідзкӧ, видз, во-мӧд уджалас на. Козьналісны бур понйӧс. Меным, дерт, нимкодъ лои. Нырысыс ӧсь на, кокъясыс тӧрыбӧсь — пӧсь сьӧлӧма. Сук вӧраиннысь лӧптӧ кӧчтӧ. Он кӧ вермы лыйны, оз энот, кӧть вӧтлыяс вой шӧрӧдз. Оз отсав некутшӧм чуксалӧм. Некумынысь вӧрӧ петавлӧм бӧрын кутім бура гӧгӧрвоны ӧта-мӧдӧс. Пон велаліс выль кӧзяин дорӧ.

Кӧчтӧ кыйӧмыд — абу ворсӧм. Унаысь лӧӧ воывлыны тыртӧм лазйӧн. Сюрӧ сӧмын мудзӧм-кӧтасьӧмыс.

Талун со пон да кӧч вӧчисны, гашкӧ, вит кытш, а зверь эз матыстчыв лыйӧм ылнаӧ. Пӧрысь, тыдалӧ, мудер, оз пет эрд вылӧ, пырджык визъялӧ сук понӧल्याс пӧвстӧд. Некедз ог куж бӧрйыны дзеваса места, то уйкнитас бокӧд, то тю-рас посни понӧल्याс увті. А кадыс рытьядор нин. Кутіс усь-ны лым. Шуштӧмджык лои нюрдорса козья вӧр. Пон орӧд-чывтӧг вӧтлысис кӧч бӧрся. Со тӧдчымӧн кутіс ӧнмыны сы-лӧн гӧлӧсыс. Матысмӧны. Сувті ыджыд коз улӧ. Тасянь тыдалӧ ылӧджык. Ылісянь на казялі кӧчлысь мудеритӧм-сӧ. Ачыс еджыд, лымйысь он торйӧд, но ӧна дзугӧ туйсӧ, шыбласьӧ бокыв. Видзӧда, оз ӧна асьсӧ пес: ылӧдлас пон-

йос — шойччыштö. Пуксылас кань моз, нсыштас кузь пельяснас сынöдсö — кывзö да бара водзö. Тöдчö, абу öтчыдысь нин ылöдлывлöма понъясöс.

Сулала октöм курока ружьеөн, дзорга-видзöда водзö, зiля, медым зверь эз вош синъяс водзысь, виччыся лыйöм ылнаö матыстчöм.

Друг воськов сё сайын понйöй мисьтöма тьякнитiс, быттьö кучкисны, да ланьтiс. Юрын визнитiс шуштöм мöвл: «Кöин. А сетчис öмöй сы ыджда пон?».

Вөрö пыригөн паныдасис мян сиктса олысь Петыр Васька. Понсö домалöма көвйөн, кок дорас нуöдö.

— Повтöг гоннялан аслад гончакöд, а тани олö кузь бöжа көч. Эньсö лымтöгыс на кыйи, а пöлыс коли. Зэв мудар. Некумынысь уськөдчылис пон вылö. Ньöv моз дзебассянь шыбытчылас да бөр усийсьö. Лыйны ог удит. Но ме сийöс кыя, вот аддзылан...

Пöрысь вöралысьлы асывнас серам сорөн вочавидзи: «Кöинъясысь повны, вөрö не петавны». И со...

Котөрөн уськөдчи пуяс костöд, косьöбтi-луйи вывлань. «Рекс! Рекс!» — горза. Чöv-лөнь. Казяли, тусяпуяс сайын визнитiс сьöд вуджөр. Локтi сийö местаас, а сэни пласьтмунöма понйöй. Менö аддзöм бöрын сийö көсийлис сувтны кокъяс вылас, но эз вермы. Мый лöсялис сьöрысь, öдийöджык зэвтi-көрталi дейсö, сувтöдi вирсö.

Сийö онас вөрö петавлыны эз нин удайтчы. Пон дыр эз вермөдчы, а сэсея и лымыйс джудждаммис. Öтчид выль воöдз паныдаси Петыр Васькакöд. Пельпом вылас көни ку плавкнитöма, гырыся восьлалiс заготконторалөн складлань. Ку вылас синъясöс чөвтлöм бöрын ставыс лон гөгөрвоана — виöма көинтö. Ыджыд, татнöмыд пон стаякöд косясяс — оз повззы. Бурися вөлöма, нельяс дорас дзор сияс. Сиктысь понъясöс гусявлöмысь жö и мынтысьöма кунас.

— Верман повтöг ветлөдлыны вöрад, — кнасьöм бöрын нюмдiс Петыр Васька. — Руд разбойниксьыд кодлыкö вурасны көмкот.

Тайö кадеяныс көинъяс эз пакöститчывлыны сикт гөгöрын.

## ОШ ВYЛÖ

Кöсьта Иван нуöдлiс ош кыйны. Аслас Пиратыскöд петалöма дозмөръяс лыйлыны, бөр вонгас понйыс Михайлö Иванöвич гу вылö веськалас. Öтнас вөрзöднытö оз кут. Местасö пасьяс.

Көть радейта вөр-ваті ротъявны, но ловъя ни кулом ош синмөн эг на аддзыв. И полакодь. Но өткажитчыны абу лөсьыд. Ёртөй со весиг колана бумага судзөдөма.

Көсьта рөдас шапка новлысьясыс збыльысь нимавлөма-ось ош кыйысьясөн. Пөчинөкас олігөн на уна чорыд гыжъялысь кусө пөрччөдлөмаось. Но быдөн төдө, мый тайө уджыд абу гут вылө черөн усьласьом. Сюрлөма и аслыныс, көть и ёнөсь вөвлөмаось. Отилысь весиг лыяссө мешөкөн вөрсъыс вайлөмаось.

Вөлі ноябрь шөр. Кок улын небыд — муыс вевттьысьома весът джуджда гөн кодь небыд лымйөн. Лөсасъяс кузя пыригөн Иван висътасис кык шор кост ягын олысь ошлөн мудеритөм йылысь. Вөлөмкө, ёртөй кыкысь нин водздзык ветлөма и некоднанысьсө абу удайтчөма аддзывны. Мортлысь пырөминсө казялөм бөрын Михайлө Иванөвич пө вежө төвъян местасө.

— Кыйнысө весиг жаль, сэтшөма нин видзө дона юрсө да,— Иван сувтовкерис, гартыштис чигарка.— Но кодзукоткаръяс яг пасъталасъыс парсалө. Оз мукөд ошъяс моз өтчид, тулысын. А гожөмбыд, гашкө, дасысь. Кодөс аддзө, сійөс и пазиө. Одва чукөртыштасны челядь, видзөдан — бара нин разөдөма. Да и мөдтор таялө — регыд көлысь лөө. Жөник-невесталы тайө луннас көсья кок улас ош кусө павгыны. Менам гөтрасигөн батьөй джодж пасъта ку жө кокъяс улө шыбитліс. Мед жө зумыд семья лөө, некутшөм сьөд кань томъяс костөд оз лысьт котөртны. Сідз нин мян рөдын вөлөма. Водзө кежлө, гашкө, и ош кыйысьыс оз лө: нывъяс өд менам ставныс, йывмыны мөдис Көсьта рөдыс.

Иван бергөдчис мелань, өзтис кусөм чигаркасө да водзө нюжөдис сёрнисө:

— Тэ, Ольөксан, эи дөзмы. Яйсө унджык босьтан, гөсө. Шуан: кок йөзвняс пө дзуртөны. Гөснас зыралан, сыыс бур лекарство он аддзы, бордйөн моз чышкынтас висьөмтө. Позьө и гыркад кылөдавны. Бать, поконики, сійөн и вөвлө вына. А өні ошъясыд гөсаось.

— Понтө тай, Константиныч, он нуөд, али гуысь кыйиґгад оз ковмы?— юалі Иванлысь, мед вежны сёрнисө.

— Ковмыныд эськө ковмас, да торкасьны сөмын кок улын кутас.

Ош гу дорө вотөдз кералім сыв куим кузъта кыз потш. Ёцө муныштөм бөрын Иван сувтис, индис ыджыд вужля вылө: тані пө.

Пөрөм пулөн джын вужйыс чургөдчөма вывлань. Мыш кузя, куш яйөд, визьнитисны кодзукотъяс, шапка лыбышт-

ліс юрси вöрыштчöмла, но эг петкöдлы повзöмöс, мед кöть, мися, ёртöй оз казяв.

Иван сувтöдiс менö вужля бокö, тшöктiс октыны курöк. Мöд öтка пуляа патрон босьтi вомö.

— Эн пов. Куим стволыд öти зверыдлы... Гашкö, оз и ковмы тэныд лыйнысö, но век жö ло дась,— гусьöник öлöдiс менö другöй.

Ачыс нюжöдiс да пунктiс потшсö туйс вом пасьта розь вомöн. Сэссия чургöдiс ружьесö увлань — гымöбтiс. Здук мысти кылiс мöдысь лыйöм шы. Ме дзорга сьöд розь вылö, кысянь виччысим ошлысь мыччысьöмсö, Иванлөн лыйöм бöрын кö вермас на пышыйнысö, быттьö. Но вужля улын некутшöм мошкоритчöм эз кыв. «Эновтöма, лешакыд, тыдалö»,— шуыштiс ёртöй. Эз на удит пöдлавны вомсö, кызди кодкö шуйгавывсянь койыштiс лымйöн. Сэссия быттьö негораа упнитöм бöрын пес поткöдлан пöшкөн кучкис меным. Мач моз тутi понöльяс костö. Ружьей гымöбтiс-луйис аслам кийн, пель дортi сьавкнитiс би ньöv. Öнi на веськыд синкымын да кöсичаын чишкасьöм туйыс тöдчö. Тыдалö, октöм курокой усигөн крукасьöма кытчöкö, зарадыс öдва кымöсö эз веськав. Садьöс воштысьлöма. Кор восьтi синьясöс, аддзöм серпасыс чуймöдiс: морт да зверь гартчöны пу гöгөр. Иван пышьялö, киас ружьеыс абу, ош вöтлысьö, быттьö шырөн-каньөн ворсöны.

Видзöда пикö воём ёрт вылö, а вöрзöдчыны ог вермы, сюрса лыöс быттьö пöсь кöртөн дзужалöны, сэтшöма доймö. Öдва судзöдi туплясьысь ружьесöс, вежи патронсö да шуйга гыррдза вылö лыбöдчыштöмөн лыйи зверьлы бокас. Син водзöй бара гудыртчис. Сэссия, кыда, Иван матыстчис, чуксалö. Шуйга кинас да пиньяснас дөрöмсö чашйö-косявлö. Мöд кисö вывлань чургöдöма, вирыс шорөн лэччö. А менам ружье прикладысь öщöпек кодь пу тор и кольöма, стволыс да затворыс рузь-резь пасьнитчöмаöсь. Тыдалö, турбылясигөн ствол розяс лым ли, му ли веськалöма.

— Бара öд ловйөн пышйис,— Иван пыдiсянь ышловзис кисö дөрöмнас тöбöм бöрын.— Трустыд, мöдарсянь чепöс-йис, тыдалö, вужля улас прамöй ыджыд вöлöма гуыс. Тэно туй вывсьыс вештыштiс лапанас, ме вылö уськöдчис, тшын дук вылас. Тшапкис ружьеа киöс, пиньясыс зiлькмунисны кöртас да личöдыштлiс вомсö. Сэк костi удитi саймовтчыны пожöм сайö. А сийö ме бöрся... Сэссия тэ косьыштiн-луйин.

И со тöлысь чöж Кöсьта Иванкöд больничайнöсь, öти жырийн. Веськыда кö шуны, ме куйла, а Иван кок йылас. Сылысь кык чунь вундöмаöсь веськыд кисыыс, куш кучик

йылас пö вöлөм öшалöны да. А менö водтöдiсны гөрба чорыд вольпась вылö, пуксьыны ни бергöдчыны бок вылö ог вермы. Сюрса лыöй пö доймöма. Иван быд лун пынйöм оштö казтылö. Ог пö ло ме Кöсьта Иванöн, ог кө пö сйöс, грекö вöйтысьöс, кый.

Ме кывза, но нинöм ог вочавидз, тöда: чуньясыд княсад уна, а сюрса лыыд мортыдлөн öти. Оз ков меным и ош го-сыд — одеколонöн зырала дзуртысь пидзöсьясöс.

## ПÖРЫСЬ САН

Сой кызта пашкыр коз ув öшйöма көръясөн талялөм ордым весьтö.

Сан пукалö ув вылын мусянь метр кунм вылнаын. Гөрдовсьöд гöнас сибдöмаöсь джынвийö косьмöм лыс емъяс. Бокъясыс, мыш вывтi мунысь еджгов визьясыс йизьöма-öсь. Корöсь кодь бöжсö ляскöма ув кузяла. Кокньыдик тöv вөрöдö бöж помсьыс кузь сяссö. Көть пöльтö чизыр, көдзыд тöv, но зверь весиг оз вөрзьöдыштлы пельяссö, быттьö кынмöма места вылас. Сйö тöдö: зорöд гөгөр лымйыс гумла вылын кодь, талялöма. Аддзылис, кызди көръяс люкалöны турун зорöдсö, öктöны медся чöскыд сяссö. Сан кужöмөн бöрйис виччысянинсö. Вöрса пемöсьяс коркö воасны.

Көръяс вöлины кунмөн. Лун-мöд найö ветлöдлiсны посини пожöма ягöд, лым улысь перьялисны ён гыжъяспаныс яла, пöткөдчисны пожöм ройöн. Сэсся дум выланыс усн небыд турун. Веськөдчисны йөнöдлань, тöдса зорöд дорö.

Войся лöняс сан ылисянь кылис дзуртышталöмьяс. Вирьяйыс сырмыштiс, вөрзис сьөлöмыс, но зверь пыр жö лөньöдiс асьсö. Абу медводдзаысь: колö виччысьны, терпитны. Кывйыс быттьö кылис пöсь вир көр, вомас чукөрмис дульва. Но чöскыд сёян вöли ылын на.

Көръяс тэрмасьтөг восьлалiсны южмöм ордым кузя. Водзын мунысьыс пошниктiс, сувталiс, исалiс сынöдсö. Сэки сувтлiсны и бöрас локтысьясыс, виччысьлисны нырщикысьысь вөрзьöмсö.

Со көр лои коз ув весьтын. Сөнъяссö доймытöдз зэвтöмөн сан шытөг лыбöдчыштiс места вывсьыс, уськөдчис көрлы мыш вылас да кыкысь-куимысь варснитiс-курччис сысьысь сылисö. Хищниклы нырас ылькнитiс пöсь вир. Сан пыр вöчлiс тадзи. Гыжъяснас быттьö вурыштак кутöмторсö, а сэсся вöлясö сетö пиньяслы. Зверь и тайö пöрйö веськалiс

местао, но эз ставыс артмы көсйом сертныс. Көр весиг эз шатовтчы. Повзьёмысла да виччысьтёмысла сійё сёмын лажыптычлыс бөръя кокъяс вылас. Сэсея мый вынсьыс чепёсийс да ньов моз кутіс котёртны пуяс костод. Санлөн мынісны гыжъясыс. Сійё жмоткысис, эз удит весиг чечыштны бокё. Спнъяссьыс сьавкнитісны би киньяс. Тыдалё, бёрсьыс воысь көръяслөн кокъясыс чорыда масьтісны шудтём кыйсьысьёс. Дыр лон куйлыны саяс вотодз.

Лунысь-лун санлы лон сьёкыджык перйыны кынёмпётсё. Оз нин помнит, кор бөръяысьсё сёйліс пёттөдзыс. Шойтё лун и вой. Кынём кучкыс сурса лы дорас зэвтчёма. Кымынкё лун сайын тай көч юрөн чөсмасьліс. Тулан, тыдалё, кутлёма, сэсея вунөдчёма, либё эновтёма дзикөдз. Нурьясянторйыс кыза нин вөлі тырёма лымйөн. Но пёрысь зверлөн нырысыс бур на, ылісянь кыліс кын яй көрсё. Сёмын тай куш ныриснад уна он босьт. А од вөлі кад — вөрканьлысь кыйдөссё мырддьывліс. Выныс вөлі бырлытём. Кык лун чөж помся туявліс-вөтлысьліс бөрйём зверь бёрсяыс, эз сетлыв шойччыштны, вайөдліс ныр вылас усьтөдз. Но унджыкысьсё, дерт, усьласьліс пуяс вывсянь. Пыр вөвлі пөт. А өні — изсьёмаөсь пиньясыс, гыжъясыс ныжмёмаөсь. Со весиг уси көр сылі вылысь. Колё эськё вөтчыны, но абу выныс.

Тайё вөлі во кум сайын. Сылөн угоддьёо локтіс бокёвой сан. Петкөдліс сылы жервидзысь пиньяссё, мурөстіс. Сы бёрын пыр жё усйысис кортём гөстьыд. А таво төв со бара воис, овмөдчис. Төдө, тыдалё, көзяннылысь пёрысьмөмсё, слаблунсё, сійён и оз пов.

Гожёмнад ещө сідз-тадз на, мыйсюрё аддзан: лэбач позьясысь колькъяс, гөнтём пиянсё. Веськавліс и турун пиө дзебсьём көчпнян вылө. Көть и зывөк, ныылавліс лягушасьёс.

Став тайё сёяныс өні тырёма кыз лымйөн, но кынёмыд тай оз юав нинём, көсьян кө овны, корсь сёян. Сан видзчысьмөнд пукталё лым вылө кокъяссё, өтарё-мөдарё бергөдлө юрсё, исасьё. Талун сынөдыс небзыштёма, поводдяыс шонид. Друг төдса дук сувтөдіс сійөс места вылас, топөдіс му бердө. Но гөгөр вөлі чөв-лөнъ. «Оз-ө матын куйлыны көръяс? — визьнитіс санлөн юрас. Сійё ещө өтчыд кузя исыштіс сынөдсё — нырыс эз пёръясь, улльөв кодъ шонид төвру гильөдіс ныр розьяссё, — кылө яй дук». И буретш лөсялө сибөдчынысё — төв паныд. Гашкё, сё воськов зверь гөрис кынёмнас лымсё, быттё кер сэті кыскёмаөсь. Шыяс эз кывны, а нырас воан дукуыс ёнмис и ёнмис. Тайё ещө ёнджыка ышөдіс санөс. Сійё кутіс кыссьыны видзчысьмөнджык. Туйсё



вомоналысь пөрөм пу сайын зверь дыр куйліс му бердө топөдчөмөн. Сэсся лэптис юрсө да аддзис куйлысь көрөс. Сійө вөлі кулөма.

Пөрысь хищник быдтор аддзыліс аслас нэм чөжнас. Эз этшаысь чөсмасьлы и не сылы пуктөмторъясөн, эз өтчыд куштывлы чөсьяс, тшамъяяс, лэчъяс — кокниа шедан прөмыс. Сөмын довгы пуяскостса векни ордымөд, чөс туйөд. Пыр нин сюрас нуръясянторйыд. Өтчыд весиг сулісны пакөститчанінас, шковгисны-луйисны, но ставыс помасис бура, өні на со ловъя...

Сан сьөкыдпырысь кырөдіс көрлысь рушкусө. Сыв сювь-яссө, ты-муссө ньылаліс няклявтөг. Сэтшөм чөскыдөн кажитчис тшыг вылад небыд яйыс. Но сан төдіс и мөдтор: другөн ёна сьөктөдчыны оз позь. Югдытөдз ковмас новлыны яйсө, дзевлавны пөрөм пуяс да вужъяс улө. Но зверөс торкисны пуяс сайсянь кылысь шыяс. Недыр мысти мыччысис важ төдсаыс — мөд сан. Сійө локтіс сувтлытөг, пиньяссө жергөдөмөн некутшөм полөм петкөдлытөг. Воысьыс вөлі вердаса, шыльыд гөна. Кык зверь вель дыр сулалісны ныр-ныр воча. Пөрысь хищник эз кут виччысьны кось. Сійө сетчыштіс бокө, бергөдчис да пышис аслас туйөд. Нэм помсө, тыдалө, ковмас виччысьны йөз мыльөсөн пөткөдчөмөн. Коли сылөн вөралан кадыс.

## БАРА ЙӨЗАСИС

Сёр арын нин Моль Иван ытшкыліс Васа нюр помысь ситурун сора эжөр. Зорөдтор тэчліс. Арнас дышөдчис вайнысө. Муніс турунла төв пуксьөм бөрын. Но зорөдсьыс колёма сөмын йылыс. Пыкөдъяс вылө өшйөм шапкаыс. Абу сэтшөма сөйөмаөсь турунсө, мыйта талаялөмаөсь. Ок, и скөрмис мортыд. Мыйта зильөм да ньылөм весьшөрө воши.

Мөд луннас нин Иван вөчис мөвпыштөмторсө. Стальной трос путшпөлысь вөчөм петля домаліс пуө, йөраясөн талём ордым весьтө. Иванөс велөдны оз ков. Во-мөд сайын на йөзасьліс. Бур, мый эз пуксьөдны, штрапөн мынліс.

Оз весьшөрө шуны: пакөсть вөчысылөн пө сьөлөмыс абу местаын. Гортас воигөн на Иванөс мөдісны кырлөдлыны лөк мөвпьяс, ловсө личөдны оз вермы. А шедас кө, кывсяс кё бара? Войыс во кузя кажитчис. Гашкө, здук кежлө и ойбыртліс асьядорыс, садьмис мисьтөм вөтъясысь, ньылө-дөма весь.

Но медся страшиыйыс виччысис вөрын. Полігтыр, шыш

моз матыстчис тѳдса пуяс дорѳ. Местаыс тѳдтѳм лоѳма: гѳ-гѳр гарйѳма-перйѳма лымсѳ муѳдз, резѳма нитш сорнас, сугаыс йирѳма-вольѳма козлысь ув кост йѳзвисѳ еджы-дѳдз. Йѳралѳн восьса синмыс бытшкис-видзѳдѳс Иван вылѳ, быттьѳ юалѳс: «Мыйысь, кутшѳм лѳкторйысь?». Бракошьер бѳрынтьчыштѳс, нѳровтчис пу дорѳ, быттьѳ мудзѳма лѳтавтѳдзыс.

Но мый лоны — лоѳма нин. Иван пѳрччѳдѳс пемѳслысь кусѳ, ты-муссѳ да юрсѳ тѳчис дадь вылѳ, вевттис турун пластьясѳн. Гаровтѳм кусѳ талаялѳс лым пиѳ.

Йвлаяс сѳзь, шондѳа, лызьяс да дадь сѳвьяс улын дзуртышталѳ. Посни-посни лым чирьяс дзирдалѳны усигас, быттьѳ пож пыр найѳс вывсянь лѳдзѳны. «Мед кѳть вежсис тѳлыс, кымѳртѳс»,— Иван чатѳртлѳс юрсѳ вывлань. Ѳнѳ сйѳ эз тѳрмась пырны сиктѳ, виччысис рытгорув.

Рытнас Мошь Иван веськѳдчис Писти Агния ордѳ. Кывлѳс: Ѳльѳксан пиыс пѳ судзѳдѳма колана бумага, медым кыйны йѳра, лѳтъялѳма-ветлѳдлѳма отпуск чѳжыс, но лыйнысѳ абу слѳймѳма.

— Лок, лок, Иван дядь,— Ѳльѳксан чеччис куйланѳнсьыс.— Кокыд неуна дженъыд, удзѳдѳм. Шкалик мам лѳптылѳс, а чайыс пѳсь на.

— Эн майшась, ог тай сыысь тшыгьялѳ. Час, мися, туйсѳ вуджла, кузь ѳтнамлы кадыс да.

Иван кинас пыралѳс пытшкѳс зептас, самѳваркѳд орччѳн сувтѳдѳс вина доз.

— Отпускалан инѳ,— стопка кылѳдѳм бѳрын Иван дядь исалѳс сола нянь тор.

— Тѳвнас и кори. Лицензия ньѳби йѳра вылѳ, а тѳлк эз ло, сѳмын кымѳмыс сюри би дорын узылѳгѳн,— норасис Ѳльѳксан.

— Сѳссия иѳ,— Иван бара тырталѳс стопкаяссѳ,— сѳссия пѳ пропал ветымын шайтыд, али бѳр кѳсьян сдایتны либѳ вузавны кабалатѳ кодлыкѳ?

— Кодѳ нѳ ѳнѳ сйѳс босьтас, кыйсян срокыс прѳйдитѳ, кык-куим лун и коли.

— Да,— пыдѳсянь ышловзис гѳсть,— ваѳ шыбитѳмыд сьѳмтѳ. Кыйсьѳмыд абу гидсьыд «вѳралѳмыд», зверыд ассьыс няньсѳ сѳйѳ.

Недыр олыштѳм бѳрын небыда заводитѳс:

— Ме тай домавлѳ турун зорѳд дорѳ — шедѳма. Петляыд — сйѳ ладатор...

— Но...— синьяссѳ сувтѳдѳс гажмыштѳм Ѳльѳксан.

— Сйѳн и пыри. Мися, колана бумаганад позьѳ яйсѳ смела кыскавны гортад. Кыкѳннад раз-мѳдысьѳн ваям. Тѳ-

над вийён... көсьян кө быттьо пайо пырны. Ас йоз — арт-модчам...

...Моль Иванлөн даддыс кузь, суювьясыс паськыдось, буретш лөсялөны лямпа туйо — оз вöйны. Кык мужичöй гыортчöмаось пöсялөмысла, водзас кыскысьыс гөрбыльтчöма, мöдыс кузь беддён мышсяньыс йоткө.

— Ольоксан Павлыч,— Иван веськөдис коссö, чышкыштіс кепысьнас кымөс вывсьыс пöсьсö,— шуам сёрни-басни кө паняс йоз костын — ачуд тöдан öнiя йөзтö — мед öти öтвет вöлі: йи вылө вольскöмысь усьöма, аддзим, коксö музгыльтöма, быть ловсö босьт. Сэн, нюр дорас, бырöдалөм гөпьяс эмось, стеклө кодь шыльыд йныс.

— Код кульыс öнi аддзылас, кадыс вой шөр бөр,— Ольоксан чатөртліс юрсö вывлань.— Тöлысь со öтнас, сiйö абу кыв-вора.

Ыдждыд туй вылө петөдз вензыштісны: Иван нуөдис кыскысьны гортөдыс вөрзёдлытөм лым вывтi, кунм-нель верст пö и колис. Но томджыкыс веніс — сiдз нин пö быгзытөдз лон, öнi пö туй вылад морт ни пон абу.

Пөрччисны лыжняс, көртыштісны дадь вылө. Юж вывтi мунны лои кокни. Со нин кылө гараж дорын станциялөн гыпкөмыс. И сэки мышсяньыс, туй чукуль сайсянь, кучкис син ёрана би югөр. Сэсся на дорö сувтіс «газик».

— Домасьöй,— варовитіс томиник шофёр,— шойччө-дыштам.

Сэки машинаысь петіс мөд мужичöй.

— Сёрмөмныд, али асья нин оланнды?— видзөдліс часi вылө, сэсся дадь вылө.— Зэв нин этша кысканныд кыкөй турунсö, кунм пласт сöмын.— Сiйö тэрыба сүйліс кисö турун улө.

Вёлөмкө, лесопунктса механик, общественнöй охотни-спектор. Тулыснас на мырддявліс вөр кыскалысь шофёръяслысь ружьяссьö, арөдз пö ог сет.

«Вот кодкөд зурасим,— шога мөвпаліс Ольоксан.— Таысь кокниа он мын...».

— Тадзи и колö йöй выживлы, кывзыси Ольоксанös,— ышловзис и Моль Иван,— мунім кө веськыда лым вывтi, эг сюрöй. Йöй жö нин ме: колана бумагаяс корсьыся, эг вермы кодзувкот моз ньöжйөнник яйсö кыскавны. Төвнад öд оз тшык. Чорыда, чорыда көмөдiсны...

## ВУНОДЛЫТОМ ПЫВСЯН

Некор оз вун челядьдырся өти лун. Сэки батьёй пельёс чорыда нетшкис да Катё баб петшөр корёсьон пывсьөдіс. Öні на казтышта да морёс кудйёс гугöдны заводитлө.

Буретш вöлі турун пуктан кад. Бать-мам да чойяс ветлöны видзьяс вылө. А ме лун-лун öтнам. Ог, дерт, весьшөрö ов. Ва пырта, мёс бакöстас керка дорын — сійёс картаö йорта. Лун быд войлөдла картофель йöрысь чипанъяс, сысь вöлі медъяна дöзма.

Öні öд чипантö шоча коді видзö. Кольктö магазинö вайöны да майбыр нин овнытö. Картофель мында көть пуыджыд пöртийын да тьякөд. А сэки быдөн вöлі кымынкö чипан видзыштö. Пöжны на ещö пуксьöдан пöрысь чипанёс — томмөдан юр лыдсö. Суседьяслысь колькьяс чукöртан, вежлалан, мед рöдсö бурмөдны. Эг вунöд: сійö гожöмнас миян пöжсьысь чипаныс воши кытчökö. Вунöдчлим нин сы йылысь. А öтчид мам радпырысь шуис: «Рудук-гöгараыд дас куим пиёс пöжöма».

Мем таысь ньöти абу долыд. Бура тöді, кызди тайö «араваыс» да ещö нель пöрысь чипан кутасны жугöдны картофель градьястö. Абу öд найö öнйя инкубаторскöйяс кодьöс, кодьяс пыр виччысьöны сёянсö морт киясь.

Муяс миян нель семьялөн öтлаын потшöма. Шöрас шор визувтö. Суседьяслөн миянысь кындзи ставныслөн дед либö баб горт олöны. Öтырышъя, кылан да, беддён потшöсö тотшкөдöны, градьяс костөд варгылясьöны да му комокьясөн шыбласьöны. Мукөд лунö йöрас и пукалöны — кикост удж вöчöны. Чипанъяс пырджык миян градьяс вылынöсь. И некытчö налы воштысьны — петаласны жö эськө ыджыд туй вылө да кутшöм сёян сюрас бус-лыа письыд. Сэтшöма наянсялöмаöсь йöрысь-йөрö ветлигад! Мунан бөрöзда öд — некөн некод оз тыдав. Копыртчан да бурджыка видзөдлан, картофель вужьяссö парсалöны, нидзув корсялöны. Торйөн нин руд чипаныс аслас позтырөн матö воштöдö. Кыз дöраысь көмьяс и быдөн вурлим. Сэки быттö парад вылын салдат мунö кокьяссö водзö чургөдлөмөн. Но тайö көмыс регыд жö сырзьö. Лун-мөд бöрын бара нин гыжь-ясыс петöмны. Кутшöм пөлөкалө сöмын ог вöлі сувтöдö. Кияс пыдди корёсьяс домавлам — лöсьыда шевкйысьö тöла дырйи. Весиг чипан варышысь чучела вöчлим. Нинöм оз отсав!

Дышөдіс ёна өти сикас ноксьöмыс, торъя луньяс дырйиыс. Челядь ю дорын купайтчöны, но он босьт. Дырджык кө лөб энөвтчöмыс, воан да бара йөр тыр чипан пырöма.

Одйоджык нин кокалём картупельяссё шорё шыблала, гөр-  
лём кустьяс гөгөр мусё лосьодыштала.

Отчюд важ куран воропысь шылыд бедь вёчи да изьяс  
мачёс моз кучкала. Качодла изсё, вачка бедьнас, ылё и  
лэбё. Мукөд изйис, дорыша кө веськалас, жургё-бергалё  
лэбигас. Руд чипан керка бокё, логторйё водёма, поснияс  
улас төрөдчёмны. А ачым пыр изьяс живкйөдла. Бөръя из  
перйи зептысь, шыбиті вывлань да кыз тай сизьда, кияс  
быдён дзеналисны. Видзёда да Катьё баблөн өшиньсьыс  
медыджыд стеклөыс зиль-зельмуні. Шөйвошлі, но регыд  
ас садьё вои, мөвпышти: «Колё весасьны өдйоджык, пока  
некод эз аддзыв». Сарайті пыри керкаө, виччысьышти здук,  
сэсся петі кильчө вылө. Карнан суйи посводз өдзёс вугйё,  
парошнё гольөдчышти, мед, мися, Катьё баб казялас, гортас  
пö тай. Тэрмасьтөг вуджи туй да веськөдчи ю дорө.

Челядь гигзёны ва дорын. Налы шогсьыны нинөмысь,  
а менам сёлём дилькьялө. Öти кадö көсья нин кайны да  
восьтыны мыжөс. Но кокьяс лигышмуніны. Купайтчөм бө-  
рын, рытьядор, локтім часовня дорө сяръясьыштны. Сэки  
и кодлөнкө чорыд көдзыд чуньясыс инмөдчисны сьыліө,  
тшапкисны шошаөд. Видзөдлі мышкө да сэтчө шмоткыси.  
Катьё баб сөйө менө синъяснас, веськыд киас сьлөн пе-  
тшөр корөсь. Гөгөрвои: казялөма менө гөрд дөрөмнад. Че-  
лядьёс быттё бордөн чышкыштісны — некод нин оз тыдав.  
Катьё баб лэдзыштіс гачёс да и пывсьөдыштіс, ньöти кыв  
эз шу.

Одва кык кусыньөн локті гортө да гөбөч вылө кайи. Пу-  
кавны ни куйлыны ог вермы. Бок вылө нюкыльтчөма. Вевт-  
тысьёма эшкынөн синъясөдз. Плеш вылын ва рузум —  
быттё юр висьё. Ачым киньгышта. Рытнас чай юны ни  
сөйны эг лэччыв. Бөрыннас мамө няньтор да йөв кружка  
мыччис. Ставөн жалитöны.

Сэки өдзёс дзурснитіс да керкаө пырис Катьё баб. Киас  
вайөма да петкөдлө чипан кольк ыджа из.

Бать чеччис пызан сайысь да кайис ме дорө: «Бөб! Пөр-  
ясян ичөтсян! — да сэсся зэвтыштіс веськыд пельёс, öні на  
сйё аслым мөдсьыс кузьджыкөн кажитчө. — Стеклөыс эм  
амбарын. Асывводз, Прокопьевка, вундышта да пукта» —  
висьталіс бать да тшөктіс Катьё баблы пуксьыны чай юны.

## ТУЛАН БӨРСЯ

Ляпкыд лымнас на батылы шедлөма капканө ыджыд-  
кодь ай тулан да мынөма. Ассьыс коксө йирөма-орөдөма.

Сы бõрын сийõ тõлысь кымын эз ветлы, кок туйяс эз вõвны. Кулис, тыдалõ, — аслыс шуис бать.

Но õтчыд вõрысь воõм бõрын сувтõдис порог дорõ пищальсõ, нетшкис ус-тошсьыс йняссõ да висьталис: «Куим кокаыд ловзьõма. Кык капкан дорысь сьõлаяс сейõма. Мудер лоõма — оз шед».

Гортысь ми петим ая-пия рõмыднас на. Лямпаяс кокниа исковтисны важ туйõд. Вõрын чõв. Катшыс кежавлас бокõ да пыр жõ бõрынътчõ-вõйõ пельõдзыс да. «Войын ветлысь туланõс кокниджык кыйны. Сийõ лун кежлõ водõ ур позийõ либõ горсьясõ, — висьталõ меным да понлы бать. — А тайõ луннас шõйтõ».

Сёрнитигсор воим Кока шор дорõ. Тшемвидзõ козья вõр. Лым вылын тõдчисны ур да сьõла кок туйяс. Верст кымын кайыштõм бõрын бать индис кинас: «Со тõрыт кытй вуджõма. Вот и куим кока, аддзан, дзонь кык метрõн туюйõмачеччалõма. Мед. Гашкõ, суам на узянинас. Катшыс, корсь!» Пон исалис туланлысь кок туйяссõ, легõдыштит бõжнас, видзõдлит миян вылõ да вылõ чеччалõмõн мõдõдчис шор катыд.

Вõр ещõ на сукмис. Бать водзын, ме — кольччыштõма. Сэссия недыр мысти кайыштõм бõрын индис сой кыза коз вылõ. Шõрвьяс сьõд шапка кодь тыдалис. «Ур поз — сёрджык воим, суõдõма, коньõрõс, туланыс узянинас. Аддзан, ёгыс мыйта, бõжыс туплясьõ. А со орчча козсянь чепõсийõма-пышйõма. Энлы, кõнкõ увтõ».

Пон гõлõс кылис шор йылын, лёкинас. Катшыс вõли увтõ сыв кызта козийысь. Гõгõртим õтчыд, мõдысь — нинõм оз тыдав. Да и мый аддзан татшõм сук лапьяс костсьыс. Татчõ ош дзесбяс. Бать тышкалис некымын пу, некод эз вõрззы. Тэ пõ, шуõ, пийõ ыджыдджык кытш вõч, гашкõ, пуалис важõн да водзõ пышйõ. А ме пõ чарас пõрõда. Керасьõм шыõ пон мõдис увтны ярджыка.

Катшысõс ньõблим мõд сиктысь ыджыднас, но батылы кыдзкõ эз во сьõлõм вылас ськõд вõралõмыс, торья нин туланьяс вылõ: кутчысьõ кок туяс, увтõ кайõмсõ, но вевдор нырысыс омõль — сук вõраиньясын зверь пышйõ-пуалõ.

Онй сидз жõ. Виль кок туйяс туланлõн сюрины воськов сё сайысь, туювалõма вõр йывтй да бара лэччõма. Лёкинысь оз кеж, кытшлалõ шор йылын. Вõтчыны лон сьõкыдджык, заводитчис пõрõма места. Гырысь пуяс ковмис ордйõдавны-бергõдлыны. Пон мудзõма, кокьясас да кынõм улас артмõмны йи мольяс, лымсянь мышкуыс вазьõма. Со бара неылын сярõбтит гõлõсыс.

Катшыс кытшлалис ыджыд лыс чукõр гõгõр, парсалис

воддза кокъяснас, курччаліс лым улысь мыччысьом ув помъяс — логасьома. Тэрыба пөрччим лямнаяс да таялім лымсө вужля гөгөр, медым тулан эз вермы пышйыны лым-увса төщөясөд. Сэсся бедъяс йылө ошөдім важ табтөм кулөм. Уськөдчас да, пон кө оз вермы кутны, мед сэтчө дзугъяс. Батьлөн плешыс ва, көть ачыс шапкатөм.

Эз на удит сійө озтыны чигарка, тулан виччысьтөг чепөсйис кос ув чукөр мөдар боксянь, ньөв моз чеччыштис кулөм вывти. Пон сы бөрся, дзугсис кулөмө кокъяснас, киньзис. «Лый! Лый!» — горзис бать. Но кытчө? Лёкинын зверь пыр жө воштөдчис син водзысь. Катшыс мынтөдчис да уськөдчис бара. Бать сьолөмсянь ёрччыштис да сьөвзис: «Тадзи и овлө омөлик поннад да ми кодь вөралысьяскөд. Оні сійө оз нин сувт пемыдөдз, да и лымйыс со мый гырся мөдөдчис, кок гуйяс оз кутны төдчыны».

Пемыдөдз Катшыс ещө кыкысь на лэптывлис туланөс пуө, но воигкежлө сійө удитліс быд пөрийө усйысьны. Бөръя увтанінө бать эз нин пыр. «Кежавлан кө — кежавлы, — висьталіс мем, — а ме муна конда пөрөда, ноддя колө вөчны. Пемдіс, дай эбөсөй нин быри. Муртса кокъясөс кыска».

Пон тьявөдіс сажень нель-ө-вит судта кос пипу вылө. Йылыс чеглөма, а гөгөрыс увсянь вевдорөдз дзонь места абу — сизъяс розыйөдлөмны. «Но, — мөвпала, — татчө тулан эз кольчы». Отарын сулалісны кымынкө нейджыд кызд да коз, а мөдарыс куш, важ пуяс водзджык нин пөрлөмны. Но козъянысь век жө перйи чер да кымыныськө тышкышти. Быттө тыртөм бөчкаө кучкалан — бумкйөдлө, мөді пөрөдны. Керавны кокни — шөрыс юртөриг розя. Сэсся бруткысис-пөрис да кум торйө жугаліс, сыв-мөд кузьятөн.

«Мунам жө би дорө, — шутөвти Катшыслы, — шойччыштам, сөйыштам». Кумианным асывсянь нур вомө эг босьтлөй. Гырк пытшкын гурөдчө. Бать тэчөма би дорө няньяс. Сирөд конда керъяс шыөн жургөны-ломтысьөны. Отар-мөдарас вольсалөма лыс. Рачын пуркйө-пуө чай.

— Сэні мыйкө пөрөдчин?

— Кос пипуысь вөлі увтө, нинөм абу.

— Пуксы, сөй. — Катшыслы пуктис водзас дзонь кык ыджыд пирөг. Сылы жө бок улас лөсьөдіс лаз, кодөс удитөма нин косьтыштны. Но понлөн эз куйлысьсы. Чеччылас, пельяснас вөрөдө, дзоргө-видзөдө пемыдас, кытысь ми сыкөд локтім.

Би дорад төвся войыд кузь, көдзыд. Водзтө шонтө, а мыштө канъяс борөны. Сідз и бергалан. Но мудзөмыд бертө: куньсьөны синъяс, копыртчө юр, чөскыда вугравсьө. Бать шочджыка бергалө, шкоркйөдлө ныргорөн, велалөма

нин вөртыд ветлігад. Асьявыв прамөякодь менам ланьтсьома. Бать пузьбодма нин чай чуксалө менө: «Лосьбодчы, квайтөд час. Поньд кылө увтышталө төрытьяинад. Кор мунөма, эг и кывлы. Гашкө, войбыд сэн оліс да». Синъясөс тіля, тірзя, кодзыдыс шымыртөма.

Ывлаын пемыдкодь на. Лым талун лямпаяс улын чарскө, ылөдз кылө асья лөняс. Воим пипу дорө. Катшыс вожасьома шөрсә чурка вылас да шочиника увтө. Пинь анъяссө дойдавтөдз йирөма помъяссө.

Бать керыштіс беды да гурйыштіс чурка помсянь. Шыяс эз кывны, но пон эраліс, чирөм гөлөсөн увтіс да усьласис чурка вылө. «Тан, тыдалө, лешөйыд! — горөдіс сійө. — Вай тэ гурйы, вөтлы мөдар помас. Төрыт пырөм бөрас вевдорсяньыс сійө ёгнас тыртөма тышкалігад да пөрөдігад. Дерт, петны вермис да понсьыд поліс».

Ме гурья чурка розьсө кузь беддьөн өтарсянь, мөдарсө бать тупкөма кучик кепысьөн да ньөжйөнникөн лэдзө ки костыс ёгсө. Час джын, гашкө, тан гурйысим. Сэсся мыччысис жө. Сюри.

## МЕДВОДДЗА РУЧ

Медводдза руч мем шедліс нельбөд классын велөдчигөн на. И колө жө сідз лоны, мый тайө дона прөмысыс дзонь везон чөж кырлөдліс менсьым сьөлөмөс.

Сійө төвсө ме олі чой ордын, вөр участокын, көні уджалісны колхозник-сезонникьяс.

Менам вөлі ёрт — Станислав. Прөст кадө сійө кыйис уркайясөс, ме — көчьясөс. Пөшти быд лун ветлөдлі пекарнядорса шор кузя, тэчи налөн кок туйяс вылө сутуга лэчьяс. Но эз удайтчыв вердны чойөс чөскыд яйөн.

Каникульяс дырйи гортысь вайи дөра пыдөса кык капкан. Пөвйысь вөчи кузь воропа зыр. Бур вөралысь кодь лои.

Шор пөлөн чуکلялысь кыскасян туй бокө туруныс ёна киськасьома. А көчьяслы тайө и колө. Сэні и кыйси.

Өтчид школа бөрын муні видзөдлыны капканьясөс. На пиысь өти местаас эз вөв, кодкө пышйбөдма. Понлөн кодь кок туйяс нубдөны коз понольяслань.

Вына зверь. Кымыныськө вуджавлі жө шор вомөн. Медся лөкиньясөдыс. Сэсся суөді жө. Дзесьома пөрөм пу улө. Ылісянь на аддзи еджыд тугья пашкыр бөжсө. Руч вөлөма. Вөтлысис, көнкө, көч бөрсә да шедіс ачыс.

Нимкодьй морөс кудйө оз төр. Босьті прөмысөс киня-



улö да вои баракö. Рытгорув нин вöли. Пукті сійöс пач костö да тупкышті песьясöн.

Друг кодкö дзурс восьтіс керка öдзöс. Видзöдлі — Станислав. Повзьöма.

Вöлöмкö, вошöма лесопунктса начальниклөн понйыс. Видчö пö чорыда. Кодкö пö сійöс изведитöма. Медсясö мы-жалöма Станиславöс.

Ме тшöтш шогö уси, сулала, кокъяс лёталöмаöсь. «А, гашкö, меным эз руч, а понйыд и шеді да?— мöвпала.— Шүöны тай, начальниклөн понйыс пö дзик руч кодь». Ме ручьястö эг на аддзыв: ни кулöмасö, ни ловьясö. Колö вöли вештыны кызкö ас вылысь мыжсö. И Станиславыс жаль. Висьталі друглы руч йылысь, петкöдлі.

— Бытьö абу дзик сэтшöм,— надъялыштіс зонка.— Сэсся кулöмаыд öд... Код тöдас, гашкö, и сійö. Виччысь-ыштлам некымын лун... Гашкö, аддзысяс. А тайöс... колö дзеблыны кытчöкö.

Сідзи и вöчим. Сюним ручöс мешöкö да нуим конюшняö, турун улö.

Кымынкö луи бöрын воис почтальон да сыкöд тшöтш начальниклөн «ручыс». Воддза волігас понйыд вöтчылöма сы бöрся.

Ме пыр и висьталі Станиславлы нимкодь юöртö. Котöрөн мунім конюшня дорö. А ручлөн местаыс сöмын: конюк-лөн вердсьöма став туруныс. Ми — конюк дорö. Лои кузя висьтасьны. Мортыд эскис да сетіс менсьым дона прöмысöс.

Ставыс бура помасис. Сöмын сёрни-серам дыр муніс: «Прамöй вöралысь, а ручöс понкöд соралöма!».

## СОЧИНЕНИЕ

Седьюровьяс таво вуджисны мöд лесопунктö. Та вöсна палөн пилы, Витялы, ковмис эновтны ёртьяссö. Сійö весь-каліс тöдтöм челядь дорö. Öд воддза школаас Витялөн вö-ліны уна ёртьяс. Торйөн нин гажаа, кык вок моз, найö оліс-ны Саша Блиновкöд.

— Гиж письмötö, кыззи сэні кутан овны, велöдчыны,— машина кöлеса вывсянь судзöдчöмөн корис Саша да велö-діс.— Эсійö... асьтö эн жö сет öбидитны сэні.

— Ни-ни-нöм, ве-лала,— нормöм гөлöсөн ёртсö такöдіс Витя.— Во-во-ла к-к-аникульяс д-дырйи (мыкталöмыс сы-лөн тöдчис öні ёнджыка).

Виль посёлोकын вöли восьмилетнöй школа жö. Первой

лунсяныс детинкалы эз воны сьолём вылас вель велодчаніныс, челядыс. Оти-кө, гажтөмчис, мөд-кө, ёна нин ыджыд шумён шойчисны переменяс дырйи нывкаяс да зонкаяс. Кодсюрө весиг партаяс вывті котралёны. Вель воысылы тайё вөлі шензьөдантор.

Отчыд дежуритан лунё Витя корис петны ставнысө классыс. Сэки өти зонка скөрыс крапкис воча:

— Овсы, мыктач! Вель пөрадокъяс көсян лөсьөдны. Он кө төр, верман ачыд петны,— кинас индіс өдзөс вылө. Вельон воём зонка мый татчө шуас.

Витяөс пуксьөдісны нывкаөд. Эз жө бура примит. Кө-саясыс карандаш кызтаөсь, нинөмөн торъявтөм, а сэтчө жө... Пыр бокө видзөдө.

Витяөс юалісны нин став предметсыс. Кымынкө лун сайын висьталіс кывбур. Сыыс медьёна поліс. Бура велөдіс. Од торкяс кө, заводитнысө дзик пыр оз вермы, кутас нөшта на ёна мыктавны. Гортас некымыныс висьталіс го-раа. Лючки-бура, позьө шуны, лыддис, сорласьтөг.

Төрыт велөдыс тшөктіс гижны сочинение. Оти гожея лун йылыс. Коді пө ёнджыка колис паметьө. Витя вель дыр пукаліс юрсө бокыв бергөдөмөн, а сэсся кутіс гижны да ручкасө пуктывтөг и помаліс.

«Вөлі август ном. Вит верст сайё батькөд мунім потшны зорөд йөр. Сійө новліс потшъяс, а ме майөгъяс да ньөръяс. Уджсө помалім өбед кежлө. Шойччыштөм бөрын бать му-ніс видзөдлыны мөд зорөд, а ме лэччи тыкөла помө. Воигөн сэтыс аддзылім зэв кисьмөм вотөса льөм пу. Чукөртышта, мися, бать ветлігкості.

Шор визь вуджөм бөрын водзын кутіс кывны чайы-сьөм шы. «Көчөс повзьөді узянінсыс,— мөвпышти.— Со кы-шөдчө-пышйө бадьувса турунъяс костөд». Петі видз дорө. Ляпкыдик кос пожөм вылыс сэки друг аддзи кык ошпиөс. Найө здук кежлө чөвтлісны ме вылө синъяссө, лөньыштліс-ны, сэсся бара кутісны вильшасьны, лэччөны-кайөны кыз увъяс кузя. Но өтиныс, тыдалө, вильснитіс да увлань юр не-ковтіс пу кузя, но эз во муөдзыс. Лапаыс сибдіс ув костө. Ошпи өшйис пу шөрө. Колө эськө кыпөдчыштны сылы, ме-дым бөр личаліс топалөм кокыс, а сійө, вежөртөм на, ув-лань кыскө сійөс, пыр ёнджыка и ёнджыка зэлөдө. Ачыс вөр тырнас няргө, быттьө лолыс нин петө. Мөдыс видзөдө сы вылө, гогийөдлө юрнас, оз гөгөрво, мый лөма вокыскөд.

— Йөюк, асьтө мучитан...— Эг на удит помавны шуөмөс, син водзын быттьө немдіс: мясянь нель-вит воськов сайын кык кок йылас сувтліс ыджыд ош. Кодарсянь петіс, эг ка-зьяв, ни кок шыяс эг кыв. Писө мездыны локтіс.

Сэссия нинѳм ог тѳд. Садьѳ вои бать чуксалѳмысь. Зверь гыжнас абу инмѳдчылѳма, а повзѳм вылысь весиг гѳлѳсѳс воштылі. Пельясѳн кыла, а кыв шуны ог вермы. Сэсянь пыр на со мыктала».

Витя лыддис сочинениесѳ, бѳр киритіс бѳрья предложениесѳ, сетіс учительлы тетрадьсѳ да урок помасьтѳдз на петіс классысь.

Мѳд асывнас школаѳ мунігѳн сійѳс вѳтѳдіс «мыкточнас» коркѳ шулысь зонка.

— Витя, тѳдан, ме прѳстасьыс тѳнѳ дѳзмѳді, думышттѳг артмис... Мыжа ме,— неуна орччѳн муныштѳм бѳрын шуис сійѳ.

— Повзѳмла тайѳ менам, пѳ-прѳ-ѳ-йдитас.

Детинкалѳн луныс колис бура. Орччѳн пукалысь нывка корис отсавны помавны задача. Зѳв варов вѳлѳма нывкаыс.

Витя гѳгѳрвоис, мый татчѳс челядыс ньѳти абу омѳльдзыкѳсь наысь, кодьяскѳд велѳдчис нѳль во чѳж.

«Колѳ Блиновлы гижны та йылысь»,— гортас локтігѳн мѳвпаліс зонка.

## ПОМЕЧ

— Но,— шуѳ Педѳр дядь, выль керка вылѳ сруб разиг-моз.— Уджалам сюсьджыка, помалам водзджык, а сэссия чомѳр...

Морт кызь, гашкѳ, чукѳрмисны помеч лунѳ: мужичѳйяс и нывбабаяс, томьяс и лѳрысьяс, и, дерт, шѳр арлыда йѳз. Унаѳн на пиысь и тшуписны орччѳн сулалысь срубьяссѳ. Сиктад сідзи важысянь, талун тѳд отсаласны, аски — мѳдлы. Мичаа гогналѳм керьяс абу на удитѳмны сирзыны, волялѳны шонді водзын, бумага лист кодь еджыдѳсь. Став коланаторйыс лѳсьѳдѳма водзвыв: зорѳдын арсянь на дасьтѳм нитш, бокинджык тьѳс-плака, кузь потшьяс, чукѳрын шифер, кирпич, сямѳд гѳрддзымьяс.

Армияысь воѳм бѳрын Ольѳш Иван кодзувкот моз ставсѳ чукѳртіс. Дерт, эз ѳтнас. Ёртьясыс совхозса стройбригадаысь, кѳні ачыс тшѳтш уджалѳ, удж бѳрьясын, шѳйччан луньясѳ отсалісны пѳрѳдны вѳр, кыскыны, пилитны джоджпѳтѳлѳк вылѳ. А вежайыс, Педѳр, ягас на ѳти пуѳн сулалысьяссѳ черѳн пасьявліс. Тѳдысь морт кужѳма конѳд вѳр бѳрйыны, чунь кызта и болоньыс. Йыв и дін ѳткызтаѳсь, быттьѳ кольча пыр лѳдзѳмны быд кер. Педѳр дядь тани медпѳрысь, но ѳн на и сюсь вѳраса, веськѳдлѳ став

уджнас. Оз омөля тōд стрōитчан делō, черсō киас босътлы-тōм луныс, кōнкō, эз кольлы. Сийō жō сиктын медся шмони-тысьыс да балагурыс. Талун бритчōма да молодеч кодь. Козъянас ичōтик чер, пель саяс карандаш. Йōз вотōдз съōд мелōн пасъялōма кер помъяссō. Гын шляпаторсō сэтчōдз пōлынтьōма боквыв, чайтан вот-вот усяс.

Быдōнлы тай уджыс тырмō. Ōтияс ниа столбьяс вылō удвор венечсō лōсьōдōны. Мед панасыс вежня оз ло, кузь гезийōн кыкōн мурталōны паныда пельōсьяс. Марья тьōт, Иванлōн мамыс, топыдик тушаа нывбаба, гōрбыльтчыштōма, мышсянныс кō видзōдны, нывкаōн и чайтан. Гашкō, и синсō куньлыны эз удитлы кольōм войō — Вера моньыскōд пусисны-пōжасисны, сы мында йōзсō ōд ковмас вердны-юк-тавны, оз дон вылō уджавны, мед эськō бōрас эз жō омōль-ыс паськав. Пач ваймōм кості первойōн воліс выль керка местаас. Ōні сідзи жō, котōрōн сорōн ветлō: то пныс дорō матыстчылас, то вокыслы, Педōрлы, мыйкō вашнитас пельяс. Со медводдза венеч улō суйыштіс вурунтор, пуктіс кымынкō ыргōн деньга — важ модасō оз кōсйы торкны, кōть кодсюрō и сералōны. Мед пō шоньд лōō позйыс да съōмыс олысьяслōн оз быравлы.

Нывбабаяс вылын, тōдчō, кōзянтō Ōнись Марин, арōс-мōдōн Педōр дядьыс томджык, но салдат кодь на збодер, ыджыд моздорас босътōма нитш. Гōлōсыс, мурōстас кō морōс тырнас, кум арōса чибōēs кок йывсьыс уськōдас. Нелямын во дōваалōмыс абу весьшōрō лōма — кузов и ноп чача кодьōс вōчас, ньōръялас кō майōг гоз — любō видзōдны.

Пилитōм вōр тōдчымōн тōлалōма тувсōв шондī водзын, стружитчысьяслōн кык воропа струж улысь лēбōны ки пыдōс пасьта лиалōм вōньяс. Кывзан да быттьō чорыд кабала чаййōны-косявлōны: чиш-чиш-чиш.

Нывбабаяс сюся нитшкасьōны, быдōнлōн киас сюясьōм вылō ичōтик пу зыр. Накōд жō Вера, Ольōш Иванлōн гōтырыс. Иван служитīgкості сийō удитōма сельхозтехникум помавны. Ōні куканьяс дорын. Энькаыс эськō шуліс жō водзті: сы дыра велōдчōм бōрад пō перō-ручкаōн вōдитчыны, а не скōт дорын ноксьыны. Но моньыс пыдди эз пуктыв таштōм шуōмъяссō, пыр серамбана, мый юрас — сийō и кыв йылас, нинōм оз дзеб. Уна челядя семьяысь медводдза, быд уджō сибалысь, кер нōбалысь мужичōйяскōд тшōтш кутчысьōма зор помō. Иван гусьōник сылы чуньсō петкōдлō, мōдыс серōктō, вочавидзō синьяснас: нинōм пō оз ло.

— Раз, два — взяли! Ещō раз... — кылан гора гōлōсьяс. Кер бōрся кер лыбō вылō, шмотнитсьō-пуксьō нитш вылō,

видзёдёмён содтө стенлысь судтасө. Гашкө, кык-куим час и прөйдитис, перевод керъяс нин лөсьөдөмны, джодж йөртөны. Марья тьот неыджыд ведроён тагъя ырөш көзөдысь петкөдіс, чужыйсь пуөма тшайын, сэтшөм бура шузьөма, вевтсө быгйыс лэптө. Ыргөн көш котөртис кытшын пукалысьясөс. Мужичөйяс көшсө кымыньтөм бөрын кинас шылькнитөны морөссө увлань: добра пө тайө Вера пөдругаяскөд ветлөдлө вильён вольсалөм джодж кузя, петкөдлө, кытчө койка лоө пуктөма, шкап, диван... Ёртъясыс туйтөны жө сылы, меліа видзөдлөны чужөм вылас, гөгөрвоөны — абу нач тулыс көдзөма вижоват чутъяссө, вөнътөм водза кизя кузь ковта дзөбө ичмоньлысь муртса джаджсялөм кынөмсө. «А тани, сай жыръяс, детскөй лоө»,— содтө Вера.

— Тайө нө мыйла Иван Олексеевичыс та ыджада коромнассө лэптө, нелья жыр куимөныслы?— сідзи, мода вылас юалө олөма нин нывбаба.

— Томось өд.

— Паськыдөс, буракө, көсийө вужсө лэдзны.

Шойчыштөм бөрын йөз бара уськөдчисны удж бердө, оз небось ков ышөдөм. Стенъяс тэчны джодж вывсянь лои кокныдджык, оз ков судзөдчыны. Керъяссө гөгыльтөны пөлыньтөм шыльыд потшъяс кузя.

— Марья!— чуксалө чөйсө Педөр,— лөсьөд чериняньтө, матич кутас регыд лыбны.— Ачыс кадысь кадө өшөдлө черсө воропөдыс өтвес пыдди, читкыртлө син пөвсө — веськыда-ө лыбөны пельөсьясыс, мурөстлыштө, тшөктө кыскыштны керсө то өтарө, то мөдарө. Том йөз динти мунігмоз веськөдыштлө өтарө пөлыньтчысь шляпасө.

— Олюксан!— чуксасьө сійө увсянь,— мыйкө тай нө шөр керыс путкыля, абу-ө коль веськалөма костас? Көпысьясөн нитшкасянныд, том йөз, ерөмакань.

— Чашкаыс ыджыд, сійө и путкылясьө,— вочавидзө сруб вывсянь мөдыс, стройбригадаын жө уджалысь, ачыс дөрөм кежысь, а юрас пож пасьта гөна шапка. Потш йылөс моз лэптыштліс кер помсө, бөр жмоткис места вылас.— Көнкө ачыл, Педөр дядь, тайө пельөссө кералин, тэнад почеркыд. Шыбит вачөгъястө, топөда.

— Пеля шапкатө тувъяв, гөжөм сісьтысь. Клин да мөхөн и выналанныд да ещө кузь көрт тувйөн.

— Ёнджыка воздухыс ветлас, озджык бакшась,— оз шөйөвош Олюксан.

— Этайөс эи аддзав,— Педөр дядь петкөдлө кулаксө.— Виль кукань картаыл оз жө бакшась, пышкай поздысьөма паз костас, көсийс кө — рака вермис.

Чинө бөръя сруб. Нөбалөны стружитөм матич брус,

ньюжийник лэдзёны потшьяс вылө. Матичён вөдитчыны колө кольк дозйён моз, черён оз позь чуткыны, мед шуда олөмыс лоё виль керкаас, мед зык-шум некор оз лыб. Педөр дядь пöлыньтлө юрсө брус вылас помсяныс, нинём оз шу, дөвөлен вежапныслөн уджён — струна моз лөсйёма. «Батъыс рөда жө и киподтуйыс сёлөн. Бур плөтник тэысь петас, абу весьшөрө стрөйбатын армияад вөлөмыд. Оні эськө, зятё, видзөдлн пи вылад, кызди путкылялө керьяссө, кутшөм короминна со кыпөдө. Пи пө быдмас-ёнмыштас, сэки керка дорө кутчыся — шулин! Да ачуд тай тэрмасьыштн — висьөмыд тай сөвесьтөм.

Марья тьот матич дорө көрталө еджыд пызан дөраён гартөм тубрас. Вевдорсянь зэвтёны гезьяс, шмонитёны, сералёны ызьялөмөн: кодкө печиктө вомкалич улас — миянлы пө лыбө, а тиянлы кос пань. Матич лэптёны ньөжйө, кузь воропа багырьясөн кыкөн отсалёны увсянь, мед брусые оз путкылясь. Пароходвывса матрос моз Педөр петкөдлө кияснас: «Левый больше, правый обожди, вместе тyani...» Томьяс пнысь кодсюрө урьяс моз сюся кавшасьёны пельөсьясөд, вевдорсянь найөс оз лэдзны, гөрдлөны: тиянлы пө ырөшыс тырмас. Төдчө: уджыс помланыө муно.

Пөтөлөчинаяс лэптөм бөрын пуксьёны, кытшө. Вылын горалө гөлөсыс Маринлөн, удворын гөститөдчө Марья тьот. Сьөлөм вылас сёлөн долыд — татшөм ыджыд удж лон вөчөма. Ставлы нюмьялө стопка мыччигөн, аттьөалө, тшөктө видлыны пөжассө, чепөльтны чериняньсө. Ачыс видзөдлө зымвидзысь сруб вылас, любөпырысь мөвпалө. Сулалас на пө важыс пыдөссө выльмөдөм бөрын, шуалө коркө вөлі Ваня пныслы, а сйө асьыс дольө, вильөс пө лэптам. Совхозыд вөлі вөзийө патера кык судта керкаысь, эз босьтны. Сад пө керка гөгөрным пуктам, дзоридзьяс быдтам, сэтчө жө кыскө Вера гөтырыс...

Сигөртны абу дыр. Педөр дядь ылыстчөма, петкөдлө кинас, мед стрөпилөясыс веськыда сувтисны. Сэсса дорёны найөс өтлаө кузь потшьясөн. Паныда пельөсса кер помсө кодкө лөсыштөма да удитөма гижны пуртөн: май, 1978.

— Шабаш! — ставлы кывмөн горөдө Педөр дядь. — Талун кежлө тырмас. Вевтсө вөчам аски, сэтчө озджык уна йөз ков.

Марья тьот чуксалө отсасьысьясөс гортас, но найө оз на дзик пыр вөрзыны. Мортыдлөн сэтшөм нин этшыс: вөчас мыйкө, видзөдлас гөгөрбок, доньялас ас думсыс, да и жаль сыкөд торйөдчынысө. Көть пөттөдз лон уджалөма, ставөнлөн лов вылас кыпид: зэв пелькиник лыбөм короминнаыс, лунвыв бана и. Тшын петтөдз, дерт, ылын на, но пнсь-

кѳдасны ѳшипьяс, куричьяс сувтасны — серавны мѳдас керкаыс.

Нывбабаяс оз нин бергавны керка гѳгѳрын. Уджалан кѳлуй идѳртѳм бѳрын Педѳр матыстѳ мужичѳйяс дорѳ. Том йѳз, вѳлѳмкѳ, ошйысьѳны черьяснас да вынъяснас: кѳдѳ потш пом орѳдас ѳтчѳд керыштѳмѳн.

— Уль пожѳмыд мый, сѳркни кодъ небыд, видлѳ козсѳ.— Педѳр дядь чурка вылѳ ляскѳ коз пу майѳг. Кѳть абу кыз пу, черьяс джынвыйѳдз сѳмын сатшѳны. Педѳр дядь быттьѳ оз став выннас шеныштчы — гум за моз орѳ зор помыс, палчтор лѳбѳ бѳкѳ. Олѳма морт кужѳмѳн венѳ томьясѳс: оз пѳперег, пу долыс моз, пѳлыня керыштѳ.

— А мый,— юалѳны Педѳр дядьлысь,— Каркоыд абу вермѳма турун додѳтѳ звѳз вылад кыскыны, асьтѳ вожьяс костас сибдѳдлѳмыд — збыль вѳлѳ?! Матыштѳмыд ещѳ: ачым пѳ ѳдва лѳнтѳ, а кывтѳм пемѳс вылѳ ырза.

— Да ѳд кос туруныд,— шпыньмунѳ пѳрысь морт,— да и кадыс тулыслань вѳлѳ, вѳлыс укшалъмѳма.— Метѳ мый,— цеуна олыштѳм бѳрын содтѳ Педѳр дядь.— Со Ѳльѳксанлѳн батыс зумыд вѳлѳ. Чирѳм йѳрѳ орчча сиктсаяс паныдаласны праздник дырйи, сдача, тыдалѳ, кѳсийѳмны сетны мыйыськѳ. Кукань кодъ рам вѳлѳ, но абу бѳрыньтчѳма, витнан ѳслѳпансѳ сю мешѳкьяс моз чипасѳ тѳчас, некодлысь лысьѳмсѳ оз чег. Небыд сьѳлѳма вѳлѳ мортыс.

Сѳрни костѳ чурка вылѳ кодкѳ шлапкис кучик водза дѳра кепысь. Ѳльѳксан медводз шеныштчис чернас, но бергѳдчылис Педѳр дядьлань — тѳдис, сылѳн кепысьыс. Мѳдыс пыр жѳ горѳдис: «Слабо». Сьѳкыд чер гальснитѳс кѳртѳ, баныс кыртѳс чунь пасьта. Пропал пѳ вѳчи батылысь черсѳ, том мортлѳн вешкыртчылис чужѳмыс, карандаш кызта кѳрт тув вѳлѳма вачѳг пиас.

— Тѳ нѳ мый, вежай, йѳзсѳ манитан? Пуксялѳны ѳд пызан сайѳ,— Вера локтѳма гортсянныс, ужнайтны тѳрмѳдлѳ.

— Ме манита... Вачѳгьяс со тшытшѳны...

Важ керка выль серти кажитѳ куд кодьѳн, ляпкалѳма, пѳрысь морт моз мулань мѳдѳма быдмыны. Иван пѳльлѳн на ѳд керѳмыс, матѳ сѳ во сулалѳ.

Жырѳ помся сувтѳдѳмны куим пызан, пызан пѳвъясыс тайкѳ чегасны сѳян-юансьыс. Ырѳша кушман бѳрын чѳвѳтисны кос яя шыд, пѳжсьѳма лунтырнас, сур кодъ гѳрд лѳйма. Марья тьѳт ичмоньыскѳд содталѳны шыдсѳ, тшѳктѳны нанясьны, юны кисьталѳмторсѳ. Ена уджалѳм бѳрад азыма сѳйсьѳ. Кодсюрѳ чышкышталѳны плеш вывсьыс пѳсьсѳ, кодсюрѳ разялѳны дѳрѳм кизьяс.

— Марья, вай шыд дорас пекарскѳй няньтѳ, пѳжасыд

кынӧмад пушыда пуксьӧ,— Педӧр дядь чышкӧдтор гаров-  
тӧма сьылӧс, азыма торъя бекарысь панясьӧ. Бергӧдчылӧ  
пывсян бӧрын моз ньылӧдӧм орччӧн пукалысьлань:—  
Ольӧксан, эн лӧгась, тыдалӧ, мортыдлӧн оз сӧмын этшыс да  
мыгӧрыс рӧд кузя вудж, апетитыс и. Вӧрын уджалӧгӧн ба-  
тыд пыр ошйысьлис сӧйӧм бӧрын: кынӧм кучик пӧ барабан  
моз зӧлалӧс, той позяс шлочнитны-вины. Дас куим пызя пи-  
рӧг би дорын сывдас-небзьӧдас, нем пыдди сӧяс-кусыньтас,  
дерт, сӧйӧм серти и уджавлис.

Том йӧз пиысь кодсюрӧ серӧктӧны, Ольӧксан нинӧм оз  
шу, да и мый шуас — веськыда сӧрнитӧны. Гӧгрӧс пу паньӧн  
ырсьӧ кӧдзӧдӧм чӧдъя ляз, лӧсьыд сийӧ шонавлӧм вылад.

— Ен сись кодь, Марья, пиыд,— сӧрниӧ пырӧдчӧ энька-  
монялы паныдӧн пукалысь нывбаба.— Моньыд и. Водзтӧ  
ӧмӧй думыштӧн ӧкмыс пельӧса крестӧвик дорӧ кутчысьны.  
Со сиктад унаӧнлӧн вермытӧм вӧснаыс керка пӧлыс эповт-  
чылӧма вӧчтӧг.

— Сэтшӧм, бобӧ. Том йӧзыс миян,— Марья тьӧт мелӧа  
видзӧдлис Вера вылӧ,— нӧйтӧны сьӧмтӧ, а вежантор вылад  
ӧнӧ быдтор позьӧ судзӧдны, совхозыд отсасьӧ. Водзтӧ ки по-  
мысь ставсӧ ковмылис вӧчны, а кынд быдлаӧ эз судзсьыв.

— Марин, тэ нӧ он на пот?— пызан помсянь бара шыа-  
сьӧ Педӧр.— Уджалӧгад, кӧнкӧ, сэтшӧма эн шонавлы. Мед  
эськӧ лючки-ладнӧ жӧ ставыс лон.

— Тэ ме вӧсна эн шогсьы, вильыш кутю, сӧйигчӧж ӧти-  
мӧд вылӧ воан, эльтчан. Тшӧтшъякодьюсь ми Педӧркӧд, ӧт-  
лаын ныла-зонмасьлим, радасьыштӧм мыйкӧ дыра и. Гӧтыр  
вылӧ пӧ вая — шулис, да мамыс повзьӧдӧма: матӧ пӧ ог си-  
бӧд ош кодь гӧлӧсатӧ да чиган доддысь вӧшӧм чугун кодь  
сьӧдтӧ. Педӧр, сӧдз абу?

— Вунӧма нин, асьясӧ ог помнит.

— Эг ӧтлаасьлӧ, а сӧдзсӧ суседкост бура олим. Ӑтчыд  
тай кӧзяин вылын шмонитӧма. Мишка кисӧ дойдлис сила-  
вуйтӧгӧн, эталы тшӧктӧма кӧтисӧ дӧмыштны. Вильышыд пы-  
дӧссӧ и ныр вывсӧ ӧтлаӧ йитас, ещӧ пӧ сьылышталӧ дӧми-  
гас: переда и пӧдӧшва вместе шьются. Сылы ӧд — кызди  
надурнӧ, сӧдзи тешнӧ. Сӧдзи, Педӧр?

— Тӧрытьясӧ ог помнит.

Ӑтлаад чукӧрман да сӧрни-басниыс ачыс чужӧ, важыс и  
вильыс сувтӧ син водзад. Сийӧн и разӧдчӧмыс отсасьысьяс-  
лӧн сӧрмис. Шондӧыс мудзӧма жӧ лунтырнас, ӧшйӧма вӧр-  
тас вылӧ, ымралысь биа ӧгыр кодь дон лӧма. Гортъясӧ му-  
нигӧн ставӧн на син пырыс нуӧны вильӧн лӧптӧм грывви-  
дзысь керкаӧс, кодӧ гӧрдов рӧмӧн ӧнӧ дзирдалис дзебсьысь  
шондӧ водзын.



## ЛОВЬЯ КӦЧ

Метрикаас пасйӧма: Чипсанов Григорий Петрович, а сиктын тӧдӧны да син саяс шуӧны Прогноз Гришӧн. Мед нин кӧть Петыр Гриш либӧ Кузнеч Гриш (сийӧ кузнеч), но оз.

Эз прӧста кӧвъясь прӧзвищыс. Сийӧс ичӧтсянь шензьӧд-лисны вӧр-ваын, ывла вылын ас кадӧ вежсьӧмъяс. Мукӧд воясӧ овлӧны виччысьтӧмторъяс, йӧз дивуйтчӧны: поводдя-ыс пӧ таво бӧбмӧм петук кодъ, кодӧ асыв пыдди рытнас гор-зӧ. Чипсанов ставсӧ пасйӧ тетрадьӧ.

Поводдя йылысь медсясӧ юасьлӧны олӧма йӧзлысь, кодъяс унатор аддзылисны нэм чӧжнас, кывлисны бать-пӧльяссянь. Но миян сиктын шыӧдчӧны гӧтыртӧм на Гриша дорӧ. Кодӧ збыльысь, кодӧ шуткаӧн. Чипсанов торъялӧ ешӧ сямлуннас да рамлуннас.

Кузнеча дорӧ луннас унаӧн волювлӧны. Чери кыйны лӧсьӧдчысьяс тулысын юасьлӧны:

— Кор Сыктылыс воссяс, дыр-ӧ йныс оз кывт?

— Сыктылыс, шуан,— ва тыра ворйӧ доранторсӧ дзужнитӧм бӧрын бергӧдчас кузнеч тэлань.— Пыдын шорыд кор письтӧс? (Пыдын шорыс сикт шӧрӧд визувтӧ, пышкайлы гожӧмнас пидзӧсӧдз).— Двадцатого. Значит, кык вежон мысти, плюс-минус, лун кык. Пыр сӧдзи овлӧ.

А ачыс бара нин гурйысӧ пушкысь гор дорас.

Арнас вӧлӧ юкмӧс сруб тшупа. Гриш вайӧ рос ньӧр, сувтовкерис.

— Срубтӧ кыдзсысь либӧ пипуысь бурджык вӧчны, по-жӧмыд сир дука. А эм-ӧ ваыс?

— Код тӧдас му пытшсьыс, со татчӧ кильчӧ дорӧ матӧджык кӧсья кодйыны.

— Ваыс ӧд лыбӧ му веркӧсас, эм кӧ бытгӧ танӧ,— содтӧс ньӧр вайысь.— Косьтӧм петшӧр кымыня ведра улӧэновтлы вой кежлас: ульсалас кӧ — ва кутан юны.

Усис дум вылӧ, кыдзи пуксьыліс кольӧм тӧв. Ноябрь шӧрын кӧдздӧдіс, усис весьт джуджда лым. Унджыкыс, дерт, начкалісны тшӧгӧдӧм гортса пемӧсьясӧс. Яйыс тшыксис: зэрмис да дас лун чӧж уляліс. Прогноз Гриш ӧлӧдлӧма йӧзсӧ: изьяс вылын пӧ лымйыс эз на вӧв, оз на пӧ тӧлыс пуксы пыр кежлӧ. Кодӧ эз кывзысь, ӧна каитчис сӧсся.

Кык во уджаліс кузнечлы отсасьысьӧн. Армия бӧрас ачыс лои ыджыдӧн кирпичысь вӧчӧм неыджыд керкаас. Уджалігас нин помаліс рытъя школа. Пыртас кодкӧ кузнечаӧ жугалӧм часть, петкӧдлӧ, кытӧ колӧ пилитыштны, кытчӧ розь вӧчны, а Гриш оз кӧрт вылас, а мортлы синъясас ви-

дзодё, нюмъялө: тода пө. И вочас, быттьо заводьсь вайо-  
маось, сточа лөсялө местаас. Мый босьтас, сийос и вочө.  
Керка гөгорсө пелькөдома, он небось крукась ни конъясь  
кытчөкө. Весиг вевт вывсьыс ва войт бокө оз мун — бочка-  
ясө лэччө жөлөбъяс кузя, киськасьны лөсьөдома.

— Пөвтө колө лөсьөдны, ниө, пөвтө,— шулас мамыс,—  
впукъяскөд эськө ноксьышти, быдтышти, нэм чөж кукапьяс  
дорын бергала. Комын во виччысян, код эсся пөрысь жо-  
ник сайө петас.

— Удита,— шуас вомгорулас пныс, а ачыс бара книга  
вылө видзөдө. Мукөд дырин вой шөрөдз дзижгас-уджалас  
гортса мастерскөйыи.

— Луитыр сасө нылалан, петалин көть ловтө ыркөдны  
том йөз дорас. Крукыльт өти юбкааос, пырт гортө. Мый на-  
ысь полан, оз чушкавны, он петшөрась,— броткө мамыс.

Чипсанов абу на кутыштлөма нылөс, непөштө колльөд-  
чыны рытын либө окасьны. Ныв чукөрысь эськө торйөдө  
өтиос, Нина Сурнинаос, да мый сыысь — водзө воськовые  
оз артмы да. Да и Брагин Васька кань моз ныв дорын пыр  
нювсьө-бергало. Гришкөд тшөтшъясь, босьтлис кык-ө-ку-  
им гөтыр, бара нин со өтнас. Нина дорө ордым тальө.

Кытшөн ворсигөн өтчюд Нина сувтис Чипсанов водзө,  
төдлытөг босьтис сылысь княссө, ас гөгөрыс вөнөдис. Зон-  
лөн лөталісны кокъясыс, тайкө сьөлөмыс вомөдыс чеччыш-  
тас, сэтшөма тіпкө. Нина мыйкө шуалө, а сийө нинөм оз кыв.  
Сэсся Брагин сувтис ныв дорө, быть лои котөртны.

Мөдысь — субөта рытө вөлі пукалө Нинакөд орччөн.  
Клубө пырис гажа юра Брагини.

— Чолөм, Прогноз Петрович! — горөдис ставлы кыв-  
мөн.— Кутшөм поводдя виччысям асывводз? Көсья голь-  
гывны карөдз, кызди ковмас пасьтасьнысө? — Гришөс не-  
код на йөз водзын эз янөдлы. Вирыс чепөсийс чужөмас, но  
кутис асьсө, негораа вочавидзис:

— Тшукөдлы китө ныр улад — кос али улиса — сэтшөм  
и лөө ывлаыс.

Но мөдыс пыдди эз пукты шуөмсө, көсийс вештыштны  
Чипсановөс скамья помлань, мед шөракостас пуксьыны.  
Гриш эз шөйөвош: чабыртис Брагинлысь килутшсө, песов-  
тыштіс. Мөдыслөн весиг вомыс вешкыртчыліс.

Сийө рытнас Гришлөн төдлытөг кежнис Сурнипъяслөн  
кильчө помө. Гашкө эськө и эз смелмөдчы, да кыліс ас бөр-  
сьыс сапөг дзуртышталөмьяс, төдис, дерт, коді локтө. Нина  
мыйкө висьтасис сьөлөмянь, а зон өшйөма гыррдзаяснас  
потшөс вылө, юрсө вывлань чатрөдлө.

— Төлысь гөгөр гөрдоввиж кытш артмөма, лым петас.

Нина чатөртліс жө юрсө, воськовтіс кильчөланы.

— Көчтө кыйны инө торкас... Ме, Гриш, кынмыны мөді, пыра...

— Кокниа насытасьомыд да,— сөмын и артмысны зонлөн ковтом кывъяс. Эськө кутыштлыны нылөс, шамыртлыны морөс бердас... Сылы кокниджык пудъя мөлөтөн лунтыр камгыны.

Та бөрын Чипсанов вель дыр эз паныд сюрлы Сурнинакөд. Гортсянь кузнечаө, кузнечасянь гортө — өти туй. Шойччан лунъясө ветлывліс көч кыйны, ловсө ыркөдны. Быттьө из өшалө сылы вылас, Гриш кывліс, мый Нинаөс эльтөны-серавлөны сыөн: корасыны пө тай волөма кузнечыд. Он пө вош, петан кө сы сайө, яй да чери кутан сөйны. Нылыд и воча шмонитыштас: матө пө ог сибөд, оз кө ловъя көч вай. Но Чипсанов тайөс сюркняліс пель саяс. А аслыс сэтшөм окота аддзывны Нинаөс. И кыяс өд ловъя көчтө. Шедө сійө дзуг кодь тывйө, ыджыд, кузь пеля, еджыд.

Рытнас Гриш сулалө Сурнипъяслөн кильчө бокрын, киняулаас тубрастор, виччысьө кино помасьөм. Первой кылісны кок шыяс, сөсся дзиръя дорсянь төдса гөлөсьяс.

— Эн вөтлысь ме бөрся, абу и лөсьыд йөзсьыс...

— Прогнозлы асьтө видзан, а сійө...

— Тэ Прогнозсө эн кыскав, бөжыд кузь нин: кыкөпөсь и кыкнаннyslөн эмөсь тэнө батыөн шуысьяс.

— Эн каитчы бөрас,— чөв олыштөм бөрын вочавидзис Брагни, скөрысь клоппитіс дзиръяөн. Нина веськөдчис кильчөланы, казяліс вуджрасысь мортөс, повзыштіс.

— Код пө сэн? Пессө он-ө гусявлөй?

— Ме тайө... Со вайи...

Ныв эз вермы гөгөрвоны, мый вермис вайны мортыс вой шөр войын.

— Ачыд тай бантлөмыд, кывлі... Ловъя көч.

Гриш мыччис тубрассө Ниналы. Полысь пемөс йөткыштчис бөръя кузь кокъяенас, муртса эз пөрөд нылөс мышыв.

— Отсышт, аддзан, сувтнысө ог вермы.

Гриш шамыртіс Нинаөс киняулөдыс, гөн мешөкөс моз качөдліс вывланы, вөлисти лэдзис кокъяс вылас, морөс дорас топөдіс. Сьөлөмыслөн чорыда чеччалөмла лов шыыс петө сьөкыда, кыв ни джын висьтавыны оз путьмы. Нина судзөдчыштөмөн сывйыштіс кыкнан кинас зонлысь сылісө.

— Гриша, Прогноз, меж сьөлөма морт. Ловъя көч тэ менам...

## ЖУРКА ТУРИ

Неминучаыд суо виччысьтөг. Сідз лоис и том турикөд. Нимтам сійөс Журкайн.

Аръявылыс бать-мамныс быд лун войлөдлісны найөс, томъясөс, паськыд шюр вывтi, медым ёнмисны кузь туйо петтөдз, шоныдiнө төвйыны мунтөдз. Мукөд дырйи сэтшө-ма мудзасны, өдва кок йыланыс сулалөны. А верстьо турияс тойлөны-кокалөны кытчө веськалас кузь ныръяснаныс, быттьо налөн абу и рөднөй пи-ныв. Вермисны кө эськө, дерт, кыпөдчисны, мынтөдчисны асланыс наставникъясыс. Но бордьясыс оз на кутны сынөдас, сөмын пөрөмысь видзөны котралігас да отсалөны вутшкысь вутшкө чеччалігөн. Сійөн и став кадсө колльөдөны кок йыланыс — ёнөсь нин, эз өд этшаысь муртавын нюр эрдсө. Но өд лунвылөдзыд пөдөн он мун, бордтөгид нө кутшөм лэбач. Сійөн и кыкысь лун өвтчөмөн котралөны, ёнмөдөны борд вечикъяссө.

Петіс Журка өти асылө кузь турун пиысь, көні колльөдіс войсө. Нитшкыс кажакылө, ва гөпъяс йизьөмаөсь. Лун шөрнас шоныд, а войяс лоисны пыр көдзыдджыкөсь. Сөян сюрө омөля. Паськыд нюр вылө чукөрмис вель уна тури, томъяс и пөрысыяс. Вооны ставөн өтарсянь, кысянь көдзыдыс жмитө. Сэтшөм зык кыптiс нюр вылас, нинөм он гөгөрво, кодi мый и висьталө. Пөрысь турияс олөны торйөн, тшапа восьлалөны өтарө-мөдарө, гораа вензьөны өта-мөдныскөд, лэбзыны али нөрөвитыштлыны на, медым томъяс ещө эбөссялыштасны.

Журка казяліс, бөрья кадө бать-мамыс эз кутны сыкөд ёнасө меліасьны, мукөд дырйи весиг оз шыасьны, быттьо паметсьө көдзыдыс налысь торкөма. А, гашкө, лыддьөны верстьо лэбачөн: быдтiм пө, верман миянтөг овны.

Өти асылө поводдяыс дзикөдз чуймөдіс: нюрыс вевттысьөма еджыд-еджыд эшкынөн, синьястө ёрө. Лым пө тайө. Журка первойысь татшөмторсө аддзө. Паськыд нюр вылө сэсся некод эз лок. Сійө жө луннас бура дыр клывгөм-клювкйөдлөм бөрыи — тадзи прөститчисны чужан местаыскөд мөд тулысөдз — кыпөдчисны енэжө. Журка котөртiс водзлань бордьяссө өтарө-мөдарө шевгөдөмөн, вынөн тойыштчис кыкнан кокнас, өшйис сынөдас. Сэтшөм лөсьыд да кокни лэбавны, вир-яйыд ыркалө, та вылнаөсө сійө эз на качөдчыв. Кокъяссө, мед оз паруситны, топөдіс кынөм бердас, бөжсө корөсь моз паськөдіс, шочиника өвтчө бордьяс-нас. Бөрад кокниджык сылы — нырщикъяс поткөдөны-вундөны сынөдсө водзын. Аддзөны тай кытчө лэбны, көть и абу муыи моз талялөм ордым визыс.

Турияс тэрмасьоны. Кыв шутөг вежсьоны нырвизь кутысьяс.

Мод вой кежлө узьмөдчисны нюрö жö. Журкалы тани ставыс төдтөм. Да и пöрысьяс шуöны, нюрыс пö вежсьöма. Öтарö пö чинö и чинö. Сы местаö пö видз да пöскöтина вöчöны. Нюр бокын кодйöма джуджыд канаваяс, гөгөр сулалісны машинаяс, сюръяяс йылö черань вез моз öшлöма сутугаяс. Вот сэтчö гудыр асылö и зурасис Журка, эз казаяв сутугатö. Вечикыс тротшнитчис, лёткысис бордйыс, усис сöмын на лэптöм небыд сьöд му вылö. Дерт, эз вöв окота кольччыны ёртъяссьыс, уськөдчис котöртны лэбзысьяс бöрысь, мый вынсьыс курксіс: «Энлöй, ме тани...». Но эз удит помавны горödөмсö, кокъяс увсьыс воши муыс, усис увлань юрөн. Кузь канава пьдöсын вöлі ва. Чегөм борд пöлыс ёнтіс сьöлөм потмöныс. Татысь и кутіс недыр мысти сійöс волялан паськöма морт, йöртіс пöвйысь вöчöм чомйö, коліс сёян да юан. А рытнас сійö жö гургис-нуис ылö мөдлаö.

Тадзикөн Журка веськаліс төвйыны челядь дорö, школаö. Чегөм бордсö кардъялісны. Пельöсö потшисны сылы йөр кодьöс.

Но и майшасисны жö челядь первой кык лунсö: тури нинөм эз сёй, сöмын няргис, корис лэдзны бөр. Но коймөд лунас кузь нырнас бура гудрасис тасьтін. Тешкодь вöлі видзöдны сы вылö сёйигас, зэв нин асьсö öкуратнйöн лыддис. Лэптас дозйысь нянь тор, дыр тольöдас-пожъялас орччөн сулалысь ва ведраын, сэсся вöлісь нылыштас. Ва пийö суйлытөг нинөм оз кылөд. А төлысь мысти Журкалысь разисны кардъявлөм бордсö.

Торйөн збоймис Журка тувсов лунъяс пуксьöм бöрын. Мичаммис ачыс, ёнмис.

Журкаöс лэдзисны ывлаö урокъяс бöрын. Ыбъяслөн войвыв банъясыс вöліны еджыдöсь на. Но челядь пиысь кодкө кылöма шоныдінысь воысь турияслысь гөлөссö. А, гашкö, вöліны буретш найö, кодъяскөд Журка мөдөдчыліс арнас. Төвбыднад челядь велалісны лэбач дорö, жаль лон торйөдчынысö. Тыдалö, Журкалы эз жö вöв долыд...

Вöзйысис сэтшöма, а ывлаö петкөдөм бöрын лэбзыны эз думайт. Тапъялö-ветлөдлө, чатрасьö. Кыськө виччысьтөг уськөдчис ичөтик пон. Мөдыс повзис, чепөсйис пышйыны, сэсся öдөбтөмөн тойыштчис вывлань, качөдчис. Челядь горзöны, быдөн висьталöны мелі кывъяс бурсиöмъяс.

Тури вöчис кытш юръяс весьтті, кымыныськө горөдіс, тыдалö, аттьöалис төвйөдысьяссö, сэсся веськөдчис вөрлань. Дерт, лэбавны чужөм ловлы лöz енэжыс, помтөм-дортөм ывла вылыс вöлі ёна мусаджык керкаын олөм дорсьыд.

## ҚЫК ШОЙЧЧАН ЛУН

Ас кадө триньобтіс рьтсъянь лосьдөдөм будильник. Сергей Иванович тэрыба кыпөдчис, пасьтасис-көмасис. Гортись петтөдз Марья гөтырыс бурпөт велөдіс:

— Кузовтө йөз дінас жө пукты, воштан, оз сюр сэсся татшөмыс, куліс вөчысыс. Со быздөдтор волысас көртышті, мед төдін. Зіля вотчы, паныд вола.

Комын во гозья олөны. Поздысьлісны Вичкодор сиктө, быттө неважөн на вөлі, а кум челядь быдмисны-бордьясисны, ставөн асшөр удж вылынөсь, внукьяс быдмөны. Бара кыкөн колисны. Кывлан йөз костыс: ёнджыка пө өтла-асьөны өтсыма оласногаяс. Вензыны ог кутөй. Но тайө гозьялы шуөмыс оз ладмы. Комын вонад кымын пуд сов сөйөма, шоныдыс и көдзыдыс вөлі, бурыс и лёкыс, а олөны пон да кань моз. Верөсыс оз лэптыв морт вылө гөлөс, сиктын пыдди пуктана, бур боксянь газетө гижлөны-и. А Марьялөн, гөтырыслөн, зычитан сямыс ассьыс водзджык чужлөма, шулөны суседьясыс. Град йөрас ва вөма — суседсө пинялө, дзирьяыс абу калича — бара жө эм мыйысь видчыны. «Лечитны позьтөм висьөм, — думышлө ас кежас и Сергей Иванович. — Кутшөм гөнөн чужлөма, сэтнөмөн и кувсяс, тыдалө. Гөрбаөс пө тай муыс веськөдө».

— Торйөдчы, мый нө терпитан, — эз өтчыдысь шулыны өртгьясыс, — абу тэ медводдза ни медбөрья. А то лыбас кид гажа юрөн, асьтө жө мыждасны...

Но кадыс сідзи юксьытөг и гөгыльтчис.

Мөдлапөлө вотчысыяс воисны пемыднас на. Ичөтик будка дорын гыпкис-йиркөдіс тепловоз. Ярьюгыл синьясыс югдөдісны туйсө, войнас вазьөм рельсыяс дзирдалісны веськыд визьясөн. Турунвиж вагоньяс гөгөр гузьялісны кузола да нопья йөз, юасисны, коді көн вотчөма бөрья луньясө, кытчө лөсьөдчөны кежны талун, коді кутас новлөдлыны нырщик пыдди. Местаысь вөрзытөдз на кутісны партитчыны.

Вотчысыяслы, вөралысыяслы, чери кыйысыяслы тепловоз кыскаліс өти тыртөм вагон, но шойччан луньясө йөзыс чукөрмывліс сы мында, мый домалісны ещө восьса платформа.

Тепловоз гульөдіс-гольөдіс посьяс вуджигөн, чойяс кайигөн сьөласис сьөд са тшын кытшьясөн, чиитывліс-содтивліс мунан өдсө. Асья көдзыд сетіс асьсө төдны, платформа вылын пукалысыяс жмитчисны өта-мөд дораныс.

Шонді петіс да лонс гажаджык, шоныдджык. Кык-ө-кунимлаө кольччалісны нин йөзыс. А со и важ керас места,

вөрзисны йёз и восьса платформа вылысь. Чилөг гөлөса нывбаба, вёлөмкө, дзонь весьтөн ставсьыс ыджыд, йёра моз вожмавліс пёрөм пуяс, чашыйсис-муніс водзас. Пыригмоз чегъявліс леторос увьяс — пасьяс коляліс. Дыр пукалөмысь Сергей Ивановичлөн кокъясыс позялісны, неуна кольччыштіс. Компас серти тёдмаліс петан туй визьсө, шум, торъялас кө йөзсьыс. Яг дорёсын вёлыштөма неуна пувйыс, мунигмоз нетшыштісны медбур розьяссө, сэсся лыйыштісны разі-пелі. Первой кылісны то өтилаын, то мөдлаын укйөдлөм шыяс, сэсся гөгөр лөнис.

Сергей Иванович коліс өтнас, лов вылас кокни: луныс гажа, некод бөрся вөтлысьны оз ков, некод оз тэрмөдлы, оз вид. Шойччөм кодь сылы. Мыр дорө пидзөсчаняс, кабыр тырнас шаркйөдлө вотөссө чуманө. «Татшөм өдийө кө кута өктысьны,— пувсө кузолө кисьтөм бөрын видзөдліс часі вылас,— кыскимөн чукөрта, төвбыд кежлө вөлөга лөө». Мөд көрзина тыртөм бөрын пув розьяс шочмисны. Вөчис неыджыд кытш, мөдөс — бара адзис пувъяни, бара позьө өктысьны. Копрасигас и пажынторсө нямляліс. Друг вөрыс шызис нывбабаяслөн чуксасьөмысь. Петөны ниң, сідзкө, туй вылө. Веськөдіс коссө, видзөдліс компас вылө. Манитчыны эз кут, веськөдчис төдса мырлань. Вель ылөдз муніс, а кузолыс ни мырйыс оз тыдав. Сэсся бергөдчыліс бөрлань, выль пөв мөдіс талань. Дзоръялө гөгөр, часі перйылө. Эз-ө нө кодкө босьт? Пөсьө шыбитіс мужикөс. Со и мырйыс сюри, а кузовлөн местаыс кольөма, кодкө таялөма гөгөр. Мед көть дозсө колісны, каналльөяс. Тыдалө, збыльөсь нопьяс ректөм йылысь сёрниясыс.

Комын верст сайө өтнад он кольччы. Кор Сергей Иванович тэрмасьөмөн петіс туй вылө, сыкөд пырысьяс шойччисны ласта вылын. Чилөг гөлөса нывбаба төлөдіс пувсө, кисьтышталіс муө навкнитөм чышъян вылө, а ачыс шутөвталіс пинь пырыс, төв корис.

— Синма-ныра костті кузолөс гуисны, кык ведра пув. Со тайөс чукөртіг костті,— Сергей Иванович мыччөдліс көрзинасьыс вотөссө.— Ог төд, примитас-ө Марья гортө, суседьясөс гөлөснас полошуйтас наперво-а...

— Ой-я да ой-я, но и петкөдлін жө серам,— энөвтліс уджсө пув төлөдысь. Сэсся шыасис мөд:

— Вай, бабаяс, кисьтышталам Сергей Ивановичлы, тыртам көрзинасө, али уськөдчылам артельөн, со сійө бурьыс вылас пувсө быттө кисьтөма.

Гортө воигөн тепловоз ылісянь на ньөжмөдіс өдсө, размөдысь тутөстіс, сэсся сувтіс брускысь вөчөм керкатор дорө.

Туй отар-модар сулалісны и пукалісны йоз, лунтыр вотчысь войтырлы воомаось паньд. Сергей Ивановичлөн чужо-мыс нюкыртчис, казяліс гөтырсө да, быттьо окота лопс бөрддзыны, кызди овло лук кульом бөрын. Көсийс кольчыштны, но петысь йөзлөн гыс йөткис сійөс водзө.

— Көн нө кузолыс, съод кымөр?!— ылісянь на горөдіс гөтырыс.— Йөзыс кыскымөн вайоны, а тэ...

— Этайө нө абу пув,— мырдөн сорөн серөктіс верөсыс.

— Чужья, ещө паньд локті! Мед вөлі корсьома кузовсө, горт рөзөритысь.

Сергей Иванович эз вермы терпитны, гырысь воськовьясөн веськөдчис гортлань. А гөтырыс быттьо гижөд вылысь сяргис-лыддис видчан кывьяссө. То кольчыштлас, то бара сибөдчас матөджык. Омөлик пон сідз жө увтө төдтөм морт вылө, но полө, медым оз чужйы виччысьтөг сьылі тшуптас.

...Мөд шойччан лун асылө Сергей Ивановичөс лөсталысь «воронко» бара гольөдіс вөрө. Ноп пыдди вөлі плёнка мешөк. «Гашкө, тэрмасигад эг веськав кузов вылө, гашкө, прөста грекуйта,— бергаліс юрас, тайө мөвпыс и петкөдіс гортсьыс. Воис местаө, чегъялөм леторос увьяс индісны пыран туй. Нимкодя сувтовкерис. Со нитшсялөм мыр, кузь турун пиын кузолыс куйлө боквыв, муртса и төдчыштө. Вөлөмкө, сійөн и абу аддзөма. Восьтыліс вевтсө — ставыс местаын.

— Ладнө, вотчышта тэрмасьтөг,— Сергей Ивановичлөн личаліс пытшкөсыс. А кор лов вылад кокни, ворсөм моз уджавсьө, кадыс пышйө котөрөн. Кык көрзина тыр өктіс пувсө. «Талун, дерт, оз нин мөд увгыны,— думыштіс гөтыр йывсьыс.— Кызд бара кыскынысө кута, нель ведра пув...».

Гортө воом бөрын сөйөд вичко кырсө өдва и кайис, ньылөмыс шорөн киссьө. А кильчө пос кузяыс кыпөдчыны выныс эз нин тырмы. Сэки петіс гөтырыс, тыдалө, казялөма өшинь пырыс.

— Рөбөтник!— ойөстіс верөсыслысь көтасьөм мышкусө да кузовысь төпкысь көч вир кодь гөрд войтьяс казялөм бөрын.— Став паськөмтө тай тшыкөдөмыд, көть шыбит. Пув ваыс некутшөм порошокөн оз мын. Кулөмыд али мый, он гөгөрво? Быдөн морт сямөн олөны, а сійө...

Но көзяиныслөн син еджыдъяскөд паньдасьлөм бөрын ланьтіс: тадзи Сергей Иванович видзөдлө, кор горш помөдзыс нин лөома.

— Марья,— Сергей Иванович чургөдіс кисө өдзөслань,— ныла-пиа дорад пыр көсийсян пышйыны, со, со паніныс!



## ПОРСЬ ӨГРАЛӨН ПОРСЬЯС

Кор Иван локтис удж вылысь, гөтырыс — Өгра пукаліс джодж шөрас, вежөс өдзөс дорас, сулея помө суйөм нёнён вердіс порсьпиянөс. Босьтас өтиөс, чатөртас нырсө вывлань, чуньяснас топөдыштлас резина нёнёсө, мед өдйөджык пычкыяс йөлыс. Сэсся вердөм бөрас польөписө тунгас порог вомөн мөд жырьяс, быттьө өти йөртөдысь мөдө картупель шыблалө. Өтилаын кө кутасны шуксьыны, кызди төдан, кодөс вердін, а кодөс эн. Абу өд польөясыс пасаөсь. Ставныс өткодьбөсь, ытшкөм верөтя вылө мыччысьөм ягсерьяс кодьбөсь. Руксөны, нырьяснас зурөдөны өта-мөднысө.

Иван сюрья моз сулаліс порог дорас, дзоргис-видзөдіс то кизь кодь посни пемөсьяс вылас, кодьяс анькытш тусьяс моз шаргысьөмны джодж пасьталаыс, то лөзялөм юрсиа гөтыр вылас. Руасьөм өчкисө пөрччөм бөрын крапкис-шуис:

— Өгра! Тадзи ме сэсся ог вермы, голя помөдз воис. Узьөм ни олөм. Войбыд гидйын порсьяс бабиті, удж вылө весиг сөрми. Йөзыс бур здук нин тшупсьөмны, куритчыны нин вөлі пуксьөмны. Бригадир янөдіс: порсь ферманад пө асьнытө матө воштінныд. Лоас тэнө доктор дінө нулыны, али нө юксям пөрысьө-нэмө... Челядьтө быдтігөн тадзи эн майшасьлы. Куим энь порсь лөсьөдін. Вузасян порсьпиянөн, ыджыдьяссө яй вылө сдайталан.

Ва пельса дорө локтігөн Иван, тыдалө, кокнас топөдіс өти «ягсерөс», сійө пельяс чунөдтөдз чирөстіс. Вөрзөдөм чушкан поз моз шызисны-гызисны мукөдьясыс. Өграөс быттьө пөсь өгырөн чуткисны.

— Кытчө нө тамыш синьяснад суйсян. Сідз нин уроныс лоп. Сутш кежлө керкаө пыралігкості өти мамыс куимөс варөдөма. А мөдыс син водзын нямляліс өти чошөөс, усьласьө көин моз аслас пияныс вылө. Медбур каднас пронадитисны, тулыснас, кор порсьпитө сиська биөн он аддзы, дай доныс ыджыд. Кык вежон мысти эськө сө шайт шедіс, быттьө биө шыбиті сьөмсө... Керкаын и лоө тадзи вердны ки помысь. Да мый сэн мыр моз сулалан? Көтөрөн ветлы лавкаө няньла, улыөн сөясны мамьясыс, кылан, кызди равзөны. Төрыт вит тупөсь сөмын и сетісны. Няргыны кө кутас вузасьясыс Вераыс, сет кодлыкө сьөмтө, босьтас да лөдан тупөсьяссө мешөкад посводзас. Эн манитчы! Көймөд порсьыс регыд коркө пиянасыс, бара тэныд лоас гидын олыштны. Загрекиыд, бара варөдас-сөяс пиянсө, немтор өд он төд.

Иван немтор эз шу, тэрмасьтөг вежис уджалан паськөмсө, пыраліс шкапө деньгала, бөр вожөдіс ныр вылас өч-

кисё, нуодіс юр сайёдзис вожъяс помас көрталом суниссё, петіс да клопнитіс өдзёнас.

Өгра тувкнитіс бөръя порсьписё вежёс порог вомён, судзёдіс матич костысь кабалатор. Сэтчө сылён пасьялёма кодлы колё вузавны порсьяссё. Вомгорулас лыддьёдліс: райпоса заготовительлы, лавкаса вузасьысьлы, шофёр Мишкалы. Век нин коркё мездыштасны. Он и тёдлы, верман йөрмыны. Комбикорм со колё и... Сэки и сунс сійёс верёсыс. Книяулас нянь тупёсь. Чужомыс гөрдөдыштёма.

— Но, Өгра, пёсь шыдён столөвөйын нуръяси, кынём радлө. Оні телевизор кута видзөдны.

— Телевизор? Ок, пёрысь выживь! Порсьыс өд тыра, энотан али мый өтнассё гидас?

— Өгра,— Иван жмоткысис-пуксис лабич вылө,— тэ морт али кын чурка, кымынысь өтиторсё колё дольны. Юръяндзим йёзсыс. Кунм во, кызди пенсия вылад петін. Спокой абу, йөймин. Вольной светсё он аддзыв порсьяс вёснайд. Мый оз тырмы мянлы? Челядьыд кок йылө сувтисны, асьныс семьитчисны, оз омөля овны. Пенсия тэныд тырмымөн, кык во бөрын ме пета, кургы да ов, бөрдысь ни видысь. Порсь моз ныръясян-олан, прамөй сёян он лөсьөдлы. Кос нянь вылын ола... А тэ луасян няйта, порсь куйөднас тыасьөмыд. Яй бытам, а асьным ог аддзывлөй. Та пыдди эськө совхозын мый вермин уджыштін, йөз дінас лөвтө ыркөдін. Тит Марпа со картопель керёма, ки тыр сьом босьтёма. А тэ порсь ним ас вылад көвъялин...

Өграёс эз бурмөдны татшөм кывъясыд, кымыныськө өдөбтыліс суйсьыны верёс сёрни костас, но мөдыс эз лэдз.

— Он кө нин вермы скөттөгыс, мөс лөсьөдам, совхоз видз сетө мянлы, челядь отсаласны турунсө пуктыны.

Но кор Иван казтыштис столөвөйын ужнайтөм йывсьыд, Көин Митрейкөд шкальчик чегөм йылысь да кывт пызан вылас пуктис сөмын өти нянь тупёсь, сэки быттё мыйкө кырис Өгралөн пытшкөсас, мөдіс сяркөдны пулемёт моз:

— Столөвөйясті лювъялан, яндысьтөм бугыль, лун серсё петалан уджыштнытө да ышнясян. А ме лунъюгыдсө ог аддзыв, юртөм петук моз бергала. Сарайын капустайд, пөрт кодь чугуньясын картопель пуёма. Сөй. Ёна нин нежной лөөмыд — пражитөм виччысян. Аски мед уджөдзыхд вөлі котөртлөма ветпунктө лекарстола, пельсө порсьыс вирөдз зыртёма. Аслад ныр гөгөрыд и аддзан...

Иван нинөм эз шу, шеныштис кинас да уськөдчис өдзөсө. Гашкө и гидас петіс... бабитчыны.

## ЫЛӨДЛІС

Бөръяысьсё тани вёлі мартын, кыдзи леспромхозса инженер отсасис тыртны план. Бурпөт видчис мастеръяскөд, начальниккөд. Гортас лэччис «толкач» ним најөвитөм бөрын. И со бара Гарьюн.

Юыс сөмын восьсөма, абу на удитөма ылькнитны берегъясысь ортсыө. Доддявлытөм вөв кодь вильыш. Но сэтi вöрсö петкөдлөны Сыктылөдз пöшти 40 верст. Сийөн и воис бара Ракин.

Мотоциклё сувтөдiс Қосныревъяс керка дорö. Лесник көйысьліс нуөдлыны вөрö. Виль туй вундiгөн веськалөма дозмөр койт вылө, катша-рака мында пö чукчыс. Сэки иин инженер өлөдiс: эн пö больгы та йылысь, вола пö тулыснас.

— Федякөд буди ветланныд,— вольпассянь мыччис ки-сö лесник,— радикулит водтөдiс. Туй южыс, көнкö, тöдчö на, дерт, собавны ковмас-а... Сөмын тай тувсов вöралөмсö эз на восьтыны-а...

— Ме юасьлі, восьтасны,— эскөдiс лесникöс Ракин.— Оти-кык луныд иинөм иин оз решит. Дай ми ог лыйсьöй ёнасö... Нимкодясьыштам сөмын. Важөн койт вылас эг вöвлы.

Мастерскöй участокдз комын верст. Лежневöй туй кузя мотоциклөн гольгигөн Ракин быгзытөдзыс пöсяліс, лоис и лесник пилы — Федялы пуксьывны веськөдлан сюръяс сайö. Верст-мөд мунөм бөрын Ракин пуксис пөрөм пу вылө, пошиктö. Төвся туйыс дзик рокöс кодь лөма.

— Федя, буди бергөдчылан, воронкотö доддявлан, тадз-тö ми аски рытөдз ог воөдчö.

— А мыйкө кө лоас тракторыскөд...— Федя Қоснырев пуксис жö орчөн ёртыскөд.— Бригада верма сувтөдны...

— Төвнас татi кыскасисны. Сэсся өд ме кутшөмкө начальник жö. Ас вылө ставсö босьта. Уджалысьяс воигкеж-лө бөр косам.

Мырдөн сорөн инженер Ракин венiс тракторист Қосныревöс. Федя сетчис.

Көрт вөв эргис вөр тырнас. Няйт сора сөнiк ваөн ыльк-нитчисны-тырисны бөрсыйс артмөм воргаясыс. Со и джодж пасьта ва лог. Федя сувтөдiс тракторсö, шунс:

— Бергөдчам кө-а? Либö подөн мөдөдчам.

Ракин вуджис васö, чукөстiс мөдар берегсяныыс:

— Кокнипырысь прöйдитан, улыыс зэв зумыд.

Ва шöрын гусеницаяс мөдлісны сяргыны места вылас, но кужысь кияс, рычагъяссö бөрö-водзö сетлөмөн, отсалис-

ны петны лёкинысь. Федялөн сьёлём вылас лоис долыд-джык.

А дозмöрыс койт вылас збылысь вёлöма уна. Көн-дозмөръяс котсгтыр лэбалісны пуысь пуö. Öта-мöд вежмөн сьылісны сьöдъяс, кадысь кадö кылісны и налөн чорыд борд шыясыс.

Вöралысьяслөн дзык юръяс весьтас, кос пожёмö, шлопкысис-пуксис сьöд дозмөр, кымыныськö греч-греч вöчис да ланьтис. Ракин косьöбтис-луйис.

— Кольём вося, со голяыс вöсни,— Коснырев лэптис кыйдöссö.— Сійö оз на и сьыв, воис велöдчыны пöрысь-джыкъяслысь, а тэ кокыштін. Первой песнясö эз и удит сьывны аслас радейтчём йывсьыс...

— Радейтчём! Эн сөр,— инженер дзевис дозмöрсö нопьяс.— Тэрмасьны колö: муö кутасны лэччавны, сэки найöс он босьт. Ме со эсійö сьылысь «артист» дорас сибöдча, а тэ веськöдчы яг дорöдыс.

Федя сулалыштис места вылас, кывзысьыштис. Асья сынöдас бара вундісны вöрсö лыйём шыяс. Нюр дорын сьылысь дозмөр здук кежлö и ланьтліс тöдтём гор кылём бöрын, сэсся заводитис бара.

— Вай, другö, тырмас,— скöра шуис инженерлы Коснырев öтлаасьём бöрын.— Колö и мукöдлы кольны. Тэ жö нимкодьясны сöмын көсийлін...

Мöдыс нинём эз вочавидз, скöрысь кутис көртавлыны нопсö.

Бöрсö лэччигөн чуймöдіс лёк шорыс. Ваыс помсьöма, туöма да паськыдкодь ты лоöма. «Медтыкö ваыс кабинаас эз пыр, моторас эз веськав»,— думайтис Федя тракторсö шорас веськöдігөн. Эз на воны шöрвыйöдз, кызди гусеница-яс кутисны муткыртны-гудыртны сөника васö. Лоис бöрынтьчыны.

— Вудж мöдарас,— шыасис Коснырев орччөн пукалысь Ракин дорö.— Бергöда тракторсö мышкөн, лебёдка отсöгтөг нинём оз артмы. Домалан троссö со эсійö козьяс.

Кор тросыс кымыныськö гартовтчис мышывьса барабанö да зэлаліс струна моз, мöдіс лыбны тракторлөн водзладорыс, быттьö ыджыд-ыджыд воронöй вöв сувтис кыккок-йыв, а места вывсьыс эз вөрзы. Сутуга гез зэлаліс и зэлаліс. Ведра кызта коз дрöгнитис, ратшкакылыштис, сэсся каджитчисны-орисны сөньясыс. Усис быттьö лэчыд черөн сötём вöсньыдик пожём, быттьö коса улын веж турун. Трос личаліс, трактор ещö на пыдöджык шнөпкысис ваас, сук руөн тыртліс гөгөр, ватш-ватшөн булькөдчис сьлөн гырк пытшкыс. Лоыс петіс: кымыныськö несійём бöрын лөнис.

Кыв ни джын шутөг воисны подён мастерскöй унасто-кöдз.

— Федя, эн сюрöдчы син улас, кытчöдз оз кöдзав, юртö кералас,— первой паньдасис котлопунктса лусьысь.— Но и котраліс жö мастераыд, мöд бригадаысь öд тракторсö ва-йöдисны. Наперво думайтисны — гусялöмабсь нö, кытчöдз эз тöдмавны. Кыдз нö тэ сідзи: юасьтөг-висьтасьтөг...

Эз на удит нывбаба помавны висьтсö, мастераыд быттьö сэни и вöлöма.

— Тэнад тані мый?!— водз чуньнас зутшкис сійö Федя-лы кымöсас.— Пöим али пилипызь? Йöз юрöн олан, армия прöйдитöм морт. Вöлін кö менам пи — кули кучиктö...

Федя сулаліс кулöма нисьö ловья. «Мый нö нинöм оз шу инженерыс, начальникöн висьтасис, ас вылö пö ставсö босьта, мыйкö лоас кö»,— мөвпаліс тракторист, а ачыс лё-кысла да шогысла дась вöлі бөрддзыны.

## ПЕРК ЕГОР

Миян грездын унаён новлöдлöны вöрса пемöсьяслысь да пöткаяслысь прöзвищяс. Эмось Сизьяс да Сюзьяс, Ручьяс, Кöиньяс да Ошьяс. Весиг Шыр Иван эм. Эз, дерт, весьшөрö татшöм нимьясыс кövьясьны. Босьтам кöть Перк Ёгорс.

Во кызь сайын тайö вöлöма. Ыджыд вужлядорса лэчкö, вöлөмкö, пыр шедö сьöла, но Ёгор киö некор оз сюрлы. Лок-тас — пасьтала гөн. Пöткалөн лы-кучикыс сöмын кольöма. Тöдö: кыз юра перк дöзмöдчö, быд прöйдитіг аддзылö сійöс, шытөг пуысь пуö шунькьялö-лэбалö, мукöд дырйи быттьö нарошнö эльтчö — неылö пуксяс да мисьтöма шыалö, пов-зьöдчö. Но вöчны нинöм. Лэч туйöд Ёгор ветлöдлö ружь-төг. Сэсся сёрья лэч вöчис. Шедас кö сьöлаыс, мед öшьяс да довьялö, сэк, гашкö, аслыс прöмысыс сюрас. Но и тайö эз отсав. Перк быттьö самасьöма гыжьяснас кыйдöсас, заб-йö-кокалö. Сьöла морöссьыс став яйсö перьялöма, куш кор-паыс öшалö. Отчыд весиг голясö сизьдöма-орöдöма, сэсся муас пируйтöма.

Но быдторлы коркö волö пом. Паньда сюрини син на син и Ёгор да перк. Пакöститчысьыд ачыс дзугсьöма лэч-кас кокнас, сійөн и ловйөн кольöма.

— Но мый кутам вöчны, нöш юр,— мортлысь моз юалö Ёгор. А ачыс мынтöдö дзугсьыс водзсасьысь лэбачöс.— Тшöтшкорта ныртö йöз йöрти ветлысьлы.

Мортыс дыр оз падъяв, мынтодас тасма костсыс ичотик лэчыд чер, копыртчас мырлань да тяпнитас-керыштас. Но ловъя ловтö кутігөн, тыдалö, кыс неуна дзöрыштöма: шуйга кисыс пев помыс воддза кусынтчанінöдз торъялас, усяс мыр дорö. Кабырыд пыр жö разьсяс, перк жбыркнигас лэбзяс пинясигтыр.

Сэксянь и нимтöны мужиктö Перк Ёгорөн.

## ОШПИЯН

Долыд ошпиянлы важ керас вылын. Вöр кыскалан туй турунсялöма, небыд быглясьны. Қыккоккйыв сувтласны паныд пурсьысь понъяс моз. То öтиыс улас веськавлас, то мöдыс. Некод оз ырыштчы на вылö, мый кöть вöчасны, некод шошаöдыс оз малышт — мамыс абу. Овлö: кольлö пайöс öтнассö, торйөн нин öнi, кор быдмыштісны.

Керас помланьын кутіс кывны кутшöмкö жургöм. Ошпиян юалана чöвтлісны синъяссö öта-мöд вылас: мый пö татшöмыс, мый колö вöчны. Некодныс стöч оз тöдны. Чепöсийсны öтка кызланы, шуркнитісны öти здукөн пу вожаланінöдз. Тöдса татшöм уджыс налы. Сэсянь и аддзисны на дорö матыстчысь мыйкö ыджыдöс, сьöдöс, лөз тшын гөгыльясөн пöлясьысьöс. Весиг пуыс чорыда гыпкөмсьыс тирзьыштіс.

Энь ош пиянсьыс водзджык кыліс тракторлысь эргöмсö, но первойсö пыдди эз пукты. Сылөн пельясöдз шоч лун эз волы татшöм шыыс. А кор гөгөрвоис, мый йиркөдöмыс кылö буретш сійö местаас, кытчö челядьсö колис, уськөдчис мый вынсьыс, но вöлі сёр нин: трактор сулаліс кыз дорын, кыкөн шенасисны пу улас беддён, тыдалö, көсийсны судзöдны сылысь пиянсö. Кор нинöм эз артмы, ошпиянөс лэдзисны мöд ног: трактор кымыныськö зургис нырнас пуö, муртса вужьяснас эз путкыльт. Ошпиян искөвтисны увланы, кызлысь еджыд кырсьсö парсалігтыр.

Öнi сöмын энь ош воис тырвийö садяс, лöмторйыс вөрзьöдіс сьölöмсö, пузьöдіс вирсö, пиянсö гуисны син водзсьыс. Уськөдчис коз-понöль сайысь, нёрөм кыз дорын несйштіс мусö да вöлись уськөдчис трактор бөрся. Нем эз сулав сійöс суöдны, эз пов и сылөн гыпкөмысь, но кор нырас кучкис тшыксöм сынöдыс, несйöдіс чорыда, бокö чеччыштіс. Быдтысигьясас выныс да ёсь гыжъясыс мездылісны. А öнi? Мыйкö дыра кажöдіс-муніс орччөн тракторкөд, кымыныськö весиг панөвтліс. Дерт, аддзывтöг эз овны сылысь

шыбласьомсё пыткас пукалысьясыс, сійон и содтисны му-  
нан ёдсё. Ётчыд эськё мышсяныыс малыштис лапанас ка-  
бинасё, но гыжъясыс зялькнитисны чорыдас, эз мёрччыны.  
Скёр йывсьыс резыштис шап кодъ сук дулльон. Йёз оланін  
тыдовтчём бёрын ошлы лон кольчыны вёр дорё.

Войыс кодзула. Гашкё, нельёдысь нин ош-мам кытшов-  
тё посёлоксё, некыдз оз слёймы сибёдчыны шёрланьыс: то  
ёдзёс дзуркнитём торкас, то пон тявёстас матын. Асьядо-  
рыс нин исасигтыр веськёдчис кык потшёс костёд, тёдис —  
войыс помасьё, сійон и смелмёдчис. Юрсё вывлань чатёрт-  
лё, исалё сынёдсё, оз-ё тёлыс тёдса дук вай. Вуджёр моз  
ветлё, весиг кок шыыс аслыс оз кыв. Ньюждчылёмон чур-  
гёдліс нырсё ичотник ёшинь розьёд — муртса весьё эз пёр:  
кутшёмкё ловья лов шкоркнитис-рукостис, лон бёрынштчы-  
ны. Сэки и кыліс неылысь киньгём шыяс. Ещё на ёнджыка  
видзчысьёмон локтис пёвъясысь вёчём чом дорё. Ёні нин  
пияныс вёліны орччён, сёмын пазёд нэриник пёвъяссё и  
сывйышт челядтьё. Но опытной зверь эз кут нетшкыны  
пёвъяссё, увтыс гарйис мусё. Сёмын ётчыд мурёстис  
негораа пыткас вийсьысыяс вылё: ёвсьылё пё, бёбъяс,  
виччысльёй. Ёні сійё нёти эз мыжав найёс, ёд ачыс велёд-  
ліс пуас кавшасьнысё.

Кор ошъяс сюгйисны вёрлань, пуяс костёд шонді койис  
гёрд би киньяс. Сійё жё луннас кумнаншыс вуджисны мёд  
ягё.

## КОДИ ЁНДЖЫК

Ми воккёд отиуск чёж Вадыб туйтё кёйялім-ветлім.  
Кузь гожея лун чёжнад кымынысь лэччылан да кайлан  
крут кыръястё. Пёсьыд киссьё, вёраиньяс вуджигён дзуг-  
сьоны вугыръяс. А номыс — кымёрон койё. Рытнас чужё-  
мыд да киясыд няйтсьыс да вирсьыс кормомаось. Но та-  
тшём мудзыс эз дёзмёд миянёс, мёдарё, нимкодълун вайис.

Талун ме ышёдї вокёс лэччывны шор вомё. Мися, нинём  
лысвасё куравны. Шорыс петё ыджыд тысянь, да тані пыр-  
джык черныс сулалё, тыдалё, ва визув вайё кутшёмсюрё  
ёгъяс да гагъяс. Вуграсянін лёсьыд: пыдын, берег пёлён  
эжёр быдмё. Тёдчис, йёз татысь омёля вешйылё: берег дор  
буракодъ лойёма сапёга кокъясён, некымын важ бипур,  
шыблалёмны вугыршатыяс да нидзув дозъяс.

Кадыс водз на. Асыввылыс гёрдёдёма. Лёзоват ру  
гывкъяліс ю да видзьяс вылын. Лёнь. Тыбокса кузь турун

пнын гетшкис кутшөмкө войся лэбач. Ва вылын, көнсюрө, паськалісны кытшъяс — ворсіс посни чери.

Сюся лөсьөдім вугыръяс, сьöлышталім нидзувъяссө да чөвталім турунъяс дорө. Первойя чөвтөмнас вок лэптис ми-чакодъ мык, сэсся сынпи. Мем сюри жö ляпа да ёкыш. «Сейö горша, тыдалö, зэр водзын»,— гусьон висьтала вок-лы. А сійö лэпталö и лэпталö. Туис вевтö вöчöма розъ да сэтi сюялö кыйдөссө.

Эг и казявлö, кыдзи шондi здукөн чеччыштіс пуяс вылö. Кузь козъя вөрсянь кыліс көклөн гөлөс. Посни лэбачьяс дзольгисны-сьылісны матысса бадъ кустъясын. Видз дзир-даліс лысваөн. Чери мөдіс сейны омөльджыка.

Вок шочиника лэпталіс кельчияс, а ме дыркодъ нин вöлі видзöда нейджыд варышлөн ва дорын аслысногөн ноксьөм вылö: то сійö лыбөдчылас вылö, то пуксьылас нөрөвтчөм бадъ увйö, то шывкнитас дзик ва веркөсті. Мый ськөд лоöма? Кодөс корсьö-кыйөдö? Посни лэбачьяс важөн нин вöлі дзебсьөмны.

— Лэпты! Мый нö баръялан!— горөдіс вок.— Табйыд со ва паныд тьювö!— Но буретш сійö кадö бадъяс дорсянь кыліс пель поткөдана чирзөм. Кыкнанным бергөдчим сы-лань. Варыш пукаліс ва вылын да мый вынсьыс швачкөдіс бордъяснас, зілис кыпөдчыны, но эз вермы. Сэсся и суніс ачыс.

— Сідз сійөс, сідз!— горзіс вок. Сэсся здук кежлö ва-рыш бара петкөдчыліс ваысь, өвтчис бордъяснас да гораа чирзіс. Кутшөмкө төдтөм вын кыскис сійөс йирö. Сөмын ичөтик гөгрөс гыяс паськалісны ва вылын.

— Мый тайö?— юала воклысь. Аддзылін пö тай мый. Тыдалö, варышыс не этшаысь нин тан чөсмасьлөма сир-пиясөн, да öні со эз артышт асьыс вынъяссө. Ыджыд сир веськалөма, вот и асьсö кыскис. Крукыля гыжъяссө пыдö суйөма, весиг бөрсö кыскыштны эз вермы.

## ТУРИ ЙӨКТӨ

Видзьяс вöлі весалам тувсов ваөн вайөм лөп-ёгысь. Гортсянь ылын да сэн и узылім турунасян керкаын. Водз асылö пыжөс веськөді куръя вомö. Катыд нюрлань, көні, висьталөмъяс серти, казявлөмны турияслысь йөктөмсö. Ва-ыс ыджыд, көдж вомөн веськыда визувтö, нуö пыжөс сын-тöгыс.

Бадъ сайсянь казялі — полөкалö моз кодкө шевкйысьö



куръя йылас. Ай тури асьсё песё, быттьö балерун сцена вылын. Чеччыштлас вывлань, кузь голя помсьыс юрсö ляс-кылас мыш вылас, лажыньтчылас то öти кок вылас, то мöд вылас, то кыкнан вылас друг. Мулань голясö лэдзлас мегырö нюкыльтöмөн. Сэсся друг бергавны мөдас места вылас, быттьö дурпоп. Бордъяссö аньбордъяс моз шевгöдлас, пашкыртлас пач лыс кодь бөжсö, кузь сiясыс сэк уна рөмөн дзирдыштасны шондi водзын. Сэсся, тыдалö, мудзас да, мед ловсö öлöдыштны, мөдас тшапа осьлавны бөрö-водзö кокъяссö вылö шыблалöмөн.

— Но и артист! — шензя, — кужö тай, оз ков и велöдны. Дерт, зильö тадзисö пöдруга водзас, энть тури водзас, медым петкöдлыны — со пö ме кутшöм мича да мастер. Но пöлыс сулалö вөр дорас да шоча видзöдлö йöктысь вылö, мыйкö гурйысис-перйысис вомсьыс, пидзöс вевдорöдзыс гөнтöм коксö юр весьтас лэптöмөн. Сэсся мөдöдчис нюр шөрлань. Айыс сы бөрся жö веськöдчис. Но мунiгас бара на петкöд-лис асьсö: то ордйöдлас водзын мунысьöс вутшкысь-вутшкö чеччалöмөн, то паськöдлас да бөр шымыртас бордъяссö. Талун асыв, тыдалö, виччысис нин пöдругаыслысь воча кыв. Гозйөн овмөдчöм йылысь. Либö бара на ковмас йöк-тыны! Локтан асылö?..

## КРУЖКА ОЗ

Наталь баб олö öтнас. Керкаыс сылөн сикт помын, тор-йöнджык мукöдъясысь. Гажа лунъяс пуксьöм бöрын сийö пукалö кильчö вылас, видзöдö кымынкö лун сайын кыптöм дöра кар вылö. «Йöзыслөн со удитöмны чукöртчыны, шойч-чöны, а мян пыр на эз локны. — Тадзи сийö сёрнитö внукъяс йывсьыс, кодъяс быд гожöм колльöдöны сы дорын. — Вид-дзыс со мөдiс серавны дзоридзясөн, ю матын и. Көсьян — купайтчы, көсьян — вугрась. И пуктасьяс град йöрын кись-мöны». Мукöд асылын потшöс вылö öшйöмөн дыр видзö-дас, кызни ловзьö дöра карыс тутöстөм шыö. Сувтасны че-лядь радөн-радөн, шенасясны кияснас, кокъяснас, уськöд-часны ва дорö мыссьыны. Рад синъясөн баб колльöдö найöс керка дортiыс прöйдитiгөн: дзик ставыс öткодьöсь, лөз чиб-льöг шапкааöсь, сьылöны.

Гриша Спиринос капуста весаланiнысь талун лэдзисны водзджык — отсасьны пусьысьяслы, новлыны ва. Лагерö воигөн сийö казялис Наталь баб йöрысь Ермакös. Тайö вöли

скөр козёл, бөжсө торгөдөма агас пинь моз, тошкыс дзөрө, ачыс прыссьө-сьоласьө тшапа восьлалігөн. Горт төдтөм пемөс, лун-лун шөйтө уличьяс кузя, кытчө вой суас, сэн и узьлө. Няйт-бус пуксьөм вөсна бокьясыс гөрд сөй рөма лоөмаось. Оні вожасьөма оз град вылө, няшйөмөн няшйө, быттө нэмыс на абу сөйлөма. А баблөн кильчө өдзөсас карнан — абу гортас. И матын некод оз тыдав.

Детинка босьтис керка пельөсысь льөм пу бөдь, вуджис забор вомөн. Мукөд дырйн кө, дерт, козёл эз повзы ичөт мортысь. Не өтчыдысь колльөдліс челядь котырөс, кытчөдз потшөсьяс вылө оз кавшасыны. Сійөс и виччысь — дізьгас-люкыштас кок йывсьыд усьтөдз. Лөк поньясысь и то эз бөрынтьчыв. Но, тыдалө, мышкунас бура төдіс бөдьлысь көрсө. Мисьтөма видзөдліс сы дорө воысь вылө, мөдіс гөгравны забор пөлөн.

— Пет, кыті пырнн, ад горш!— вөтлысигас Гриша шенасис бөдьөн. Но мудер да наян скөтина йөз син водзын эз көсйи эрдөдны гусьөн ветлан туйсө. Юрсө чатөртлөмөн мурталіс потшөслысь судтасө: вермас-ө выныштчөмөн вөдчыны мөдарөдз. Сэсся места вылас крута бергөдчис, пыркнитіс зудөс кодь тошнас да чорыдінө шыбитөм мач моз торйөдчис муысь, вывлань шыбитчис. Ки пасьта керка мөдөд пөв вылө лепитчис нельнан кокнас. Мөдысь выныштчис, медым лэбыштны забор вомөн. Но ставыс эз артмы көсйөм серти: выныс ли, пельклуныс ли эз тырмы, а, гашкө, кокьяссө эз вевъяв топөдны кынөм бердас — шнөпкысис гатшөн град костө, мисьтөмка бөкөстис мисьтөм гөлөсөн.

— Пет, кыті пырнн, йөр куштысь!— Гриша калекөбтис Ермаклы бөдьнас. Мөдыс сувтис тэрмасьтөг, пыркнитис высьыс мусө, неуна муныштөм бөрын юнас тойыштис өти пөв, коді вөлі вешласьө калич моз, болькнитис ортсьө, быттө нинөм абу и вөлөма, мөдөдчис сикт шөрлань.

Рытгорув. Пионерскөй отрядлөн репетиция. Кытшөн нукалысьяс дорө матыстчис Наталь баб, киас оз тыра кружка. «Велаліс кө, орөдас тайө мисьтөм скөтинаыс,— броткөдчис вомгорулас.— Ирсяныс кө эз вөв, бесьясыс кыскөны град йөрө. Сутш кежлө и лавкаө ветлі, сусед баб висьталө: лөз чибльөга зонка пө вөтліс, сутуга торйөн пө гартис пөвсө. Дерт, тіян пытшкысь»,— пөрысь морт кытшовтис синьяснас челядьөс, да кысь төдан — эз өд аддзыв ачыс, сійө и некод эз шыась юалөм вылө. Сэки сувтис Спирин:

— Тані абу ставөнөсь, кыкөн йөвла мунісны дворө. Воасы — висьталам. А озсьыд, баб, аттьө, чайөн юам...

## ГИЖАН УРОК ВЫЛЫН

Саша Сирвойтовлөн луныс заводитчис бура. Первой урок вылын гортö сетлөм уджысь пуктисны «пять». Ошыбкатог висьталіс и кывбурьяс гижанног йылысь. Велөдысь ошкис: көсьяс кө пö Сашаыд, вермас бура велөдчыны, сөмын пö тай тэрмасьом пондаыс мукөд дырйи гижас сэтшөмтор, мый ачыс оз гөгөрво.

Бөръя парта сайын Саша пукалө өтнас. Кор гижан урок вылын сетисны вöчны ашöр удж, восьтис тетрадьсö, пасйис талуныя лунсö, но гижны эз на кутчысь. Сьölөмсö гудрالیс мөдтор: гортса уджсö төрыт эз вöчлы математикаысь.

Классын чөв, гут кө лэбзяс — кылан. Сöмын дзуртышталісны ручкаяс, кадысь кадö кодкө кызöктышталіс нырнас. Велөдысь пызан сайын мыйкө пасьяліс журналö. Мед некод оз казаяв, Саша перйис сумкасыс задачник да тетрадь. Сідзи и эм: лист бок вылас гижöма сöмын задача да пример номерьяссö. «Первой урок вылын кө юалісны,— думыштіс сійö,— быд вылын кутасны. Пыр на сідзи вöвлі, важысянь нин приметитлі».

Коми кыв кузя гортса уджсö вöчис тэрмасьтөг. Зильöмыс эз вош: весиг гөрдөн «б»-сö Мария Ивановна пасйис. Кымынкö на и эм татшөм бур оценкаыс таво.

А төрыт со ылавліс, школа бöрын сумкасö сöмын на удитис пуктыны гортас, локтисны корны хоккейöн ворсны. Кыдз нö öткажитчан, öд Саша абу кутшөмкө запаснöй ворсысь, сійö вратарь. А воротатö гурйив он эновт, ворсöмыс кө дыр эз помась. Ена сёрмисны, кодсюрöс мамьясыс вöлісны корсны. Торйөн нин öбиднö, ворсенсны да. И ворсенсны öд 3 «б»-лы. Татшөмторйыд эз на вöвлы.

Рытнас эськө и пуксьыліс жö пызан сайö, но мудзөм бöрад регыд и мөдіс вугравны, ворссьөм бöрад юрас нинöм эз пыр. Шуис вöчны асывнас. Но рөкыд вылө узьсис.

Саша бара видзөдліс гөгөр, лөсьөдіс задачниксö пидзөсьяс вылас, мөдіс артасыны. «Нинöм, гижанторсö гортын вöча, некытчö сійö оз пышйы,— мөвпаліс Сирвойтов,— а математикаысь кө уджыс оз ло — стöч «2» курышта. Мария Ивановна оз терпит, абу кө гортса уджыд, ещö мый дыра на кутас казтьывлыны...». Зонка сэтшöма ылаліс мөд уджөн, мый нинöм эз кыв, некодос эз аддзы. Примерьяс сетчисны кокпна, кутчысис кроликьяс йылысь задача дорö. А классын сэк кості прöверайтисны нин сетлөм удж. Саша дрөгмуніс, кор велөдысь чукөстіс сійöс, быттö виччысьтөг садьмис узянінысь.

— Отсышт, Сирвойтов, а то Ваняыс джёмдіс, Висьтав, кыдзи тэнад артмис.

Саша сувтіс, некод вылө видзөдлытөг гораа лыддис арталөм задачасө:

— Отлаын лоө дас көкъямыс кролик, стөча лөсяліс өтветыскөд.

Челядь серөктісны, велөдысь шөйөвошис, нинөм оз гө-гөрво. А кор матыстчис бөръя парта дорө, юөртіс ставлы кывмөн:

— Сирвойтов тай, челядь, миянөс ставнымөс кольөма, асьсө мөд, математика урок вылын нин чайтө... Но мыйла-кө вөчө гортса удж.

Зонка көйсис мыйкө шуны, но триньөбтіс звөнок. Челядь гузьгысисны классысь, гораа вензисны.

Саша колис өтнас. Регыд помасьяс перемена, а сійө лэдзчысьөма морөснас парта вылө, юрсө кыпөдны вылө-джык оз лысьт.

Колө жө лоны тадзи.

## ЛЫЖИ ГОЗ

Витөд классын велөдчигөн Славик Гудырев чорыда висьмыліс, во джын школаө эз ветлы. Но өртъясыс эз энотны: волывлісны первой больничаө, сэсся гортас, лыддысисны и артасисны өтлаын. Сійөн и эз кольччы тшөтшъя-ясысь. А бурдөм бөрын врачьяс тшөктісны ёнджыка занимайтчыны физкультураөн. Славик сувтіс лыжи вылө, унджык прөст кадсө кутіс коллявны ывла вылын. И эз кут нёрпавны. Бөръя кык вонас сійө сэтшөма нюжаліс да ёнмис, мый классын лон ставсыс ыджыдджыкөн. А өні эз торъяв дасөд во велөдчысьясысь, көть ачыс көкъямысөд классын на. Посни челядь кежөны бокө, вежавидзөмөн колльөдөны синъяснас. И оз весьшөрө: Славик — лыжи кузя школаса чемпион.

Талун со бара ордысьөмьяс. Старт вылын Славик асьсө почувствуйтіс спокойнөя — абу первойысь. Среднөй школаясысь челядьөс төдіс бура, эз этшаысь паныдасылы накөд тайө лыжня вылас. А восьмилетнөй школаясса лыжникьясысь эз пов, найө эзджык нимапны.

Со и старт. Кузя йөткыштчис кыкнан бедьнас, мед регыдджык петны йөз кытшысь, вөля сетны мускульясыслы.

— Славик! Тэджык, тэджык,— лыжи туй өтар-мөдарөд южмөм лым вывті горзігтыр мыйкө дыра вөтчисны төдса челядь, өвтчисны княснас.

Котӱртысьясӱс лӱдзалисны сьӱрсьӱн-бӱрсьӱн ӱта-мӱд-сьыныс нейджд кадколаст мысти. Талун чукӱртчисны районса школаясыс лыжиӱн медбура ветлысьяс. Ордйысьӱмъяс петкӱдласны, кодъяс на пиыс каникулъяс дырйи мунасны республиканскӱй ордйысьӱмъяс вылӱ. Сийӱ и сӱтшӱм кыпыд тани, чукӱртчӱмаӱс челядь и гырысьяс. Юргӱ музыка, шпорӱдчӱны флагъяс.

Зыкыс эз на удит лӱнны, а йӱз пыштӱ тӱвзис нин мӱд, руд шапкаа зонка, кыӱм лӱз дӱрӱм морӱсас и мышкас гырыс номеръяс. Кутшӱм школаяс — зык вӱснаыс эз позь гӱгӱрвоньсӱ. Кыр кайӱм бӱрын лызнича вошлӱс шор гуранӱ. Сийӱс вуджигӱн мунысьяс саявлӱсны синъяс водзыс, сӱсся мыйкӱ дыра кезлӱ бара тыдовтчылӱсны вӱрӱ пыртӱдз.

Вит километр ылнаӱ котӱртысьяс вӱлины кызьӱн кымын. Кодлыкӱ, дерт, вичмас бӱръя места, сытӱг оз овлы. Но мунысьяс пуктӱсны став вынсӱ, сямлунсӱ, медым петны водзӱ.

Славик котӱртіс кокнна. Туй асланыс школалӱн. Тӱдӱ, кытӱ босьтны вынӱн, а кӱнӱ шойччӱдыштны асьтӱ — исквтны чой горув. Оз прӱста шуны: гортад пӱ и стенъясыд отсалӱны. И мазьсӱ физкультура велӱдыс кужӱма бӱрйыны: лыжиныс бӱрвывсӱ ньӱти оз вольскы. Сийӱ эскис аслыс, надейтчис котӱртны медся бура. ӱд мыйтаӱн сы понда «ви-сьӱны». И тайӱ ещӱ на ышӱдӱс, содтӱс вынсӱ да мунап ӱдсӱ.

— Туй,— торкис Славиклыс мӱвпъяссӱ мышсяныыс кылыс негора гӱлӱс. Тайӱ лоис сӱтшӱм виччысьтӱг, мый эз эскыссы. «Кодӱ удитӱс сӱдны сӱк костӱсӱ?» — визнитӱс юрас. Славик мый вермис, содтӱс ӱдсӱ. Но ӱд помся эбӱстӱ он пыдырт, выныд абу жӱ пыдӱстӱм.

— Туй,— воис пельӱдзыс мӱдыс. Туй сетны, дерт, ковмис. Сы боктӱ шурснитӱс-муниӱс руд шапкаа зонка.

Лӱня Колиповлыс кольӱм тӱлын на казялӱсны чожа ветлӱмсӱ. И таво шоч лун кольлӱ лыжи вылӱ сувтлытӱг. Некымыныс котӱртлӱс нин дас верст. Местаыс налӱн вӱли мылькъяса: лӱччан-каян, каян-лӱччан. Кокъясыд и княсыд лӱтавлӱны. Но Лӱня велалӱс видзны вынсӱ, мед не укшальмыны финишӱ вотӱдз. А тани трассаыс ӱна кокниджык гортса дорсыс. Лӱня джын туяс сӱдӱс чемпионӱс, мыйкӱ дыра муниӱс сы бӱрся. Сӱсся и пановтӱс.

Кӱть кыз эз зӱвт Славик вынъяссӱ, водзын муныс руд шапкаа зонка ылымис и ылымис, со мӱдӱс нин вошласьны пуяс сайӱ. Регыд бӱръя чукыль, сийӱс кытшовтӱм бӱрын лызнича вуджӱ кушин, а сӱсся лӱччӱ кузь кыр горув. Славик ӱнӱ лолалӱс сьӱкыда, морӱссӱ да мышсӱ элӱдӱс ньылӱдӱм дӱрӱмыс, весиг тугъя шапкаыс кажитчис сьӱкыдӱн.

Славик сувтовкерліс, кыйкнитліс бөрө-водзё, өтка по-жём дорын лыжи туй вылысь кежис веськыдвылө. Мисьтём көсйём бокө тойыштіс сійёс: «Весьтасала кытш йывсө тэр-масьтөг, виль вынён уськөдча пановтны «руд шапкасө», Сөмын сы водзё оз ков петкөдчыны...»,— мөвпаліс Гудырев. А кор дзорьялігтыр петіс мөдарсян локтысь лызничавылө, руд шапкаа эз нин тыдав мышкын ни водзын. «Таті нин удитөма кырсьыштны. Нинём, петкөдла на ме сылы: ог кө кушинас, то кыръяс пановта»,— мөвпаліс Славик.

А финиш дорын виччысисны челядь.

— Славик тыдовтчис, Славик!— Нывъяс да зонъяс чой йывсян на төдісны Гудыревөс, уськөдчисны паныд, горзісны:— Первой местаысь призыс — лыжи гоз...

Славик эз аддзы сійёс кытшалысь челядьёс, видзөдла-сыс гөграліс на юръяс вывті, корсис «руд шапкаөс», коді ордйис сійёс дистанция вылын да кодөс сэтнөма «вөтөдіс» джын туйсянныс.

Сэки сөмын сы дорті исковтіс руд шапкааыс. Гьөртөм чужөма, бокыс лымйөсь. «Кызні нө тайө лоис? Мыйкө, буди, лоөма?»— повзис Славик.

— Тэ медся өдйө котөртін, Славик,— сэсся юөртісны судьяяс.

Висьталіс кө Лёня Колипов, гашкө, некод эз эскы, мый сійё ордйис Славикөс. И өні ачыс некыз эз гөгөрво, мыйла веськаліс бөр Гудырев бөрө. Гашкө пө, неладнө мунсис төдтөм лыжня кузяйд...

А Гудырев муртса и кутыштіс киас призсө — виль лыжи гоз. Юрыс быдсөн бергөдчис яндзимысла стройын сулалігөн. Сэсся дыр думайттөг воськовтіс Лёнялань.

— Меным кажитчө медся тэрыба котөртін тэ, судьяясдыд вермисны сорласьны. Призыс тэнад.

Лёня Колипов гөгөрвоис ставсө, сюся видзөдліс Гудырев синъясө да сөмын нюмдыштіс.

## МЫЖА МОРТ

Операция бөрын менам дыр узьсьөма. Кор вон садьө, пыр на бергөдчис юрөй, быттьө кольмөм бөрын, синъяс водзысь путкыльтчөны стен и пөтөлөк, косьмөма вом пытшкөй. Судзөдчи тумбочка вылын ва тыра графинлань, по кодкө кутіс киөд. Оз на пө позь. Орчча крөвать асывнас на вөлі тыртөм, а өні еджыд халата нывбаба ичөт кагаөс моз паньөдіс сэні пукалысь ар ветымына мужичөйөс. Сёрнисө

налысь эг гөгөрво, сөмын казялі мужичөйлысь пидзөсьяс вылас пуктөм княссө. Найö вöліны боксёрлөн кодьось — еджыд кепысяось. Аскинас Николай Куранов (сідз шуисны выль воысьос) висьтасис, кыз да мый сыкод лоöма.

— Отпускала тайö каднас быд во. Понкод шлөнъялам вöрти. Сентябрь пом со, а поводдяыс таво,— Николай чөвтліс синъяссө öшиньянъ,— кыз шуласны, вый войталö. Тöрыт босьті ружье, чер да чукöсті Шарикöс.

Вöрыс мича, став рөмнас шонді водзын пöртмасьö. Пуясысь кышакылгтыр киссьöны корьяс. Пон увтөм шы улö татшөм поводдянад кокныд сибöдчыны пöтка дорö. Кытшовтім Кузь тыла дорті — Шарик вом эз востылы. Эг кывлы борд шы. «Кос пöранад пöткаяс, тыдалö, нюрьяс да егырьяс дорö сетчöмаось»,— мөвпала мунигмоз.

Паныда төв ылісянь на вайис сотчөм лыс дук. Петі востсаинö, аддзи — верöтыяс ставнас ойдöма тшынөн да биөн. Керас вылын лыс чукөрьяс чажакывмөн косьмöмаось гожөмбыдөн. Сійöс и нярьялө-сотö бныс, муөдзыс нюлө нитшсö.

Друг нюр дорсянь кыліс менам понлөн төдтөм морт вылө лёкысь увтөм. Сэссия сійö чукөсттөг локтіс ме дінö, люньгөдöма бөжсö, нырсö вывланъ чургөдөмөн пораа омлялө. Нелюкитö, көть кывтөм пемөс, а казялө жö.

Неуна муныштөм бöрын тыдовтчис ачыс уджалысьыс. Öтарö-мөдарö шыблассö тшын пытшкын. Вурдов — төді кусөдчысьöс. Паша чөвтліс ме вылө повзьөм синъяссө, чужöмыс крестасьлöма са сора ньылөм визьясөн.

Пөрөдчысьяс, вөлөмкө, абу удитöмаось нуны бур туйөн керьяссö. Найö чинталасны вöрсö, чукөртасны керьяссö. Код төдас, дыр-ö эськө оліс керасыс весавтөг, но мастер дінö крукасьöма лесничöй. Кык лунъя срокөн тшөктöма идравны керассö. Паша Вурдов первой веськалас мастерлы синьяс улас. Сійöс и мөдөдас. Пасьтала пö нюр, билы воштысьны некытчö. Чукөрт пö лыссö да сот. Мортыд öзтас козлыстö да вöля сетас билы. Первойысь татшөм удж вылас да, юрас абу воöма, мый жуг кодь кос лыс да нитш кузя вермас водзö муны бныс.

Уськөдчи отсасыны, нитшсö кульны. Ошьяс моз парсийсыам. Пув да чөд корья местаті нитшкыс омöля сетчö, лои первой пузйыны вужьяссö черөн. Чунь помьяс доймалöны, кучикыс кульсьö, сэтысь петö вир. Но сыөдз-ö? Пыр водзö и водзö кодьям бөрөзда. Но би оз сетчы, вуджö выльлаö. Уськөдчылам сэтчö. Видзам кер бунтыяс. Öд гожөм чөжөн төлалөм керьяс дорö кө кутчыяс бныс, найö кутасны ломавны нодья моз. А мый вöчан кыкөннад. Пашаос мөдөді

посёлокө. Тэ, мися, томджык, котөрт, а ме кутчыся отсөг вотөдз. Чинө и чинө вынөй, тшын-чадыс да ньылөм сёйоны синъясөс, өдва сулала кок йылын. Ог төд, дыр-ө нокси-песи. Садьө вои көдзыд ваөн киськалөмысь. Ме дінын сула-лөны морт дас. Паша көмтөгыс котөртлөма дас верст.

Николай ещө на көйсис содтыны мыйкө, но өдзөс дзурк-нитөм торкис сійөс. Жырийө пырис шөркодь тушаа том морт. Шуйга килутшсө бинтөн жө төбөма. Зонлөн веськыд кнас тубрастор.

— Ме вөсна татчө веськаліс,— шыасис зон да индіс орчча крөвать вылө, а сэсся жугыля содтіс:— Код төдас, мый вермис лоны. Эз кө веськав сійө, вөрыс лыбис тшын-йылө.

Вежон-мөд мысти найө, ёртъяс моз кутчысьөмөн, петісы больничаясь. Палатаын лонс гажтөмджык. Кокньө-дыштөм бөрын ме вөзйыси гортө.

## ВОЧААСЬЛӨМ

Гожөм шөр. Чөдлач вөлі буретш кисьмөма. Шойччан луно семьяөн лөсьөдчим пес вөчны. Кор гортусь петім, шонді вөлі лыбөдчөма нин пуяс вылө, но асья төвру ыркө-діс на. Ластаа да нитшка вөр туйөд мунны лөсьыд, весиг кок шыяс оз кывны. Челядь водзынөсь, мунигмоз шыбла-лөны воманыс вотөс тусьяс. Ми гөтыркөд кольччыштөма-өсь, тэрмасьтөг вөслалам, тыр морөсөн лолалам сир дука чөскыд сынөднас. Вөр садьмөма, пуысь пуө жбыръялөны виж морөса пыстаяс. Туй өтар-мөдарын кыліс вотчысьяс-лөн шочиника укйөдлөм, а водзынджык мисьтөмика кра-взісны ракаяс, голькйөдлісны кырнышъяс.

Сёрнитгсор гоньяла пуяс вылө: мед эськө матынджык вөлі пессө петкөдлыны туй вылө. Со ситуруна нөрыстор. Челядь водзынөсь, оз нин тыдавын. Виччысьтөг гөтыр пов-зьөм чирөм гөлөсөн горөдіс: «Өндрей! Ош! Мышкад!» Бер-гөдчигмоз гөтырлы тувкниті бокас, мед өдйөджык бөрынть-час.

Воськов дас сайын, вьльөн лэптөм гөрд лыа чукөр вы-лын, куйліс ош, видзөдіс ме вылө. Пыр на син водзын, кызд здукөн сувтіс нельнан кок йылас, кымыныськө воськовтіс мелань да лыбөдчис кыккокйыв. Гөнсө пошкыртөма. Воддза кок гыжъяснас зильөдіс-ворсіс сикөтш мольясөн моз. Вом-сьыс резіс-петіс шап кодь быг. Гөгөрвои: ошкыс пөрысь, пель доръясыс дзорөсь, бөръя кокъясас гөныс гынмөма.



Юалан: «Повзи-ө?» Повзыны вөлі некор и воштысьны некытцө. Водзын — челядь, бөрын — гөтыр, а кык-куим воськов сайын сулалө ош. Юрөд ньөв моз котөртисны жө мөвпъяс: мыйла сійө эз пышйы, мыйла ме вылө воө? Од ош первойон некор оз уськөдчы морт вылө, он кө сійөс дойд либө кутшөмкө лектор вөч. Пяна ошкыд тай повзьөд-чылө...

Чернад да пуртнад вөлі кужа вөдитчыны гортса пемөсь-яскөд, но такөд?! Талөн бөрынтьчөм мөвпъяс эз вөвны. Мөдарө, синъясыс койисны лөг би киньяс. Сэки, дерт, ме эг төд, мый лун-мөд сайын кувсьөма колхозной вөв да сылысь шойсө гуалөмны тайө вөр туй бокас. Ош кылөма дуксө, перйөма гуысь да уднтөма нин прамөя вильөдчыны.

Зверь эскис аслас вын да гыжъяс вылө. Мый пө сылы мортыд? Ещө повзян кө да шайпаймунан — шымыртас да пыркинтас лы-сьөмтө. Кутшөмкө здук ми сулалім воча. Юр вылын кута черөс, кияс черпусянь кутисны вазыны. Сэсса казялі, кызди зөвтчөны сылөн сөнъясыс, тіралыштөны мус-кульясыс, төдчымөн пөрыштө мелань. Сэк ме зартышти сылы юрас, кык пель костас. Дерт, эг өні кодь сэки вөв — сюсджык и вынаджык. Эг и төдлы — киөс буракодь жө парсыштөма, туйсө нэм кежлө колис.

Сы бөрын кымынкөд эг паныд сюрлө — зык-шумөдз эг волөй.

## КЫРНЫШЪЯС

Дзик муяс сайысь и кыпөдіс пон көчөс. Сюри. Мөвпала: «Водзө мунам, мыйла кута жмотйөдлыны лунтырсө поп-йып?» Кыйдөсөс лэпті джуджыд мыр йылө, мися, пон кө прөйдитас кодлөнкө, мед оз судз. Вевттышти лапйөн. Туй вывсянь кежанінсө пасйышти.

Час кык-куим и лон вөрти ветлөмыс. Мөдіс шлапкыны ки пыдөс пасьта уль лым, эз кут лэдзны понлы туясынысө. Бөръя пом дзикөдз укшальмис, зөв неокотапырысь мөдіс пыравны бокө, бөр петө өдйөджык, кывсө муөдз өшөдөма.

Быть лоис мөдөдчыны гортлань.

Со и төдса кежанін, тыдовтчис пас. Понйөй дзоргыштіс водзө да содтіс воськовъяссө, тыдалө, мыйкө кыліс. Ме сы бөрся, котөрөн сорөн. Друг дзик синъяс водзысь сьөкыда кыпөдчисны кык ыджыд лэбач, сьөдөсь, быттьө дьөгөдьөн мавтчөмаөсь, волялөны. Кырнышъяс. Гөгралісны юр весь-тын, мисьтөма куркисны. Казялөмаөсь дзөбөм көчтө, кызд-кө лэдзөмаөсь вожа мыр йылысь, джып тушасө сөйөмаөсь.

Сёрми кө неуна, иңдөм эз коль. Ок, сюсь синмаёсь вёрса санитарьясыд.

Водзё сюсьджыкось лоам и ми Лыскокод.

## ОЛОМЫС ВЕЛОДО

Пукала вөлі өтчид мырсянь неылын, шойчча. Эг, дерт, виччысь кайварышөс, сійө ачыс вонс, и эз тыртөг. Қокъяс костас кутіс ичөтик пыстаөс. Тыдалө, ёна тшыгъялома, тэр-масьö. Вомнас нетшкө гөнсө, коді мыр дорө и пуксьö. Кадысь кадө весалө нырсө — ниртыштлө мыр бердө өтарө-мөдарө. А ме ог вөрзөдчы весиг, окота лои помөдз видзөдлыны пажнайтөмсө. А тэрмасьысыд недыр ноксьыштөм бөрын лэбзис, сьөрсьыс нунс кыйдөссө. Вөлөмкө, өтилаын куштысьö, а сөйнысө мөдлаө мунө. Водзө мөдөдчи. Некумынысь воськовті и бокусь чирзөм шыяс кылі. Матыстчи пуяс сайясөд. Вөлөмкө, кайварышыд пнянсө вердө. Пукалө поз дорынас. Медым позсө некод оз казаяв — куштысьö бокин.

Быдөн тай ас ногыс мудеритө-төждысьö, медым быд-тасьяссө сувтөдны кок йылө.

## ВУДЖОДИ

Гожөм шөр. Вуграся пыжсянь. Виччысьтөг лыбис төв, ва веркөсыс мөдіс веравны. Помтөг гөгыльтчисны неыджыд гыяс. Поводдя тшыксис, лонс петны береглянь. Ты шөрсьыс казялі: водзын кывтө мыйкө сувтса таб кодь, и чери быттө дэбөдө-сөйө: вөйыштлас табыс, бөр лыбас. Сыныштчи өнджыка, орччааси, вөлөмкө ур бөж. Зверь юрсө копыртөма ва бердас, көнтусь кодь синьясыс дзуввидзөны, уйө мөдар берегас жө. Бөжсө парус моз чургөдөма вывлань, мед оз көтась. Гыяс чагйөс моз шыблалөны укшаль-мөм ичөтик пемөсөс, сөмын бөж йылыс кольөма косөн. Қөтасяс кө бөжыс ставнас, згинитас ты шөрас. Тыдалө, колля вөр мөдөдөма корсьны, тэрмасьö. Весиг ыджыд тысө абу кытшовтөма, веськыда вуджө. Овлө тай гожөмьясын: сикт шөрөд гузьгөны-мунөны урьяс, сөян корсьөмыс тэрмөдлө.

Жаль лои муса пемөсыс, миянлысь вөрьяс гажөдысьыс. Син водзө сувтис үрлөн вильшасьөмыс, кор сійө биа өгыр

моз визнитас бөрө-водзё шылыд пожом кузя, сөмын кос кырсь кильяс киссьоны увлань...

Чургөді пелысөс урлань. А сійө ёна корөм эз виччысь, звиркнитіс пыжө, пыркнитіс гөнсьыс васө да йөжгыльтчис пыж нырө. Дзоргө-видзөдө ме вылө, некутшөм полөм оз петкөдлы. Мудзөма ёна, пошиктө, гөныс ляскысьөма, ичө-тикөн да омөликөн кажитчө.

Сідз и вуджим тысө. Мыйөн берегдорса кузь туруныс ниртыштіс пыж нырө, «пассажирыд» дзөрыштіс места вылас, чок-чок шуис пинь пырыс да чепөсйис пыжысь. Сідз эг и гөгөрво, мый висьталіс, аттьөаліс али шуис: тэрмасыя пө, некор дырсө сёрнитны...

## МОЙЯСЛӨН ОЛАНІН

Кодлыкө кө висьталан, мый Кузьёльө төв кежлө кытысь-кө воөм мойяс овмөдчисны, өдвакө эскас. Ёлыс зэв векныидик, косджык гожөмъясө дзикөдз былрө, сөмын няйт гөпьяс кольёны. А ёль пөлөныс мича шылыд видзьяс, вөла машинаөн весиг ытшкөны. Туруныс зэв бур, тулыснас видзьяссө ойдлылө да.

Воим ытшыны Льөмпуа видз вылө, а сійө ва улын. Гожөм шөрын некор на тадзисө эз вөвлы. Увтасінъясті ваыс пидзөсөдз. Болскам-ветлөдлам ваөдыс, пинөм ог гөгөрвоёй. Велькыд мат. Жежим вөр дорас, кыті визувтө ёль. Кутіс ва бузгөм шы кывны. Кодкө помөма шорсө сэтшөм бура да кужөмөн. Лөпторьяс чукөртөма, ляпайтөма няйт-нас сідз, мый ва войт оз сөдзтысь. Сөмын өтилаті лишнөй ваыс ызгө-лэччө. Сійөн и ойдөма виддзыд. Вөлөмкө, мойяс бөрийөмаөсь тайө местасө төвйөм вылө. Артмөм прудьяс пипу увьяс гөвкьялөны. Ведра кызта пуяс пөрлөдлөмаөсь. Кымынөскө гөгөрыс өжынөн моз кодйөмаөсь-йирөмаөсь, пөрөдны жө лөсьөдөмаөсь.

Лоис быть кырөдлыны помөминсө, видзсө өд он эновт. Дас додь турун пуктывлім да.

Аръявылыс таті бара прөйдиті. Ёльсө важсьыс бурджыка помөмаөсь. Пөрлөдлөм пипуяссө быттө черөн увйөмаөсь. Но и сяммөны жө мойясыд стрөитчынысө.

## ЙОРМИС

Кык сыв судта кос мырйыс нэмыс нин сулалё ордым бокин. Гөгөрбок пож кодьодз сизьяс розьёдлёмаёсь-лэдзёмаёсь кырсьё. Таво мыр горсьяс поздысьома виж морёса пыста. Сөмын тюръялө өти розьёд, сёян пыртлө аслас пиянлы. Ёна сійё каднас уджалёны лэбач бать-мам, өд быд-тасьясыс өтырышъя няргёны, вомъясыс пыр восьсаёсь.

Колисны лунъяс, вежонъяс, вель уна зорёд видзьяс вылө чөвтім. Лэбачпиян лыбёдчисны бордъяс выланис, эновтисны позъяснысё. Видздорса бадьясын налөн сылан горыс өтлаасьліс чиркъяслөн чиркөмкөд. А виж морёса пыста пыр на тюръяліс кос мыр розьё. «Мөдысь, тыдалө, пөжсьё»,— мөвпалім ми.

Но өти асылө ставнымөс шемөсмөдіс аддзөм серпасыс. Розьянь кодкө чургөдома нөш кодь юрсө, восьтөма шердын пасьята вомсө. А пыста пуксьома да тойлалө сёянсө, весиг аслас юрыс вошлө быдтасыслөн паськыд вомас. Ставыс лои гөгөрвоана, кор матыстчим мыр дорас. Пыстаыд гожөмбыд вердөма көкпиөс. Көкыд коркө шыблалөма пыстапиянөс. Мам көкыс пыста позйө ассьыс кольксьө пуктігөн абу артыштөма — вермас-ө татысь бөрсө петны йөзөн быдтөм-вердөм пныс. Со и артмөма тешкодьтор. Көкпи верстьёө нин пөрөма да вөля вылө петны оз вермы. А коньөр пыста век вердө ассьыс немын пөв ыджыдджык ловсө. Лонс мездыны коньөр пыстаөс: пөрөдны мырсө да перйыны сэтысь дармөед көкпиөс.

## БУСКО МЕЗДИС

Бать кыськө кык гулю вайис, эньюс да айёс. Тулыснас ящик познысө тувъялім кык сюръя йылө, ывлаө. Сэн и пөжсис.

Гулюыд, гортса, көть вөрса, кык пиысь унджык оз быдты. Тыдалө, сы вөсна, мый найөс мукөд лэбачьяс моз оз гагъясөн да лэльөясөн вердны, а асланыс йөлөн. Унаысь қазявлім, кызди мам-батыныс сюялісны пчөтыслы вомас гырк пытшкөссьыс горзьөдлөм рысь кодьөс. Мыйлакө мяян позйын сэки өти пи чужи. Мөд колькйыс, тыдалө, тшыксьылөма. Гырысь гулюяс велалісны пөткөдчыны анькытш сора зөр му вылын. Воасны — зобъясыс мач моз польдчөмаёсь. Пычкөны рок кодьодз небзьөм сёянсө, сюялөны вомас өтка пиыслы, коді син водзын быдмө. Регыд кутіс поз-

сьыс петавлыны, ветлөдлө-тапъялө ящик дорө тувъялөм пөв кузя, өвтчө бордъяснас. Бөж вылас еджыд пастор лонс, бордъясас — пемыд визьяс, дзик мамыслөн моз жө. Верстьö гулю кодь нин, а оз лэбав, пыр сёян виччысьö, вөтлысьö пөв кузя ыджыдыяс бөрся, чиргө. Öти асылö казяли: ай гулю пыскөд ноксьö, вөтлө пөв помланьыс, оз лэдз бөрсө бергөдчыны, тшөктö лэбзыны. Тыдалö, кад воöма. Воштысьны некытчö лон, дай лэбис пес вевтув вылө, мам дорас. Төдчис: зэв нимкодь, чеччыштлас вывлань, öдйö-öдйö шенасьö бордъяснас. Сэсянь и кутис лэбавны. Качөдчасны семьянас вылө-вылө, пышкай кодь ичөтөсь кажитчöны, гартчöны-кытшъясöи. Бордъяснысö топөдасны бокъясас, из моз сунöны вывсянь чуксалөм шыö.

Öтчыд рытъядор кильчö вылын пукалим, нянь торъясöи вердим гулюясöс. Пöрысьясыс рамось, кнысь босьтöны сёяносö. Томыс вöйджык на, лэбö пес вевтув вылө, сэни кокасьö.

Друг неыджыд варыш вундыштис сынөдсö, весиг чишнитöмыс кылис. Кватитис гулюпиös, крукыля нырнас тяпыр-тис коньöрлысь юрсö, вөрлань сетчис. Öвтчö бордъяснас, лэбзьö му бердти, тыдалö, сьöкыд кыйдöсыс. Уськөдчим варыш бөрся, горзам мый вермöмысь. Буско, дерт, водзын тувö. Сийö медводз и суөдис гусясьысьöс борйыи, кытчö мөдыс пуксис сьöкыд ноп вöснаыс. Лои варышлы тыртөг усьйысьны. Том гулю лэчыд гыжъясысь мынөм бöрын тэрыба лэбис пес чипас вылөдз, сырмö ставнас, юрас вир войтъяс... Но абу на удитöма варышыд чорыдасö дойдны, регыд бурдис. Водзö вылө видзчысьмөнджык кутас овны.

### ЭЗ АРТЫШТ

Шутөвти-кори понйös, сутш кежлө, өртъяслөн чай пузьö-дигкості, мөдөдчи кытшовтны яг дорсö.

Гырысь пожөмъяс улын пон мөдис гөгравны: то неыджыд кытш вöчас, то бөр воас места вылас, чушсö муысь оз лэптыв. «Тар ли дозмөр, тыдалö, пөткөдчöма пувйөн,— мөвпалігмоз ньöжйөнник вöсьлала водзö.— Олассö туялө». Шуйгавылын кодкө мөдис чорыда швачкөдчыны. Видзö-да — сьöd дозмөр веськыда ме вылө лэбö, нюжөдöма голясö. Пон веськыда увтчö-вөтчö, повзьөдчö, медым лэбачыс регыдджык пуö пуксяс. Чукчи лөсьөдчис пуксьыны, но тэрмасьöмысла да повзьöмысла эз артышт: шлапкысис улысса кос ув вылө. Сийö, көть и кызкодь вöли, ыджыд лэ-

бач сьоктаысь чеги. Дозмөр эськө бара мөдліс өвтчыны бордьяснас, но кыз пу леторосьяс пытшкын эз вермы босьтны өдсө, муөдз усис. Пон, дерт, сы вылө вожасьö, а мөдыс чорыд бордьяснас шенасьö. Мөдлас котөрөн пыш-йыны, медым качөдчыны, но понйöй бара сы вылө. Пурк-йысянінас и вон.

Пуд джынъя пөтка. Меж кодь тушасьыд не сөмын кос пожом ув, нэрджык пожом йыв вермас чегны.

## КОНТАР

Тайö лоис тулыснас. Пес вөлі кералам. Чойкөд шуим тыртны чипассö. Тэрмасям, нярсьям-пилитчам.

Пөшти лунтыр нин гурским, колис медбөръя пу орьөд-лыны-чинтавыны. Пес кералөмыд абу шегьясьöм: коскыд висьö копырөн уджалөмысла. Лолөд пуясö и пилаыд на сибдивлө, лоö мый вынсьыд кыскавыны. Көсья вөлі веш-йыштны, бокö воськовтны. Но друг видзөдлі муас. И кынми места вылө: кок дінын руд лэбач лажынътчөма, некыт оз вөрзөд, быттьö некодөс оз аддзы, ни оз кыв. Гөрд дора синьяссö лазгөдыштөма, оз весиг лапнит. Ылісянджык кө видзөдлан, асьсө он и торйөд, гөн серьясыс нитш да кос корьясыс кодьöсь жö.

Колө жö көнтарлы татшөм повтөмлун, медым тані пөжны колькьяссö. Кымын лун өд нин пөрөдчам, пилитчам да поткөдчам. И ньөтчыд эг аддзылөй сылысь, пуксьöм ни кыпөдчөм. Көнкө, ёна жö майшасьö: кор нин пө мунасны, эновтасны мянөс. Ньөжйөнник бөрыньтчи поз дорысь.

Некымын лун мысти бара вои төдса местаö, но көнтар эз нин вөв. Ичөтик гурантор кольөма, гөгөрыс жугласьöм кольк кышьяс. Лыдди: вит пи петөма. Пышкайпиян моз найö оз виччысьны сёянсö позьяс вомьяссö паськөдөмөн, а кольксьыс петөм бөрын пыр жö разгысьöны мамыс бөрся, кокалөны корьяс вылысь геб-гагөс. Ещö казялі: нитш вывті векныдик ордым мунö. Ставыс лои гөгөрвоана. Вөлөмкө, көнтарыд некор оз кыпөдчы веськыда позсянысь, а мыйтакө муныштö, мед не эрдөдны колькьяссö, позсö. Сідз жö вөчö и бөр воигас. Пуксяс ылөджык, кывзысьыштас да шытөг матыстчас төдса туйөд. А ещö кывлі: пөрысьджык энъ лэбачьяс, вөлөмкө, пөткөдчөны мян ветлігкості. Колькьяссö тупкылөны лыс-ёгнас, медым найö оз көдзавны.

Микол Ољоксан кодь вөр-ва радейтысь мортыд гежөд. Мөдөдчас кө кыйны чери, сійөс оз кут арся шляка ни тув-сов ытва, төвся турөб ни гожея пөжысь шонді. Сылөн пыр дась попйыс. Быттьө бур мастерлөн инструмент тыра ящик, сэсь позьө аддзыны быд пөлөс сёян-юан — консерв банка-яс, чай, сакар, шыдөс, гормөг, лаврөвөй кор. Қыйсян көлуы пөвстын быдсяма вугырьяс, индзувьяс, вугыр көвьяс.

Ољоксан во-мөд сайын ышөдіс менө ротъявны вөр-ваті. Төлын чери кыйөм мода эз вөв, а өні шойччан лунсө өдва виччыся. Прөст кад лоас, сөмын вугырөн нокея.

Отн асылө Ољоксан котөрөн пырис ме ордө.

— Гортын дізьвидзам, а йөзыс кольөм луньясө Вадыб тысы пестерьясөн новлөмны весьтөн-джыйөн кузьята ёкышьяс.

Ёртөй пыр жө тшөктіс лөсьөдчыны туйө, медым рыт кежлас воны местаөдз. Ичөтннк жөч банкаысь Ољоксан петкөдліс рис модаа чери сам: мотыль пө. Карысь мөдөдө-маөсь.

— Татшөм сам вылад,— шуө,— сөмын удит лэптавны, өна шедө чериыд.

Ты дорө воим пемыднас. Йи вылө петөм йылысь нинөм и сёрнитны.

— Аски,— шуө Ољоксан,— водзджык чеччам.

Узьмөдчим вөр керкаын. Ломтім көрт бөчкаысь вөчөм пач. Сійө доналіс. Жырийн лон жар, көть пөрчысь пастьтө да пывсы. Войсө колльөдім бура.

Асывнас чеччим водз, муртса вөлі садьмө кыаыс. Ољоксан тшөктіс меным пусыны, а ачыс лэччис ты дорө. Сійө воис час мысти кымын.

— Писькөдалі розьяс, көсийи кыйсьыштны, но эз удайтчы,— ышловзис Ољоксан.— Мотыльяс пыдди босьтсьөма рис банка.

— Кы-дзи рис?— гөгрөсмисны синьясөй.— Ме жө сійөс юквәө кисьті.

Ољоксан өзьян синьясөн видзөдліс ме вылө, кватитіс юквә тыра пөрт, петкөдіс ывлаө да путкыльтіс лым вылө.

— Петав, любуйтчы,— скөраліс сійө,— мотыльяссө пуө-мыд.

Гортө лэччим өта-мөдысь торйөн — Ољоксан водзын, вөськов кыксө сайын, а ме, мыжа кычи моз, бөрас. Вежон-мөд мысти ми, дерт, бурасим, бөр кутім өтлаын ветлывлыны вуграсыны, но сійө кадсяныыс Ољоксан пусьө ачыс.

## ВӨРЫН ПАНЫДАСЬЛӨМ

Гөгөр чөскыд дукөн өвтө. Гырысь пожом йывьясөд кокни төвру котөртыштлас, сэсся бөр лөньө. Шондыс веськыда пөжө. Турун пиысь виччысьтөг сьөла жбыркнитіс, метр кык сайө ловпу вылө пуксис, тюргыны заводитіс. А кокьяс дорысь анькытш моз разі-пели шур-шармунісны пияныс. Сьөла позтыр вөлөма. Мамыс пыр на пукалө, места вылас оз өшйы, голясө нюжйөдлө, зільө, мед сійөс казяласны. Ачыс өтарө тюргө, тыдалө, пияныслы төдны сетө, мед өдийөджык да бурджыка дзедбясны. А найө важөн нин некөн оз тыдавны, быттьө бордийөн чышкыштисны, шы ни төв. Арнад тай сьөлаыд оз тадзи дзөр, пуксьөм бөрас пыр жө котөртыштас ув кузяыс да ланьтас.

Мыр моз сулала, ог лысьт воськовтны, пола талыштны сьөлапиянсө. Но некод некөн оз тыдав. И мамыс нин лэбзьөма. Копыртчөмөн видзөдлі неыджыд кызлөн вужьяс вылө. Кык вуж костын мыйкө вөрзьяштіс. Збыль, өти сьөлапи йөршитчөма, ляскысьөма кымыньөн, ланьтөма. Эг кө төд водзвыв, мый тані, дерт, некыз эг казяв. Сэсся дзик кок дорысь мөдөс аддзи. Вот дивөыд: гатшасьөма, кокьяс-нас чабыртөма кольөм вося кос кор, асьсө вевттьөма. Колө жө тадзсө думыштны. Босьті ки пыдөс вылө. Оз вөрзья, быттьө кулөма. Бордторьяс увтіыс куш, тыдалө, лун-мөд сайын на свет вылас петөма, а небось, кужө мудеритны. Пукті бөр места вылас, дзедбси понөль сайө. Окота лоис видзөдлыны, кызд кутас найөс мамыс чукөртны. Виччыси дыр. Сэсся юр весьтті шытөг лэбзис кодкө да пуксис. Ланьтөма, кывзө. Ме аддзи сьөла мамөс коз увьяс костөд. Сійө, тыдалө, некутшөм шыяс эз кыв, некодөс эз казяв да мөдіс шочиника питьөдлыны-чуксасьны. Турун пытшкын кутисны кывны шарөдчөм шыяс. Ме босьті чуманөс да ньөжйөнник мөдөдчи шор ныылыд.

## РӨДМИСНЫ МОЙЯС

Чуим ю йылө лэдзисны мойясөс. Егерь Егор Ильич сы бөрын инас эз кут өшйыны — узыліс и оліс сәні, гортса пемөсьясөс моз видзис-дөзьөрнитіс зверьясөс. Мойяслы лоис туянаөн выль местаыс. Ваын олысьяслөн поксьөм вылө видзөдігөн Егор радліс. Ю шөрын өдийө лыбисны ув-баддьысьлэптөм турун юр сяма позьяс. Егерь тшөкыда аддзыліс, кызди, палич кызта пипу ув курччөмөн, зверь шлывгө-кыв-



тö визув ньылыд. Кылас сійö кутшöмкö тöдтöм шы, швачкас зыр кодь бöжнас ва веркöсö — сетö тöдны мукöдыслы, мый локтö враг — да сунгыяс юö.

Тайö кадсянныс коли дас во. Мойяс сы мында рöдмисны, мый эз кутны тöрны ю йылас. Найö лэччисны горув, вуджисны мукöд местаясö.

Отчыд Егор Ильич локтис ме ордö. Киас бумага лист.

— Карысь индöд воис. Тшöктöмабсь кутны вит мойс,— висьталис сійö.— Көсьян кө, ветлам. Зверьясыс дзик шыръяс мында рöдмöмны. Лун-мöдөн бергöдчам.

Мöд луннас ми воöдчим места вылö, сьöрысь вайим зыръяс да налькьяс. Окталим налькьяссö ва улö, зверьяслөн оланінъясö пыран розьяс дорö. Виччысям, ветлöдлам вöрса ю дорöд. Сэни быттьökö катнице вөлöма. Егерь индö пöрлöдлөм пипуяс вылö:

— Быттьö кодкö найöс велöдö. Аддзан, став пуыс йывнас валань куйлö, либö берег пöлöныс, мед матынджык вöли увьяссö новлыны. Казявлі пöрöдчигас: бергöдчис тöлыс васянь мöдарö да куйм сутки чöж пöльтис сэтчань. Мойяс быттьö отпуск босьтлісны, эновтлісны весиг джынвыйöдз йирöм пуяссö. А кор бергöдчис тöлыс — бара кутчысисны асланыс уджö.

Егор Ильичкöд нель вой узим Чуим дорын, тшöкыда вежлалим местаысь местаö налькьяснымöс. Мойясöс синьясөн аддзылам, тöдам, дзик налькьяс вывті ветлöны, но оз шедны.

Медбöрын егерь öвтыштіс кинас:

— Шабаш. Мöдим гортö. Медым олöны-нимкодьясьöны тайö чöv-лөнъ пельöсас. А этайöяслы гижа,— Егор Ильич печиктіс бумага листас,— медым мöдлаысь кыйöны.

## КЫК ПАНЫДАСЬЛÖМ

Туланъяс кыйны капканъяс пукталим. Но коз улысь яй торьясыс чинöны и чинöны. А некод оз шед. И кок туйясыс оз тöдчыны. Первойсö мыжалим перкөс да виж морöса пыстаöс — найö сюсьöсь сэтшöмтор вылад. Самсö ыргөн сутуга вылö öшöдöма, капкан весьтас, коді ещö вермис сэсь судзöдны, лэбачысь кындзи. Но öтчыд лун шöр лунö суим пакöститчысьöс. Тöдса коз улö матыстчигөн казялим: сутуга кузя лэччис сьöд комöктор, мöдис йирны кын яйсö. Кор воим матöджык, чеччыштіс капкан вылö, коді, дерт, кыш кодь кокниторсыыд эз пезьды. А сійö пу кузя визнитис-лэччис

муо, дзэбсис лым пнас. Вөрса шыр, вөлөмкө, велалөма яй дорас. Небось, кужома сибөдчынытө, ачыс ичөт, а вежөрыс, тыдалө, эм.

Мөдысь татшөм пемөсыскөд паныдаси гожөмын. Ягсые вөрсө пөрөдөмаөсь. Петкөдігас нейджыд пожөм вужнас бертыштөмаөсь, ведра төрмөн гу лоөма. Сэни кодкө тэрыба шыбласис өтарө-мөдарө. Дерт, сійө — вөрса ичөтик шыр. Но өні эз мудерит: ачыс вөлі воөма пикө. Кытчөкө, тыдалө, өна тэрмасьөма, гуас турбыльтчөма и бөрсө кайны оз вермы. Лыа стеныс буждө. Гашкө, мый дыра нин сэни оліс. Вөтлысьө тай со номьяс да гебьяс бөрся, найөс куталө да сөйө. Нинөм он вөч, тшыгыялан кө. Згинитіс, дерт, сөйтөгыс да ютөгыс сэни, эг кө ми лөсялөй. Кос бедь пөлөсөн сувтөдім гуас. «Кужан кө сутуга кузя увлань юрөн ветлөдлыны — каян и бедь кузяяс», — шуим сылы.

## ИӨЗЛӨН ПАСЬЯС

Тепловозөн ылыстчим сиктесянь километр ветымын. Сэся кежим тувсов пармаө. Восьлалам батькөд вөвлөм керасті. Татысь вөрсө петкөдлөмаөсь во комын сайын, туйыс кутөма нин тырны пуясөн. Паныдасьлөны йөраяслөн оласьяс. Негырысь пелысьяслысь, пипуяслысь йывьяссө да вожьяссө быттьө чарлаөн шырөмаөсь, тшөтшкөртөмаөсь и кустьяс. Вузалөны йөраясөс и гырысь кок туйясыс. Лым шольсө, коді кытчөсюрө кольөма на вөрас, ставсө гудралөмаөсь кузь кокьяснаныс.

Воим крут берегьяса шор дорө. Көнкө улиас тельгө ёль, а ачыс оз и тыдав. Медым не усыны, лонс кутчысявлыны понөльясө, кустьясө. Но и крут жө берегыс. И мөдарыс татшөм жө. Та вөсна, тыдалө, и кольөмаөсь пөрөдтөг креж йылын сулалысь гырысь пожөмьясыс. Көть и некымынысь нин волін тайө местаас, а век казялан кутшөмкө выльторьяс. Восьлалан яг пөлөн тэрмасьтөг, медым не дзугны вөрвалысь чөвлунсө. Сөмын сапөгьяс улын корсюрө чаркыштлө шолльө нин пөрөм лым.

Друг пожөм дін бердысь казялім бедь торьяс. Тыдалө, кодкө лөсьөдлөма лэч. Но зэв нин важөн, сисьмөма.

— Бать, — эг вермы терпитны ме. — Видзөдлы, кодкө со нусө көртөн дорлөма...

Матыстчим. Көрт вөнь местаад рач вөлөма, вугйыс на весиг эм. Тыдалө, вөралысь ли вотчысь розя рачсө абу шыбитөма, а ичөтик понөль вылө пысалөма. Сэся и вунөдө-

ма. А пожомыс отаро быдмома, кызома. И они со корт воня сулало.

Косим пуксывны кыз пу выло. А сылысь пытшкоссё кодкё кодйылома, пув колода вочлома. Важон арнас пувсё вотлывлёмаось некымын лун чож. Овлёмаось вюрас, гортсянь ылын. А пувсё, вёлөм, кысталоны колодао, кодос сэся бюрас вевтёоны, дзёбёны боковёй синмысь. Вотосысла волывлёмаось лым усём бюрын нин, дерт, вёвъясон.

Вор лэдзсысяс абу сяммомаось пискёдчыны тайо ёль вомоныс. Пуясыс абу джуджыдось, но кызось да пашкырось. Воан татшөм ягад да быттьо став мудзыд быро, эбосыд отаро содо. А кутшөм чөскыд сынодыс, сук да сирдука. Сийос потлытог юан улльолос моз жо.

Вор-ва радейтысьлы ывла вылыд век откодь муса — тов коть ар, тулыс коть гожом. Торйон нин шондиа кадө.

Со орча пожомо кодкё лосас вочлома, мыйкө пасйылома сэтчө, но он нин гөгөрво. А вылынджык — тув, чорыда на кутчысьо, сирод пуысь, тыдалө, вочломаось. Пестерсө ли нопсө шойчигас ошлывлёмаось. Көнкө и вор керкалы колө лоны. Гашкө, мод ягын, но, дерт, тайо ёль бокас жо. Гортсяньыд та ылнаын олигон коми мортыд кузь да пемыд войясто консюро эз коллявлы.

Биджыд да паськыд мян парманым, а уналаысь позьо адзыны йозлысь пасьяссө, кодыяс висьталасны тэныд унатор йылысь.

## ОВЛО И ТАДЗИ

Во-мод сайын скворечьяс водз воисны мяно, ыбьяслон сомын на луныв бокасыс вөли кушмомаось. Коть ывлаыс шонид, шорьяс эз на жо босьтчывны визувтны.

Сэся поводдяыс крута вежсис, кодздодис, лым усис. Воом лэбачьяслы нинөм лой сёйнысө. Сэк ми первойыс адзим найос кильчобокса ёг чукор вылысь. Лоис отсавны коньорьяслы: модим сёян шыблавны. Лун-мод тадзи поткодчисны. Сэся бара шондодис, мыччысисны ыбьяс вылын сьод домасьяс.

## САН

Бать тайос висьтавлис. Вөралигас сан матө воштөма: лызь туйодыс по вөтлысьо, капканьясысь кыйдосьяс гусяв-

лө, нинөм некытчө пуктыны он лысьт, тшамъясө и быдөн мөдлөма разьны, вевтсө, дерт. А лыйны оз сюрөдчы.

Мөд вөралысь узяс бать ордын да велөдас: дзебастө пө гөгөрыс табакнад киськалышт. Бать сідзи и вөчас. Сы бөрын пакөститчысыд кытчөкө усыйяс.

## ЭГ КАЗЯВ

Кольөм вой ёна төла вөлі, лымсө пуяс вылысь муас нөбөдіс. А талун бара көдзыд. Чөвтлі видзөдласөс кок улө. Лямпаяс костті лымсьыс нырсө чургөдіс сьөла, гөрд дора синьясыс дзулвидзөны. Сэсся жбыркнитіс-лэбзис ныр водзті, лым буссө чужөмө бордьяснас койис. Вөлөмкө, кызд пу гарьяс кокалөм бөрын сунөма лым пиас шонтысьны, а пыранінсө ме эг и казьявлы.

## ГУСЯЛІСНЫ

Пруд берегын узьмөдчим. Сам вылө дасьтөм кельчияс уялісны ва тыра рачын.

Берегдорса кос турун пиын кодьяскө кышакылісны.

— Ва шырьяс,— висьталіс ёрт, казьяліс менсьым кывзысьмөс да.— Сёян колясьяс чукөртөны, зэв наянёсь, гусяласны кельчиястө, матөджык пукты ас дорад.

Рачөс вешті мыр дорө, сэтчө жө и куткыртчи ачым, билань мышкөс лөсьөді. Ог төд, дыр-ө кежлө ойбыртлі, палялі, водзөй көдзалөма. Бергөдчи билань, босьті рач, но сәні ни өти кельчи нин эз вөв.

## СЫРЧИК ПОЗ

Төдса ты дорысь казьялі сырчик поз. Коркө пөрөдны мөдлөмаөсь кызд, джынвыйөдзыс кералөмаөсь да бөр энөвтөмаөсь. Сьөмөсыс сісьмөма, горсья лоөма. Сэтчө и сырчыкыс поздысьөма.

Мөдысь воигкежлө руд чутьяса колькьяс пыдди позьяс вөрисны вит пи. Пасьтөмөсь, борд вывладорсас сөмын на чургөдчыштөмны рудов гөньяс. Шыяс кылөм бөрын чатөртлөны юрьяссө вывлань, паськөдлөны виж дора вомь-

яснысö. Голяясысь кушöсь; кажитчöны ещö на вöсниджыкөн, а юрьясыс — ыджыдөн. Бать-мамыс öтырышъя новлісны сёян, сюялісны паськыд вомъясанис. Кытысь найö сэтшöм öдйö аддзöны гагъяссö, сутш кежлö и вошльвлöны. Сырчикыд öд ёнджыкасö морт олан гөгөр жбыръялö, му вылысь лёльöяссö да гагъяссö куталö. А тани, ты дорас, кытысь найö?

Пукси пыжö, йöткыштчи шөрланьыс. Видзöда, синъяслы ог эскы. Сырчикъяс ва веркöсöдыс котралöны, пань бöжъяснас лайкйöдлöны. Вöлөмкö, вааканьлөн гырысь коръяс вывтi ветлөдлöны. А гагыс сэни легö, коръяссö пож кодьöдз нин сырзёдöмаöсь.

Сёрөнджык бара паныдаси сырчик позтырыскöд. Пияныс быдмöмаöсь, эновтöмаöсь познысö. Айясылөн морöс чукъясыс сьöдöдыштöмаöсь, быттьö кодкö саён гижтышта-лöма. Бать-мамныс велöдöмаöсь жö найöс ва вывтi ветлыны. Найö сюся чеччалісны ваакань коръяс вывтi, кокалісны гежöдджыка нин сюралысь гагъясöс.

## ИИРЫН «ВАКУЛЬ»

Тайö йирас «вакульыс», буди, овмөдчöма, кутшöм сам он шыбит — нöбалö, мукöд дырйи вугырнас и ставнас.

Öтчыд вой кежлас медыджыд вугырö самалім весьт кузьта ёкышöс. Асывнас воим — көвйыс зэвтчöма, шатинным мегырö синсьöма, помыс ваас. Сыв кузьта сир шедöма, кыкөн öдва кыским берегас. Вомыс шердын пасьта, ёкышлөн бöжыс сэн турвидзö-тыдалö. Көрт тув кодь пиньясыс вижöдöмаöсь. Гөрб вылыс нүйт рöма, сарöга лöма. Вомкөтшсьыс кык ыджыд вугыр дай сёмöм кыснан мынтöдiм. А кынöмас мыйыс абу. Рушку кучиксö вугыр нёйдöдöма, карандаш төрмөн розь лöма. А ачыс вугырыс ыргөн сутуга кодьöдз небзьöма. Тадзи пöтлытöм «вакульсыс» мездiм йирса олысьясöс.

## ЗБОИ ПЕТУК

Тайö тшап петукыс ас вылас новлөдліс став рөмсö. Мунігас юрсö чатөртöма мыш вылөдзыс, кокъяссö чөвталö парад вылын моз. Эз этша сорс гырдöсьтлы да эз öтчыд пуркөдлы гөнсö орчча олысь петукъяслысь. Ок и радейтліс пачесайтчыны.

Отчюд виччысьтөг варыш тювгысис вывсянь. Курөгъяс удитисны саймовтчыны картофель коръяс пытшкө, а петук эз путьмы. Сы вылө и вожасис варышуд. Петрөванлөн став збодерлуныс воши, бөжсө люньгөдис, гыжъяс да чорыд бордъяс йылысь вунөдис, шыш моз уськөдчис потшөс костөд. Варышуд мутыд оз өдийө котрав, сутш кежлө лыбөдчылис да бара самасис петук мышкө. А мөдыд бара потшөс костөд уйкнитис. Мисьтөминика горшнас герсийөдлө, быттьө долыс нин петны дась.

Лоис мездысьны. Варыш саялөм бөрын петук воис ас саяс, лэбзис потшөс вылө, бордъяснас чорыда шлопнитис да гораа ливкнитис: «Ки-ки-руллю! Ме пө ловья на, вөтлп пө варыштө».

## КЫДЗИ БУСКОӨС ВЕЛӨДИМ

Буско нель арөса пон. Тушанас абу ыджыд, но кузь гырка, сувтса пельяса. Кольөм во первойысь новлөдлпм сьөрысь пармаын.

Таво батькөд бара лөсьөдчим вөравны,

Кыйсян кад кежлө сыв да васөд муыс шебрасис весът джуджда лымйөн. Сэссия вөлись көдздөдис. Вөртп ветлыны сьөкыд: кучик сапөгъяс котасьөны да чорзьөны, колодкаалөны коктө. Сапөг пыдөсад сибдөны му сора йи торъяс. Лымйыс сэтшөма чорзис — верст сайө кылө чарскөмыс. Лэбач дорө сибөдчөм йылысь нинөм и мөвпавны, ур и то тювъялө-пышйө увтчанпнө матыстчигөн. И понлы абу кокни, вөсьөны кок пыдөсьясыс, торйөн нин шор йывъясөд ветлпгөн, стеклө кодъ йиыс пурт моз дойдалө-вундалө. Водзынджык татшөм каднас ас вөчөм кучикысь вурлывлөмаөсь пон кокъясө көмъяс.

Ноябрь төлысь помө поводдяыс бөрлань вөськовтлпс, быттьө мыйкө вунөдлөма: сутки чөжся зэр сывдпс лымсө, сэссия кынмис өтилаө му и ва, вылысь усис гөн кодъ лым. Пуксис бөр вөралан кад. Ветлы гын сапөгөн лунтыр — ва войт он аддзы. Но сьөкыдджык лоис понъяслы. Кыдз шуөны вөралысьяс, «кынмис» налөн нырыс, вылыс нырысыс вошис. Сэтшөм понйыд өнджыкасө увтө урөс муө киссьөм кольлөн киль-өг серти и, дерт, унаысь ылавлө. Урыс, вөлөмкө, удитөма нин вуджны мөд пуө.

Буско пөся кутчысис аслас ремеслөө. Некутшөм чукса-сьбөм да шутьялөм оз ков. Юрсө чатөртөма вывлань, төв моз шувкъялө, увтчигас вомсьыс пуркйө-петө ру. Син во-

дзын некор оз тыдав, но ылын оз ов, ветлөдлө кытшьясөн. Аддзас урлысь оланін, пыр жө сетө гөлөссө: эн пө ылалөй. Пуысь пуө пышйысь урөс зільө паныдавы, уськөдчө водзө, мед не воштыны син водзсыс. Некутшөм мудзөм оз петкөдлы рытөдз. Муө кө усьлө урыд лыйөм бөрын, оз нин бөрсө кай — веськалө понлөн вомө.

Но Бусколөн вөлі тырмытөмтор. Медся мустөмыс да дөзмөдчанаыс, медся ковтөмторыс вөралан понлы: лыйөм урөс пышйөдө, сөйө. Дас воськов и колө сылы ылыстчыны мянсянь, медым вур-вар вөчны ичөт зверөс да гулькнитны. Сэся пыр и бөр матыстчас, дась водзө мунны корсьны, легөдө бөжнас, быттьө некутшөм мыж абу вөчөма. Сійөн и бать либө ме пыр пу улас сувтам, медым пановтны поннымөс. Мукөд дырйи лыйөм бөрын урыс жмоткыяс-уяс, ловья на, чирзө, водзсасьө. Отчид кепысь пыр кузь пиньяснас сэтшөма вурьштис ки пыдөсөс, быттьө томналіс, өдва мынтөдім. А кор Буско тшапнитас урсө, өдйөджык кватита сійөс сьыліөдыс либө бөжөдыс. Но сійө удитас прамөякодь нин няклявы пиньяснас. Сэтшөм уртө кульны веськыд мат. Куыс омөль сортөн мунө, көть розьыс этша и гөныс бур.

Мыйсө эг вөчлы понкөд — нинөм эз отсав. А бать оз тшөкты нөйтны, энөвтны пө кутас аддзөмторсө, дай ас дорас оз мөд сибөдны, дугдас эскыны, сьөлөмнас көдзалас. Кымын пон быдтылөма-видзлөма, некод вылө ки абу лэп-тывлөма.

Но өд колө жө пуктыны пом пакөсть вөчөмыслы. Чужис мөвл: өтчид зептө гезтор босьті. Лыйтөдз домала Бускоөс, а кор уськөдчас пу улө, зэвта көвсө, пышйыны ог лэдз. Лун-мөд-коймөд кыкнаным пессим-мучитчим. Кор менө кок йылысь уськөдлас, кор ачыс усьө либө көвнас мынтөдчас, гартчас понөльясө. Лоө корсьысьны. Но век жө велөдім. Гөгөрвоис ассьыс мыжсө, дугдис пакөститчыны.

## ЫЛАЛІС

Сөр арын тайө вөлі. Шордорса коз улын сулала, сьөлаөс чуксала. Виччысьтөг юр дорті вуджөр моз кодкө шунькнитис-лэбзис да пуксис орчча пуө, киөн судзмөн ылнаө. Ыджыд варыш вөлөма. Синьясыс кольча кодьөсь, нырыс крукыля. Син еджыдьяснас кыйкнитліс ме вылө, гөгөрвоис, мый ылаліс, шытөг лэбзис да саймовтчис пуяс костө. Тыдалө, эз ло лөсьыд.

## ТӨДМАВ, КОДЫС?

Менам ёртлы вөралысь сетёма кӱнпиӱс. А сылӱн вӱлӱнин кычан.

Пыри видзӱдлыны. Кык кычан порог дорас сӱйсны пу ворйысь.

— Тӱдмав,— шуӱ ёрт,— кодыс тӱ ног кӱнпиыс?

Гӱгӱрбок видзӱдлӱ кычанъясӱс, но некутшӱм торъялӱм эг аддзы.

— Да тӱ сӱйӱмсӱ видзӱд, тадзтӱ найӱс он торйӱд,— нӱммуниӱ ёрт. Копыртчи ворланьыс да казялӱ: ӱтикыс лакӱ сӱянсӱ, а мӱдыс чурскӱдӱ.

Ёртӱй и шуӱ:

— Кодӱ чурскӱдӱ, сысыс и кӱн быдмас.

## ИЧӱТ, А СЮСЬ

Тайӱ ичӱтик сюсь зверсӱ кокни тӱдны мича паськӱм сертиыс: вижовгӱрд мыш вылас кузяла ногыс вит сьӱд визь, кынӱм улыс руд, а бӱжсьыс дзор сӱяссӱ быттьӱ ӱтар-мӱдар бок вылас сыналӱмаӱс. Ёнджыка паныдасьлӱ том вӱръясын, важ керасъясын.

Пиянсӱ быдтӱм бӱрын август тӱлыссянь заводитӱ заптысьны тӱв кежлӱ, стӱчджыка кӱ, водз тулыс кежлӱ. Тӱвсӱ шоныд позйын узьӱм бӱрын лымъя на тулысӱ згӱдитчӱны водзвыв дасьтӱм запасъясыс.

Кисьмӱм вотӱс, вӱрса турун кӱйдыс оз убӱлит сӱйны аддзӱм местаын, кыскӱ аслас «складӱ», мыр улӱ вӱчӱм позйӱ. Сӱки сӱйӱс частӱ аддзывлан польдчӱм вомкӱтшь-ясӱн, кӱнӱ новлӱ сӱянсӱ.

ӱтчыд мойвиис видзӱдны сылысь мудеритӱмсӱ. Кузь турун пиысь казялӱ кодлыськӱ кышӱдчӱм. Видзӱдлӱ сюсь-джыка. Дерт, сӱйӱ, визяорда. Ноксьӱ, бӱжсӱ чангыльтӱма да. Сӱсся зӱв пелька мӱдӱс кавшасъны кыз иддза турун йылӱ. Кор воӱдчис шӱрвйӱдзыс, сы сьӱктаысь заыс нӱрис муӱ. А зверлы, вӱлӱмкӱ, тайӱ и колӱ. Пӱрӱм турун вывти матыстчис йывланьыс, водз кузь пиньяснас шыранӱн моз тротшнитӱс-орӱдӱс шепсӱ, мӱдӱс пыллыны кӱйдыссӱ.

## МУКӱДЫСЬ ВОДЗДЖЫК

Веж кырся пипу рас стенӱн сулалӱ ты мӱдар берегын. Вӱрыс пыш кодь сук, став пуыс ӱткодь, быттьӱ кодкӱ индӱм



часо койыштлөма койдыссо. Но эз тайо шензьод, сэтшом серпасто он гежода адзыв видз дорьясын. Чуймодо со мый: оти пипу мукодсьыс водзджык удитома вежны паськөмсө, павкнитома вылас гөрд сарапан, кокныдик төвру сильодо-ворсо корьяснас. Шытолаломнас быттьо косийо шуны: видзодлой по, кутшом ме отнам мича да шань. И збыль мича. Увьяс вылас быттьо ошломны дзирдалысь ыргон деньгаяс, найо портмасьоны син водзад. Весиг съод ты веркөсод нюждочома сотчысь паськыд вонь, быттьо биа огырьяс кодко койыштома ваас.

Сидзи эг и вермы гогорвоны, мыйла тайо отка пипуыс мукодсьыс торйодчо, шыбитчо синмо, ошйысьо аслас мичлуннас. Од орччон чойясыскөд быдмо, шоныдыс и югыдыс откодя ставныслы вичмо.

Лун дас мысти сәти жо прөйдити. Ты дорас раскыс ставнас озийома, корьяслон отсөгласон коставлытөг вашкодчомысь кыпало лолыд. Тыыс, кажитчо, унмо вөйтчома налон оти полос сөрнисьыс.

А кони но пипуыс? Важ местаас. Сөмын тай росмома, муртса и тодчышто чойяс дорас, мыжа кычи моз чола сулало.

## АСЛАС ЙОРЫН

Быд вөрса олысьлон по аслас йор, мод ногон ко, участок. Эг эскивлы, а, вөлөмкө, збыль тайо.

Пукалим ерткод кос пожом улын. Пуыс ляпкыд, ставкырсьыс нин киссьома. Вожьясыс лөсталоны шонди водзын. А пу улас коль вөрөк, быттьо гумла вылын жуг чукор. Отиясөс ставнас килльома, модьяслысь — джынсө, коймодьяс дзоньнас койдысаось. Дерт, тайо сизьлон киподтуй. Неылө, лөсас местао, артмома пуртос кодь ворга, сэтчо сизь и вайо кольсө, зелөдтөдзыс суйо, медым оз вөр. «Кын кузнечыд», вөлөмкө, кужо небось. Вешьшөрө йоз повстын шуломаось, нэмсө по сизьыд таркодчо да юр вемыс пыркалома.

Друг юрьяс весьтти лайкьялигмоз төвзис неыджыд лэбач, пуксис кос пожом вылө. Гөрд юра сизь вөлөма, бокьясас еджыд сера визьяс. Божнас мыджсьома пуас, тор-тор вочас нырнас, сәсся вывлань кайыштас. Шы сертныс по төдө, кони пучейыс эм, корсьо места, кыти колө сизьдыныписькөдны.

Воис мод сизь, веськыда вувзьясис-уськөдчис воддза

вылас. Кыкнанныс чиргöны. Кыпöдчисны, бөръяыс воддзасö весиг орчча пуясö пуксыны оз лэдз, вöтлö.

Сэсса бөр локтис, мынтöдис воргасыс важ килльöм кольсö, суйис сэтчö выльöс, мöдис чашйыны, сöмын ёгыс киссö.

— Гөгөрвоин,— шуö ёртöй,— кутшöм гижтöм законъясыс вöрса олысьясылöн.

Аддзан, кызди колис öтнас. Воддзаыс воис татчö сидзтадз, сёяна места корсигмоз. А пожöмыс, дорччан станыс, вöлöмкö, со талöн. И сийö мöдöс некор татчö оз лэдз, кытчöдз вермас водзасыны. Быдöнлөн аслас йөр. Став вöрсö юклöма, кöть ми тайöс и ог казялöй. Аддзылн, кызди-тарки вöтлис кортöм гөстьсö, бара кö воас — бара жö вöтлас.

— Видзöд,— вель дыр мысти содтис ёрт,— кольсö помöдз эз и чашйы, лэбзис аслас могъясөн. Видлам сийöс öнi жö бөр бергöдны.

Сэсса босьтис кос ув, таркöдыштис пожöмö. Дзик сизьлөн моз жö артмис. Эг на удитöй саймовтчыны, шурс лэбыштис кöзяныныс, скöрысь чирзö: бара пö воин не ас мостаад, кымынысь пö тэныд колö висьтавны. Сэсса казялис миянöс да бокö лэбзис. Ылыстчим татысь и ми.

## А МЫЖАЫС КÖДЗЫД

Сынöдыс руассис, некымын воськов сайысь нинöм оз тыдав, быттö войын, коръястöм пуясысь кöдзыдыс пычкис васö, гыöртöмаöсь йизьöм лымйөн, бисерөн дзирдалöны лун сьöмöсын мыччысьлысь шондi водзын. Пашляк видлалö керка пельöсьяс, нöшкөн моз камгас, дрöгнитлö стен и пöтöлök. Öшинь стеклöяс сэтчöдз гыöртöмаöсь, мый ывла югыдыс öдва тöдчыштö.

Унаөн пыртлисны чугуна пачьяс. Воськыд сюръяясөн трубаясысь шпургö-кайö тшын. Ветлысь йöз дзебöмаöсь чужöмьяссö, муртса тыдалöны синьясыс. Видзöдан да, тшаджыкьяслысь бандзибьяссö да ныр йывьяссö нöкйөн быттö мавтыштöмаöсь, морозыс еждöдöма.

А кутшöмджык татшöм поводдя дырйиыс ывлавывса пёмöсьяслы?! Дерт, быдөн зильö кызкö видзны ловсö, йөршитчö шоньдджыкинö. Но öд позьяд пыр он ов, колö пöткöдчыны, тшыг вылад кöдзыдыд ёнджыка на босьтö. Пышкайяс сэтшöм рамöсь, тайкö юр вылад пуксясны. Койыштан сёян, муртса вөрöны, йöжгыльтчöмаöсь, мед этшаджык воштыны ас пытшыныныс шоньдсö. Сэсса лэбзясны пач

труба дорё, мырддысьёны бурджык места вёсна, асьныс съодасьёмаёсь санас. А вой кежлас турун зорёд пытшкё шотасны, гашкё, дасён оти розьё пырасны — чукёрнад шоньдджык. А воддза луннас песьяс костысь аддзи, кыммаёсь коньёръяс. Тыдалё, томъяс энэвтчёмаёсь сэтчө вой кежлас, абу сяммаёсь асьнысө видзны, лэбзыны шоньдджыкинё.

А төрыт сусед пырис, шензьөдіс ставнымөс аслас висьт-нас.

Омөля ломтысьёма кочегарка пачыс, лоёма разьлыны кымынкё кирпич тшын петан туйсьыс. И збыль, аддзасны помкасө — ыджыд са ёкмыль вёлёма сәні, быттьө фуфайка гаровтөмөн шыбитөмаёсь. Некедз оз гөгөрвоны, кызди сэтчө веськаліс тубрасыс, эз жө кодкө кавшась комын метр джуджда труба йылас да уськөд. Са ёкмыльсө судзөдасны кузь коколюкаөн, а сійө... сюзь вёлёма. Вот көні асьыс помсө аддзөма тайё войся лэбачыс. Дерт, көдзыдъяс дырйи тшын сора шоньд сынөдыс кыскис сійөс вөрысь морт оланінө. Пуксис джуджыд труба йылө, шоналіс да эз и төдлы, кызди кольмис юрыс, суніс пытшкас. Эз жө өд ас окотасьыс сэтчө шыбитчы.

## ВИЧЧЫСЬТӨМТОР

Вожа бөжа тайё лэбачъяс дорас велалім нин. Кымынысь ог вуджөй вөрса кушинсө, пыр аддзывлам. Тыдалё, абу весьшөрө бөрийёмаёсь төвъян местасө татчө: өтарсянь, важ керас гөгөр — шочиник кос пуяс, мөдарсянь, ю берегас — пашкыр кызъяс. На вывсянь ылөдз тыдалё. И пөткөдчөны сәні, пуысь пуө чукөръясөн лэбалөны.

Көдзыд поводдяө кызъяс гьөртөмаёсь, быттьө еджыд прөшви павкнитөмны увъяс вылас. Сы понда таръяс кажитчөны ещө на съөкыдджыкөн. Ылісянь найөс казялан, быттьө еджыд паськөма пусө са чутъясөн кодкө лякөма. Сюся кокалөны гарсө, но син бөжъяснас тэ бөрысь кыйөдчөны. Оз весьшөрө шуны — синмыс пө тарыдлөн былькнитчөма, гөгөр аддзө. Сэтшөм өд и эм, он небось, сибөдчы вөй пөтка дорө.

Абу кокни налы кузь төвбыд вердчыны гар да тусяпу лыскөн. Шоньд поз налөн абу, лым ниын узьлөны, мукөд луннас кык-куимысь дзесъывласны. Эг өтчыд казявлөй, кызди пөткаяс сунөны лымъяс, усьёны и вошөны, быттьө кодкө найөс шыблалө вылісянь. Еджыд эрд вылас муртса

тѳдчана пастор и кольыштѳ, пыран розьсѳ небыд лымйыс тупкѳ бѳр, буждѳ берегдор лыа моз. А толаысь петігѳн первой чургѳдас гѳрд син доръяса юрсѳ, видзѳдлас гѳгѳр да вѳлисти ѳдѳбтѳ вынѳн, резѳ лым-буссѳ. Мыччысян местаас бура тѳдчѳны борд туйясыс.

Тулысладорыс, шондіа асывъясѳ, позьѳ кывны ѳткымын пѳткалысь кургѳм шысѳ. Тыдалѳ, пѳрысьджык петукьяс видлісны ассыныс гѳлѳсьяснысѳ, лѳсьѳдчисны койт кежлѳ. Пыр унджык кок туйясѳн гижсис-пасйысис керасдорса нюр, кѳні быд во налѳн мунісны косьясыс.

Но бѳръя прѳйдитігѳн аддзѳмторйыс шемѳсмѳдіс: лым вылын пасьтала туплясис сьѳд гѳн. Неуна ветлѳдлыштѳм бѳрын лои гѳгѳрвоана ставыс. Вѳлѳмкѳ, рытсаяныс тарьясыд пырасны улис лым пиѳ, а войнас кѳдздѳдас, веськыда дорас коньѳръясѳс, ловья вывсьыс. А ѳти сунѳминын бѳр петан местаыс оз тѳдчы, гурйыштім лым пытшсѳ, сюрис крукыля бѳжа пѳткаыс,— дзыкѳдз кымѳма.

Со ѳд кызди овлѳ.

## БИПУР ДОРЫН

Кык шойччан луннад вѳр-ваті ветлысьыд ѳна содіс. Нопъя йѳз муноны подѳн, машинаясѳн, пыжъясѳн. Ветлѳны войколѳн, а мукѳдьяс слѳймѳны и кык вой узьны. И дерт жѳ, бипур дорын, кѳні чужѳ быдсяма казьтылѳмыс. Свежѳй юква да сѳтѳра чай бѳрын ставѳн лѳѳны кыв-вораѳсь, быдѳн зільѳ суйсьыны сѳрніѳ. Басни сайын и войыс регыд кольѳ: видзѳдлан — асыввылас гѳрдѳдѳма. Лѳзалигас на би дорысь сьѳрсьѳн-бѳрсьѳн торйѳдчалѳны, тѳрмасьѳны видзѳдлыны вой кежлѳ шыбитѳм вугырьяс. Август шѳрнад луннас геб-ѳвадыс эм на. А войяс пемыдѳсь, кѳдзыдѳсь нин. Мукѳд асывводзѳ ытшкѳм турун заыс видзьяс вылын гыѳра: пужьялѳма. Сійѳн и рытсаянь вой кежлѳ лѳпсѳ чукѳртім уна. Гашкѳ, дас морт ланьтѳдчим кузь бипур ѳтар-мѳдарѳ.

Вочасѳн сѳрнияс лѳньѳны. Кодсюрѳ шкоркйѳдлѳ нин нырнас, жмитчѳ трачкѳдчысь билань матѳджык.

Вой шѳр бѳрын виччысьтѳм кыз гѳлѳс сувтѳдіс ставны-мѳс кок йылѳ: «Ѳльѳксан, сюра мути, чеччы! Сотчан!» Збыль, чорыд котшѳс дук воис нырьясѳ. Ѳльѳксан звирк-чеччыштіс, садьѳ вотѳм юрнас куйлысьяс вывті уськѳдчис валань. Фуфайка пѳлаыс ѳгралѳ, тыдалѳ, яйсѳ нин мѳдѳма

чишкавны. Мыйлакө вывсыс шыбитөм бөрын кышансө ко-  
лис берегө, а ачыс ызгысис юө.

— Пропадитіс выль фуфайка,— аслас вомыс вешкырт-  
чөма, вывсыс шорөн лэччө ваыс.— Пасьтавлытөм, гөтыр  
татчө петігөн мыччис, войясыс пө көдзыдөсь да. Юр төрмөн  
розь со лоөма.

— Соснас пөлатө дөман,— шмонитісны бипур дорсянь.

— О-го-го-го-го!— вөв моз гөрдлө кыз гөлөса мужи-  
чөй.— Ольөксан, а өтнад кө вөлін... Кывзылөй! Кольөм су-  
бөтаө узьмөдчим Тшака полой лыа көсаө. Войнас мөдіс  
зэрны, лон вөрлань сетчыны, лыска пуяс улө. Сэсь и казя-  
лім: кыз пожөм дорысь тшын лыбыштө. «Оз ков пестысь-  
ны,— мөвпалам,— дась бипур дорын пукыштам». Қор воим  
матөджык, аддзим: пу өтар-мөдар бокас узьөны кыкөн.  
Чужөмъяс да кияс вылас номйыс — сьөд. А найө сы ни  
садь нискөны-узьөны. Ёртөй кокнас вөрзьөдіс өтисө: «Чеч-  
чы, он коль асылөдзыс, жөритасны!»

— Көні ме?— синъяссө тілигмоз юалис узыысь.— Көні  
Педөр?.. Педөр!.. А коді пожөмсө пөрөдіс?

А Педөрыс орччөн пельсө весиг оз вөрзьөд.

Вөлөмкө, другъяс рытсаянь бөчка кызта пожөм улө пес-  
тыясны, сэсь и лөсыштасны сирөд чагъяс. А пу улас не өт-  
чыдысь нин биыс вөвлөма, пожөмыслөн діныс джынсыс  
этшаджык кольөма. Тыдалө, тэрмасьөмаөсь водны. Татчө  
воөм бөрас кыйсян көлуйсө весиг абу разьлөмаөсь. А вой-  
нас төв ныр пөрөдас пожөмтө, буретш веськалас орччөн  
узыысь ёртъяс костө. Бур, мый абу лямөдөма найөс чөскө  
моз...

Кыз гөлөса мужик бергөдчывліс асыввывлань, содіс:  
«Югдө, кад ю дорө».

## БУЛЬКА

Лавра пөльлөн пө понйыс вошөма. Бөръя кадө некод эз  
аддзыв Лавраөс Булькаысь торйөн. Мунө кө грезд кузя  
пөль, понйыс сы водзын, кык-куим воськов сайын котөр-  
тышталө, бөжсө чарлаө гартөвтөма да. Кыкнанныс пөрысь-  
өсь. Лавра и ачыс, гашкө, ассыс арлыдсө оз төд. А Буль-  
калөн юр гөгөрыс дзормөма, пельясыс сьөктаммөмаөсь.  
Көзяиныслысь висьталөмсө ёнджыка гөгөрвоө синъяснас,  
бур, мый найө сюсьөсь на.

Эз этша нюр да лөк шор вомөн вуджлы Лавра пөль ас-  
лас ёртыскөд, эз этша вой коллявлы би дорын, вөр керка-

ясын. Слётсö и кöдзыдсö терпитлисны. Но тайö вöли водзджык. А öни во-мöд вөрö оз нин петавлыны. Пöль кутис новлöдлыны бедь — коймöд кок, а Булькалөн рöдтöмыс боксянь мöдис кажитчыны места вылас дзөрöмөн. Қадыс тай босьтö ассыс. Шоньдджык лунъясö унджык кадсö кык пöрысь коллялöны Старича ты дорын, йи улысь чери кыйыштöны. Сэни налөн и чом эм.

И со пöльö ветлöдлö öтнас. Ена пö шогсьö, быдөнлысь юасьö, эз-ö аддзыв кодкö Булькаöс. Кытшовтöма керка гöгöрыс. Эз-ö пö нин кувсы.

А ставыс лöма со кызди. Рытьядор Лавра мöдöдчас Старича ты дорысь гортас, кыйсян угоддьöяссö коляс сэтчö. Шыбитас йи вылас и кормöм дöра мешöк. А ачыс гортас мöдöдчас. Понйыс мунöмсö оз казаяв — бокинджык вöлöма. Булька локтас кöлуй дорас, кутас виччысьны. Виччысьö войбыд. А пöль гортас инö оз öшйи. Тöд вылас оз во, мый понйыс вермис кольчыны Старича ты дорö. Эз öд öтчыд сэтчö туйсö тальлыны. Тöдö, небось. Пöльлы сэсся челядь висьталасны. Вуграсьöмны сэни. Кöсьясны видлыны, мый эм мешöкас, но понйыд уськöдчöма: эралö пö, матö оз сибöд. Сөйтöмлаыс шатласьö, а пыр виччысьö кöзяинсö. Öдва пö ачыс Лавра пöль бурöднысö вермöма, сэтшöма скөрмöма понйыс. Но век жö бурасьöмаöсь. Пöльö мездорас пö и вайöма гортöдыс.

## ДОЗМÖР ВЫЛЫН

Эскö кöть эн, а тайö збыльтор, вöли турунасянинын. Сусед новлöдлис аскöдыс ичöтик понмös, каньысь на ичöтджык. Рыт и асыв голлялö машинаөн кöзяин волöдзас. Кодкö малыштас кö, букуша видзöдлас. Не ас сертиыс скөрлуныс Бобиклөн. Некодös гортас оз лэдз, пыр и тшапаяс кокад. Гөрб вывсьыс гөнсö сувтöдöма, ыджыд понъяс вылö весиг усьласьö. Сусед сийөн и новлöдлис сьöрсьыс, оз-ö пö дур-лёкыс пыркалышт.

Видз вылын Бобик лун-лун войлöдлö чиркьясös да бобувьясös, перйысьö вутшьяс улысь. Кöть турун пытшкын ачыс оз и тыдав, некутшöм полöм оз петкöдлы. Мöдас да помтöг увтö чилöг гөлöснас бадьяс вылысь пыстаясös.

— Ковмас вöралöм вылö договор вöчны ар кежлас, — шмонитöны сусед вылын, — прамöй пон энöвтöмыд, вердан прöста, сетчöдöмыд пурсьöм вылö.

И регыд Бобик петкöдлис асьсö.

Оти лунё нюрдорса видз вылын турун бергөдлім. Бобик, дерт, йёз дінас жё, удж сылён эштёма, дзилъялө отарө-мөдарө. Виччысьтөг вөр дорсьыс дозмөр лыбөдчис, чорыда швачкөдіс бордъяснас пу увъясө. Мыйкө торъяліс лэбачысь, тольснитчис нюрө. Юрө эз во дзик пыр, мый Бобик вөлөм лэбалө дозмөр вылын. Матыстчи усянінас: пон ляпнитчөма гөрд нуйта ваас, болскө-петө косінлань. Мисьтөмөн да ещө на ичөтджыкөн кажитчө. Тыдалө, дозмөрыд куст улө ланьтөдчылөма, а повтөм пон думышттөг самасьөма ассяяс ыджыдджык лэбач вылө. А кор мөдыс лыбөдчас, повзьөм йывсьыс абу вевъялөма мынтөдчыны, нуйт пиө веськаліс. Бура помассис, лэбалігад вермис и кос увйө пысасыны.

## ВОЙ ШӨР БӨРЫН

Сөрми да узьмөдчи воча вок ордө. Задачаяс решайтім вой шөрөдз. Сөмын удитім водны, би югөр вачкис стенө.

— Суседкалөн узьсис,— Паша чеччис вольпасысь, чукөстіс тшөтш менө. Паныда өшиньяс пыр бура тыдаліс орча керкаын нывбабалөн пачводзас вуджрасьөм. Здук мысти өшиньыс пемдіс. «Мөдарө вөчан, Матрен тьöt, первой асьтө вузалин, бөрас сиптысян».

— Дзикөдз вельмис суседка, вай повзьөдам.— Вок пыртіс чулансьыс сапөг гоз.

Ме нинөм на вөлі ог гөгөрво, но юасыны эг кут.

Ывлаө петөм бөраным турөбыс шымыртіс кыкнаннымөс. Вөчим кытшов, быттө мөдарсянь воысьяс, кежим Матрен кильчө помө. Вок нарошнө кучик сапөга кокъяснас котшкөдө джоджас, рочөн мөдіс мекөд сөрнитны: «И давно она, как ее... Матрена этим делом занимается? Надо было уличить... Самогоном торгует, понимаете ли». Аслам серам петө, өдва кутчыся, но шуала: «Да-да, да-да».

Вөлісь юрө кучкис Пашалөн мудеритөмыс. Вөлөмкө, сійө милиционер нимсянь сусед ордас игөдчө. Кор сійө воліс сиктө, өтнас төлын ветліс кучик сапөгөн. Роч вөлі и.

Кыліс өдзөсөн дзурснитөм. Тыдалө, тьötка кывзысьыштіс, сы бөрын грыма-грама кутіс кывны.

— Тайө и коліс миянлы,— скөрысь висьталіс вок, кор матыстчим горт дорас. Турөб мураліс ещө на ёнджыка, мунөм кок туйяс эз нин төдчыны.— Кутчысьөма войся уджө, миянлы тшөтш спокой абу. Төдтөм йөз рыт сөрын сорлалөны керкаяс, кодлы стөкан ковмөма, кодлы няньтор солөн..

Аскинас школаын Паша вештыштіс менө пельөслань.

— Тэнад мунём бёрын и воис суседка, вольпась вылын на вёлі, но кылі сёрнисё. Вот пё страстьыд вёлі войнас, висьтасьё мамлы, муртса пё эг сюр. Кучик сапёга рочыс пё кодёскё понятёй пыдди нуодіс. Став шутёмторсё пё лои гёбёч гуё бузгыны-кисьтны. Оні на пё сёлём абу местаын. Мам чорыда жё сійёс повзёдіс: штрапысь кындзи пенсия-тё пё вермасны чёвтны...

## ЭНОВТӨМ ПОН

Отчыд локті гортё, дждж кузя понпи котралё и ку-тшёмкё асруа: инас оз ёшйы, некодёс оз сибёд, усьласьё эралёмён.

— Кодлысь вайин татшёмсё?— юала ичётджык вок-лысь.

— Пон мамлысь,— шуё сійё,— кодлысь сэсся.

— Дерт, сідз, но кодлөнкё эм пон мамыс.

— Шуа тай, некодлөн. Кодкё эновтёма ётнассё, а сійё пиянасьёма склад улё, быдтыны нин удитёма. Коймёдысь талун ветлі, некыз оз сюртёдчы кутны, а розьёдыс улас пырны ог тёр, дай мамсьыс пола. Сэсся казялі: мамыс эновтлё дыр кежлё ётнассё — та ыждатё ёд куш нёнъ по-мысь он пёткёд — няньтор да льяс новлё. А сэк костті ичө-тыс петавлё, прёйдитысь понъясёс увтё, но ёнасё оз ылёд-чы, пыр дась шыбитчыны дзёбасё. Нарошнё понма зонкаёс сувтёдлі, мед пытшсьыс ылёдны. Зверьпи кодь мудер лоё-ма: муртса тыдовтчи пельёс сайысь, уськёдчис позъяс, ёдва удиті пинджакён личкыны.

Понпиёс нимтім Трезорён. Видзим керкаын кымынкё лун, сэсся лэдзим ёшинь ув ёррё. Велалыштіс морт дорё, но сёянё кутчысьё, кор ылёдчан сы дорысь, букушён видзёдё тэ вылё. Мукёд дырйи дыр ветлас потшёс пёлён, кин-зёб, гажтёмсьё мамыс.

Ёти асылё петкёді сёян, кычан некён оз тыдав, пёвъяс-ысь вёчём чом куш. И петан туй эг аддзы, быттьё ваё вёйи. Корсьысигён висьталіс сусед: тёрыт пемыднас пё ыджыд пон шошаёдыс тойліс ичётёс. Сідзкё, мамыс!

Кымынкё лун бёрын вок бара вайёма понпиёс. Сійё жё луннас тёдса адрес кузя воис мамыс, веськыда чеччыштіс дждждыд забор вомён. Лы-кучыкыс кольёма мыйсюрё да кызсюрё судзёдём сёяннад. Тёвся гёныс на ки пыдёс пась-та пластъясён бокъясас ёшйёма. Сёянысь эз бёрынтьчы. Ачыс тшыг, а пиыслысь пётёмсё виччысис, бёрас нюліс тасьтісё. Кыкнанныс овмёдчисны чомйё.



## ГОРТАС МӨДӨДЧИС

Делянкаяс вундалом бөрүн төдса прөсекөд мөдөдчи гортө. Рөмдан кад. Ылісянь казялі: кодкө вуджрасьё-локтө меланьё. Саймовтчи. Матыстчысь пемөсыс төдтөм. Абу ош, абу йөра. Съод гөна да кузь бөжа. Кок улын кос ув трачни-тіс. Локтысьыд чошкөдіс пельяссө, чатөртіс юрсө, мыйкө зильнитіс. Синъясөс паськөді: вөв вөлөма. Кыдз да кытысь сійө татчө веськаліс, ветымын верст саяс? Видзьяс кө ещө вөліны... Кымын егыр да нюр, вөрса лөк шор да пөрөм лоис вуджны коньөрлы. А кытчө нө ачыс кутө нырвизьсө?

Матыстчи. Синъясыс өдва тыдалөны, сэтшөма номъясыс вильөдөмаөсь. Рази тасмаөс да көрталі помсө домас, бергөді асьсө бөр. Бипур дорын узьөм бөрүн төдса ордымъ-ясті, кыті нуөдөмөн, кыті верзьөмөн лэччөді сиктөдз!

Доручастоклөн вөлыс вөлөма. Мөд районысь ньөблөма-өсь, вайөмаөсь паськыд туйөд. Со и мөвпыштөма чужан ме-стасө видлыны, мөдөдчөма веськыда некутшөм компастөг, вошөмысь ни згинитөмысь абу повзьөма.

## ШАРИК

Тулысдорыс кычан лөсьөді. Арнас, кор том пөткаяс лы-бөдчисны борд вылө, сьөрысь мөді новлөдлыны, мед, мися, велалас аслас ремеслө, а то гортын сильбөясөс да каньясөс лун-лун войлөдлө.

Первой луньяснас кокъяс гөгөр гартчис, син водзысь вөлі оз воштөдчы. Сэсся велалыштіс, мөдіс ылытіджык гөг-равны, сизьяс да кайяс вылө гөлөс сетавны. Отчид урөс суөдөма муысь, вөтлөма майөг кызта козийө, камгө-увтө. «Но,— мөвпала,— төлк вылө көсийө сувтны».

Оти лунө Шарик муртса ловсө эз сет, удиті мездыны. Лөк ногөн лязвөм шыас котөрөн петі лыаа берегө. Пон не-көн эз тыдав. Медбөрүн васьыс ноксьөм казялі. Шарикөс кодкө тубрөдліс, купельө моз дзумйөдліс ваас. Бөръя вынь-яснас өдва береглянь варччис, чушсө парсалөмны, вир сөдз-тысьө.

Вөлөмкө, лыа берегас вурдөс суөдөма, вожасьөма вы-лас, но выныс абу тырмөма варөдны, асьсө ваас кыскөма. Эг кө су, гашкө и пөдтіс дзикөдз ва зверыд.

## КАДЪЯ ТЫ

Раз-модысь нин кывлі вөрса ты йылысь: чериа пö. Отчид прöдитöм лои матыті, кежим вуграсьны, а ва дорöдзыс некытчö матö он сибав. Берегыс пасьтала лайкъялö, сійöс и виччысь-кытчöкö вутшъяс костас гургысян-вöян. Пур ни пыж некön эз тыдав.

Латшкöс пожöм улын сулалам, шогö уськöдіс весьшөрö воöмыс подöннас. Кокныдик төвру койыштіс-кисьтіс пу вылысь ёгсö пызан пасьта ва гөптö, кодлөн веркöсыс кызакодь нин тырöма ёг-буснас. Но ёрт казялöма — дзик пö чери кодь лыбöдчыліс ва вылас. Ме эг эскы, медым татшöм ва гөптын, тысянь вель ылын олісны черияс, но век жö мурталі пыдтасö — вугыршатинöй некытчö эз судзавлы. А ёрт сэк костті пысалöма нидзув да чөвтис. Регыд и лэптіс пурт кузя ёкышöс, радлö: «Вот кön чери позыс вөлöма, а ты дорö сибöдчам. Недыр кадön бур юква вылö лэпталім. Тыдалö, кадъя берег улыс тыыскöд öтвывъя. Видзöдлі тылань, юрö воисны шуштöм мөвпьяс: «Коркö тадзи и тырас тыыс ставнас».

## БУР ШАПКА

Öльöксан сувтöдіс вöвсö, чеччыштіс додь вывсьыс, мыйкö лым вылас видзöдö, öвтыштіс меным кинас: волы пö. Лым кузяыс быттö пес чурка кыскöмны, пыдын ворга лöма, а кок туйяс некутшöм оз тöдчыны.

— Вурд мунöма, кайöм бöрын нин,— шуö Öльöксан,— аддзан, кызд лымйöдыс варчöма. Қокъяс сьлөн дженьыдöсь, здукön суöдам, бур шапка лö.

Лызьтöгыд асьным регыд жö быгзим-пöсялім. Увтасанын козьяс костöд эськö тыдовтчыліс вурдыд, но регыд бөр вошис. Неыджыд шорö тюпкысьöма-пырöма, аскöдыс бур шапкатö рыас суйис.

Вөлöмкö, öти ёль йывсянь мөд ёль йылö веськыда кералöма-вуджöма вөртіс, тöдöма, кыті матынджык.

## ЖÖЛНА

Виж бордьяса перк юалö ыджыд гөрд юра сизьлысь:

— Тэ нö, сьöд тыркан, лэбзигад пыр тыр-тыр-тыр равзан, а пуксян да мөдан тюньйöдлыны, вөр-васö повзьöдлан, гашкö сэтшöм тэнад радлöмыд либö шогсьöмыд?

— Буретш төдін, виж бордья перк. Быдөнлөн аслас олан сям. Кор ме равза тыр-тыр-тырсө лэбзигөн, думысь корся кос пу, көні эськө тыр-р-рыс вөлі пучей. А аддза: став пусө сизьдөмны нин, пож кодь лоёма — гөгөр розь. Сэки здук кежлө шогө усьла — бара колө выль кос пу корсьны. Ми өд, сизь котыр, сійө и олам, мый лун-лун таркөдчам, быдсяма гаг-пучейсө пуясысь перъялам, кодьяс ловъя йывсыс вöрсө тшыкөдöны. Оз прöста вöрса лекаръясөн миянös шуны.

## БУРА ДАСЬТЫСИС

Пес чукөртигөн бертышти важ мыр, а улас визяорда төв кежлө дасьтысьöма. Мыйсө сөмын абу чукөртöма татчө тайö ичөтик зиль пемöсыс! Медся кисьмөм пув тусьяс торйөн тэчöма, логторйын вöрса турун кöйдысьяс, шыр анькытш тусьяс. Небыд ройөн вольсалöма аслыс куйланінсө. А бокинджык ещö на розьтор эм, тыдалö, аслас могөн ветлыны.

Сидзкө эг весьшөрö уджалигөн казьявлы сылысь колода вывти некымынысь визьнитлөмсө. Вом кöтшьясыс пинь висьсылөн моз вөлі польдчөмны-пыктөмны, сэн сійö кузь төв кежлө сөянсө новлө, весиг пөттөдзыс оз убöлит сөйны гожөмнас, дасьтысьö.

Мырсө лои местаас эновтны.

## ВОИСНЫ ВАЖ МЕСТАӨ

Нель-ө-вит во тан вөлі мастерскöй участок, сулалісны кык барак, но кольöм во найös разисны. Пөвйысь вөчөм вевт ув кольöма. Сэн и пукалісны тулыснас кык сьод тар, гөнсө голяясыныс порыштөмны да пелкыйсисны. Кымынкө контар гудыртисны-варовитисны орчча пожөмьяс йылын. Абу вунөдөмны койтанінсө, бөр воөмны важ местаас.

## КÖЧИЛЬ

Видз вылысь кöчпи сюрліс. Ытшкан машина мунөм бөрын вöрзис. Логторйын куйлөма, кыкнан пельыс чирснитсьöма-ытшкышсьöма.

Чипан позйын первойсö видзим, а быдмыштіс да петкö-  
дім пöвъясусь вöчöм гожся пусянінö. Лым усигкежлö кöч-  
пиыд верстьö кöчö пöри, лым кодъяс жö еджыд лон. Медъ-  
ёна вöлі радейтö капуста листъяс да морков. Вайлім и пи-  
пу увъяс, а ва пыдди ящикын видзим лым. Дырджык кö он  
сет сёянсö, воддза кокъяснас мöдас майкны, котралö  
джодж кузяыс öтарö-мöдарö. Пельясусь, быттьö кöза пилöн  
мыччысьöм сюръяс, чурвидзöны вывлань.

Воан шойччан лунö шуим катöдны вöрö, лэдзны вöля  
вылö, а кöчилъыд удитöма водзджык усйысьны. Петім öти  
асылö, а оланінсьыс öдзöсыс восьса, вунöдсьылöма кали-  
чавны. Кок туйяс веськöдчöмны вöрлань.

Жаль лои быдтасöй, кöть аслас чужанінас мунöма. Шуö-  
ны тай: гортын быдтöм вöрса пемöсьясыд озджык кужны  
сёянсö судзöдны да водзсасьны асланыс лов вöсна. Но ни-  
нöм, олöмыс велöдас...

Паныд сюрас кö вöрын дженьыд пеля кöчилъыс — эн  
öбидитöй.

## ПИКÖ ВОИС

Кольöм ар велаліс сад йöрö неыджыд варыш, быттьö  
сылы вöрыс этша. Қад нин мöдöдчыны шоныдінлань — вой  
тöлыс койыштавліс лым чиръяс, — а сійö пыр на живкъялö,  
полошуйтö пышкайясöс, кодъяс öктысьöны град йöрын. Ва-  
рыш кыпöдчас кöнкö бокинджык, сэсся тай кызд вирдыш-  
тас öшиньяс водзті, бордъяссö бокас топöдöмön, быттьö  
пуртön, вундыштас сынöдсö. Сэк и пом воö вугралысь лэ-  
бачлы. Воробейяс шаркнитасны-пырасны тшöкыд увъяс  
кустьяс пытшкö, мыйкö дыра чöv олыштöны, сэсся смел-  
мöдчасны да сьöрсьön-бöрсьön бара петасны чукөрö. Быт-  
тьö эз и казьявлыны, мый öти чой ли вок оз тырмы котырас.

Öти гажа асылö пышкайяс гораа дзользисны зэвтöм  
сутуга вылын, топöдчöмабсь öта-мöд дорас, гашкö, кызьön.  
Коді нырсö весалö, коді гөнъяссö ас вывсьыс лöсьöдлö. Ва-  
рыш виччысьтөг ньöv моз вуджөртіс керка пельöс сайсянь  
да веськыда лэбач котыр вылö. Но эз артмы кöсйöм серти-  
ыс, струна моз зэлöдöм сутугаас зяткысис-зурасис, тутіс  
муас из моз. Тыдалö, ёна доймис, весиг кыпöдчыны сынö-  
дас эз вермы. Виж кывсö нюжөдöмön варгыльтіс кустьяс  
улö.

Кымынкö лун пышкайяс олісны повтөг. Но, думайта, эз  
кö кувтöдзыс ло, тövйыны лэбзис варышыд. Öтчыд локті  
гортö, шкап вылысь воробей жбыркнитіс. Öшинь вылын

кань пукалө, юрсө весиг эз бергөд ичөт лэбач вылө. Гожомнад лют жө лэбачьястө кутавны, турун костөд на дорө сибдчыны, ляскыяс муөдзыс да сөмын бөж йылыс легыштө. Вөлөмкө, варышyd өшиньлөн кык рама костас усьөма да ланьтөма, пикө воөма, немтор оз вермы вөчны. Дерт, воробей бөрся вөтчөма. Ичөтджык восьса форточкаө веськөдчөма, ловйөн кольөма. А варышyd лэбан өднас ортсы стеклөсө жугөдөма, сөсся кык рама костас сибдөма. Лоис мездыны. Сы бөрын варышөс эг нин матигөгөрысь аддзылөй.

### ЭНОВТӨМ «ШАПКА»

Коля да Ваня радөсь, школа бөрын бара кайөны Мөс улич бокө, аслыныс төдса тшак петанинө. Куим-ө-нөльысь нин волісны татчө и пыр сюрө. Вөрыс шоч, пожөм пиян да козьяс, муас кузь ситурун быдмө. Колө кужөмөн корсьны, прөста мунан — нинөм он аддзы, колө юклавны турунсө, кыпыдөснад кокныдыка малавны. Рыжикьяс өнджыкасө сюрөны, унджыкыс кизь ыджда на и эм.

Вөрө мунигөн челядь шыбитласны чуманьяснысө вывлань, то өтиыс, то мөдыс горөдласны: «Чуман, тыр-тыр-тыр да ичөтика эн төрышт!» Кыз сямөдысь вурөм чуманьяс векниөсь, но пыдынөсь, сійөн и пырджык сувтөны бок вылас. «Джынйөн сюрас. Чуман джын тшакыд картупель сөрөн дөвөль шyd вылад»,— өлөдөны өта-мөднысө.

А пусьывлөны найө шор дорын, керкаяс улас. Бипур мөстаын чугуньяс улө кирпич джыньяс. Кос пес да пестысьны сямөд-пывсяньясас, пыр дась. Гырысь рыжикьяс, дерт, шyd пиө оз торйөдлыны, бөрас пөжаласны найөс жөч лист тор вылын. Солыс пуө тшак пиньяс костас, а көрыс кутшөм чөскыд петө! Би вывсьыс босьтан и сөян, вом дорьястө көть сотө. А кыз яг рыжик кө сюрас, чай юан блюд пасьта-пөттөдзыд тырмө, мурчкакылө пинь улад.

Зонкаяс кыккасьөны пидзөсьяс вылас, вотөны кималасөн, быд тшак сюрөм бөрын чукөсийны. «Бара сюри! Куим өтлаын! Лек ме дорө, Ваня!» «Меным сюралө жө!»— вочавидзис мөдыс.

Гортлань нин веськөдчөм бөрын Коля казяліс козьысь, мусянь пызан судтаысь кымын, кутшөмкө гөгрөс быгалөм өкмьль, руд шапка кодьөс. Сөмын удитіс инмөдчыны кинас, өг мөдіс киссьыны «шапкасьыс», дзизгөм шы кывны. Кыдзи коз увсьыс петі, омөля төдө. Кор Ваня матыстчис өртыс до-

рө, Коля быглясьомөн ылыстчис коз дорысь, мисьтөма өвтчис кияснас, чужомсө ниртис. Ванялысь юрсө сійө жө здукнас быттьө пось көртөн дзужалисны, пель дорсыс нетшыштіс мыйкө чорыдөс. Пыр жө сійө местаас лук моль ыджда йөг чеччыштіс. Коля чушкан поз шапкакөд сорлалөма. Ачыс өні, коньөр, пукаліс муас, чужомыс вешкыртчөма, веськыд синмыс тупкысьөма ставнас, ачыс ещө шмонитө: «Өні ме, пөди, мойдсыд этийө син пөла атаман кодыс жө. А кымынысь таті ветлім, пока эг вөрзьөдө...»— Нинөм,— сьөлөм сетө Ваня, ачыс йөгсө жө малалө кинас,— лэччигөн мыссям көдзыд ваон, а гортын зыртөм кын картофель ли ляскам, мам висьтавліс — сійө пө чушкалөм пыкөстө регыд ямөдө.

— Да өд, шуоны, өтчыд пө и чушкалө чушканыс, кулө сэсся, сійөн и, көнкө, став вынсө пуктө, лэдзө став ядсө, мый эм,— пукалөмнас на вочавидзө Коля.

— Со чуманыд, тшакьястө чукөрти да тэчи, сэтчө и турбыльтчөма. А чушканъясыд пыр на жуоны, пырөны-петөны. Лэччам, пемдас татчө. Водзө кежлө виччысьөмөнджык кутам видлавын эновтөм «шапкаястө».

## ПӨРЫСЬ ДЕД

Гажа лунъясө сійө пукалө кильчө вылас. Шонді водзын эзысьөн дзирдалө кудель кодь юрсиыс, кокныйдик төвру лебезитө кузь пратьяссө. Пач лыс кодь сьөд синкымьясыс шебралөмны син гуяссө, да кажитчө: дедыс узьө. Но сійө оз узь. Сизим во сайын пөльлөн синъясыс пөдласисны. Лун югыдыс, вольной светыс лои сылы помасьлытөм сьөд войөн. Гашкө, өні буретш вөйтчөма мөвпъяснас кольөм олөмас, көсийө муртыштны өтпырийөн. А олөм сылөн кузь, дыр кежлө колө бергөдчывны бөрлань — куим төлысь мысти тырө сө арөс.

Пуксян сы дорө — пөльө рад, висьтасьө олөм-вылөм йывсьыс, быдсямасө нэм чөжнас вуджөдөма ас вывтыыс, быдтор аддзылөма, абу кокнна олөма. Да и висьтавтөг төдчө: ки-кокас көрсьөма кучикыс, лөз вирсөнъясыс крестасьлөмөн лыбөмны вывлань, яяс пуын моз бурдөм рубечьяс, пель розьяссянь и ныр йывсяньыс чургөдөмны ситурун кодь сіяс. Видзөдлан боксянь да өткодялан сійөс бужөддорса сирөд мыркөд: өтарсянь мыччысьөмны ортсыас вужьясыс — ваыс кырөдөма, а мөдарсянь пыдө пырөмны, чорыда на кутчысьө.

Сиктса йөз, том и пөрысь, пыдди пуктөны дедөс. «Чо-

лөм, пöльö! Видза олан, Филаретыч! Содан-чинан, су-сед!»— кылан мунысь-локтысьяслысь гөлөс. Ачыс сійö став-лы жö вочавидзö, сьöлөм сетö: «Ловъя на, арöс содö, ачым мулань быдма». Унджыксö тöдö гөлөс серти, а кодöс оз тöд томъяс пиысь — юалö. Сё арöс тыртö, горт гөгөр пыр мый-сюрö ноксьö. Мöс локтас — йөртö, ва ведра пыртö...

Отчыд кузнечаö муні коса лөсьöдны. Дед бара удж бер-дын. «Талун кага видза, Петрöвич, внуклысь писö. Плешкас пö тусь чеччыштöма, садйö эз нуны». Керка дорын, муас, пукаліс тув кодь зонка, небыдик ки пыдöсьяснас лапкөдіс лыа чукөрö, пач вöчис-ворсіс. Гут кулан тшак сера шапка-торйөн тупкöма юр чуксö. Веж ляк пасьяс тыдалісны чужö-мас и плешкас. Лун мөд-коймөд сайын аддзылі — корöсь помөд тапсьөдіс-нуөдіс дедсö пывсянö, гораа вöлі сёрнитö-ны, а талун асьсö пöрысьыс видзö. Коскас көввөнъ көртыш-тöмны, мөд помсö пöльö киас кутіс. Лои гөгөрвоана: вөнъ-лөн кузьтаыс оз сет зонкалы ылыстчыны ыджыд туй вы-лөдз, кыті ветлöны машинаяс да вөвъяс. Бура артыштöмны.

Бөр воигөн бара шыаси дедкөд, сувтовкерлі, но зонка эз нин тыдав, көв помыс вöлі гартыштöма стенö тувъялөм агас пиньö. Висьталі та йылысь, а сійö серөктіс: «мөд внук-лөн войтырыс школаысь воисны, шмонитлöны тадз, ош-йысьны кутасны — узин пö, эн пö кывлы...»

## ВОШТИС ПИНЬСÖ

Тыр тöлысь дырйи да пыдöснас чери ёнджыка пö ветлö да шедö. Сідзкö, буретш лои кыснасьны вөрзьöмыс — тө-рыт енэжын пурт тыш кызта чарлаыс тыдаліс. Попутной машина туйын веськаліс и. Рытыс лөнъ, пу вылын кор оз вөрзъы. Пыр жö удж бердö кутчысим: лэччам-каям крут ю берегъяс, сöмын спиннинг гөгыльяс тричкөдчöны шыбласи-гас. Куим көдж вугралім, пöсвятөдз нин лои, а кыкөнлөн кыйдöсыс муртса юква вылö тырмас и то оз ыджыд рачын. Шуим шойччыштны вöсьса берег вылын. Кыр улас эськö лөсьыд чөвтан местаыс, сöмын он сибав — дзик ва дорас бадь вожъяс торкасьöны. И пыдын, тыдалö, сьöд ваыслөн визулыс мөдарö, катчöс мунö.

Сöмын пуксим, мөдлапөв көдж помсянь, лыа бөжсянь тыдовтчис, курасис миянладорö. Набойястөм пипу пыж кок-ниа вундіс ва веркөссö. Пукалысь, вөлөмкö, кыснасьö жö. Сылы, дерт, лөсьыдджык: кыті көсьяс — сэтi и кытшовтас, кыкнан берег дорсö вермö кыйны, сибдöминысь кокниа ву-гырсö мынтодас. Мужичöй курччöма кыснан көвсö вомас,

нюждома пель вывтыс — бура кылö ворсөмсö шнур помас домалөм кыснанлысь. Пожөм кырсь рөма гын шляпатор лэдзөма ныр йылөдзыс, лэччысь шондi оз ёр синьяссö. Пельыс помьяснас бордөн моз нюлышталö васö, лишной шум оз вöч. Төдö и көн чери сулалö: пыжсö нуөдiс дзик бадь кустьяс улөд. Мыйкö дыра сынсьөм бöрын каттыштіс көвсö, пыжсö бергөдiс кывтчөс. Некод эз самась да көсийö выльысь кыскыны кыснансö бур местаті. Сідз и вöчис — лыа юрсянь бергөдчис бөр. Кымыныськö сыныштөм бöрын кыйсьысь шатовтчис мышлань, пыжыс сувтіс. Тэрмасьтөг пельыссö пуктіс, кыкнан кинас кутчысис көвьяс, мөдiс вотйыны. А пыжыс ньөжйөнник сетчис бөрлань. Ми эг төдöй, чери шедөма али лөптö сибдөма вугырыс. Кор көвйыс дженьдаммис, бадь дорысь муткыртчис ваыс, бытьё кырис берегыс ыджыда. Пыж ю шөрлань сынтөг мөдiс. Тайö, дертнин, ловья лов ва пышкас и абу ичөт, чагторйөс моз кө новлөдлө пыжаөс.

Вель дыр пыжа гартчис ю шöрын. То злөдлас көвсö килутшас гартыштөмөн, то бөр личодас, то юр вывтыс вуджодас, мед асьсö оз шыркнит ваас. Кыснасьысь төдiс: сир вильшасьö, төдiс и сылысь вынсö — некымынысь мыччысьліс зыр пасьта вожа бөжыс. Төдiс сідз жö, мый пыжö лэптыны сэтшөмтö абу кокни, сійөн и зілис сибөдчыны алькөса лыа берегас. А чери ёнджыка на мөдiс вийсьыны лажмыд ваын: усьласис öтарö-мөдарö, чеччыштіс вывлань, пөперегөн паруситіс васö. Но бөрья пом раммыштіс, струнаö зөвтөм шнурыс чинтіс вынсö, синіс береглань. Мужичöй чеччыштіс пидзөсөдз ваö, пыжсö тойыштіс водзö, эз нин сет ылөдчыны черилы бөрлань, котөрөн береглань уськөдчис. Унаысь сынөдсö апнитөм бöрын сир дзикөдз укшальмөма, паськөдөма вомсö, нильөг лөп кер моз косөдз лыбис.

Кор ми локтім кыкнанныс дорö, шензьөдiс аддзөмторйыс: чери кыйысь вөлөма ичөтик тушаа, нюжвидзысь сирысь ньöти абу кузьджык, косіник дед, гашкө, ар сизимдаса. Сюся видзөдiс пыж пыдсö, мыйкö корсис сэсь.

— Кило дасысь содаджык лөö,— ёртöй лэптыштіс черилысь юрсö.— И бура крукасьөма, уддор-вевдор вом дорьясыс вугырьяснас вурыштсьөмны, сійөн и эз мын.

— Неважөн татчö воөма, шоч лун полöйöдыс ог прöйдит,— бергөдчыліс миянлань дед,— кужөма места бөрйыны. Бөрья пиньөс, ад горшyd, някыртіс. Көвйыс вөлі гартыштөма пинь гөгөр, чорыда кыскыштіс,— дед скөрысь инмөдчыліс кокнас черилы, гырдөсь дульён сьöлыштіс лыа вылө, бөр бергөдчис пыжлань. Бытьё — сюрас кө пиньыс — пуктас важ местаö.



## УСКА ДЯДЬО

Петя тѳдѳ, мый ньѳбасьѳм — сылѳн мог, важѳн нин сѳдз юкѳма Светланакѳд. Ыджыдджык чойыс горт гѳгѳр ноксьѳ, мыськѳ-пелькѳдѳ, скѳт справитѳ, ужин лѳсьѳдѳ мамыс вонгкежлѳ.

— Петя, нянь машинаыс прѳйдитѳс, ветлы ѳдѳйѳ, бара чорыд нянь ваян.— Мѳдыс эськѳ мунас, но вѳрзьытѳдз пыр нин шуас мыйкѳ. Ѳнѳ сѳдз жѳ.

— Буретш гортса удж вѳча, нѳрѳвитлы.— Недыр олыштѳм бѳрын содтѳс:— Либѳ ачыд котравлы.

— Ачым, дерт,— вочавидзис чойыс,— лок либѳ кукань сѳян лѳсьѳд да лѳччѳд, кывтсѳ ветлѳгкостѳ мыськышт. Менам ѳд гортса удж жѳ. Удитан и кино вылѳ на.— Светлана ещѳ на мыйкѳ кѳсийс шуны, но вокыс лѳччис нин кильчѳ постъясѳд.

Майбыр ѳнѳ нин ньѳбасьныд: ставыс синъяс водзад, водзвыв веситалѳмѳн тубралѳма, гижѳма-пасѳѳма лыд и дон, сѳмын сѳвт сумкаѳ колантор да мынтысь.

Магазинын морт дасысь унджык эз вѳвны. Петя босьтѳс сьѳд да еджыд нянь тупѳсь, матыстчис мынтысянинѳ. Сѳки и бѳръя мортлѳн кокъяс дорысь казялѳс гѳрд бумагатор. «Даса! Кодкѳ воштѳма дас руб». Зонка повзьыштѳс, вешыйштѳс бокѳ, кѳнѳ полка вылын вѳлѳ тѳчѳма мешѳкторъясѳ шыдѳс да кампетъяс. Быттѳ мыйкѳ ещѳ на кѳсийѳ бѳрѳйны, кѳть няньысь кындзи талун нем эз тшѳктыны ньѳбны.

Лавкаѳ пырис уска дядьѳ. Петялы сѳйѳ тѳдса. Кымынкѳ лун сайын моски вылын паныдасис сыкѳд. Сувтѳдѳс и тшѳктѳс петны туй вылѳ, тротуарыс пѳ йѳзлы подѳн ветлыны вѳчѳма, а не велосипедѳн. Детинкалы эз вѳв окота вуджны няйтас — вѳлѳ гортса тапочкиа, но кежис потшѳс дорѳ, туйсѳ сетѳс ускалы. Мѳдыс эз ѳвсы, скѳрысь чырыштѳс: зырымбедь пѳ, ѳнѳсянь он кывзысь ыджыдджыкъяслысь. Быть лон собны пидзѳсѳдз няйтѳд, дай «вѳвсѳ» ассьыс йѳткыны. Ѳнѳ син бѳжъяснас видзѳдлѳс сы вылѳ, кыдзи палич кызта чуньяснас зутшѳйѳдлѳс нянь тупѳсьясѳ, бѳрѳйысис, быттѳ ставыс абу ѳткодь.

Ѳчередѳ уска дядьѳ бѳрын лѳсялѳс ещѳ ѳти морт, олѳма нин нывбаба, гораа сѳрнитѳс ѳтнас: бура пѳ и банѳймны тупѳсьясыс, сѳтшѳм пѳ чѳскыд кѳр петѳ магазин пытшкас. Петя казялѳс дядьѳлысь сапѳг кокнас даса вылѳ тальчѳмсѳ, но эз на тѳд аслас чайтѳмлысь веськыдлунсѳ. Аддзис сѳйѳ, кыдзи ѳчередь вешыйгѳн дядьѳ веськыд коксѳ оз лѳптыв муысь, джоджѳдыс кыскѳ. А кор кысьтѳс зептас посни деньгаяс, зонкалы кажитчис, мый нарешнѳ уськѳдѳс найѳс муѳ.

Сэсса джоджысь өктігөн гусьёник нямыртіс тшөтш кокувса бумагаторсö, кыв шутөг петіс.

Ывлаö петöм бöрын Петя синъяснас дыр колльöдіс уска дядьöс, коді мойдіс сылы неважөн: тротуар пö пода йöзлы ветлыны вöчöма. Öнi эськö висьтаваны жö аслыс мыйкö, но вöлі сёр нин.

А рытнас аслыс жö сюри.

— Эк тэ,— броткөдчис мамыс, кор гортас висьтасис адзылөмтор йылысь.— Гортын сöмын яралан, кытчö колö, вомыд вурыштöма. Коліс лэптыны стойка вылас сьöмсö, висьтаваны ставлы кывмөн. Эз кö вöv воштысьыс, локтіс, мөдіс юасьны, вузасьысь эськö сетіс. Колö ичөтсянь нелючкисö аддзыны. Кытчö колö, оз ков видзөдны кывтö курчöмөн...

## ЛЫДДЫТӨМ КНИГА

Миша муніс пывсянсайса борйö нетшкыштны йöла турун, но эз удит помавны.

— Тэ өмöй книгагастö он ну библиотекаад?— потшöс сайсянь чукөстіс Петя другыс. Сылөн киняулас тубрастор, абу на вежсьöма урокъяс бöрын.— Талун бұретш коймөднөльöд классаяслысь вежлалöны. Олыштасны кроликъясыд турунтөг, а то дзонь вежон ковмас виччысьны.

Кык босьтлөм книгагысь өтисö Миша эз эштөд. Кык-öкуимысь эськö кутчысьліс лыддыны да помөдзыс эз слöймы воөдчыны: то ыстасны кытчөкө, то ачыс мөд уджө кутчысяс, то дырджык пукавсяс телевизор дорың. А книгагыс, кодөс ёртыс сдайтö, школьнöй библиотекаын өти и эм. Разведчикъяс йылысь. Зэв интереснöй, быть колö босьтны сійöс.

— Ветлам инö,— Миша суйыштіс көрзинасö пывсян көджас.— Бөрти көрымысла ветла...

Библиотекаын вöліны морт кызь. Челядь окотапырысь юкисны лыддьөмторъясөн Валентина Ивановнакөд, книгагас сеталыськөд, вензисны öта-мөдыскөд. Чөвджыкъяслысь Валентина Ивановна ачыс юавліс, мый йылысь гижсьö книгаас, кажитчöма али абу. Со сійö янөдыштіс коймөд класса зонкаөс книга коркасö косялөмысь, тшөктіс дзоньтаваны.

— Разведчикъяс йывсьыс, кодөс Петягыс вайис, Валентина Ивановна, меным гижöй,— корис Миша да помавтөм книгагасö лөсьöдіс улысас, мыччис пызан вомөн.

Став челядьöс Валентина Ивановна төдö. Сійö меліа видзөдліс детинка вылө да юалис:

— Мый йылысь нин тані гижсьö, Миша? Вунöдчи, вись-тышт неуна,— библиотекарша босьтіс кык книга пöвстысь буретш удорсасö.

— Эг на эштöд, эджык кажитчы... помыс,— падмыштіс Миша.

И сэк жö кыліс, кызди гөрдöдöны пельясыс, шоналö ачус. Мыйкö эськö лöсьöдчис висьтавны, но Валентина Ивановна аддзис зонкалысь шöйöвошöмсö, бергöдіс сёрнисö мöдарö.

— Разведчикъяс йылысь книгатö, Миша, ме тэныд пасйи, лыдды. А мöдсö ог на босьт, эн на кö помав, мöдысь ваян.

Мишалөн личалис лолыс. Бокөн, некод вылö видзöдлытöг, петіс коридорö, кöні виччысис Петя. Дерт, сійö кыліс став сёрнисö — öдзöсыс öд осьса.

— Кузь пельясыд, кроликъясыд, кöнкö, тшыгъялісны, öтлаын нетшкыштам турунсö,— шыасис ывлаö петöм бöрын Петя.

«Менам век мöд ног артмö,— думайтіс Миша ёртыскöд вöслалігөн,— öтитор ог эштöд, мöдлаö кутчыся. А джын-выйöдз вайöдöм уджыд öд абу на удж — тадзи велöдліс школаын учительыс».

Кор кык друг воисны турун тыра кöрзинаөн, пу ворйысь вöлі кольöма сöмын пыдöсыс. Ёсь пиньяснаныс кроликъяс йирöмаось вор бокъяссö. Миша пунктіс кисö Петялы пельпом вылас да гораа шуис:

— Джынвыйöдз вайöдöм удж — абу удж!

— Сідзи тай,— недыр чöv олыштöм бöрын вочавидзис ёртыс.

## СУСЕД

Кöть арлыдъясөн и торъялам, суседкöд ладмам бура. Асывнас пета гортысь, а сійö сулалö нин кильчö вылас. Пыр и горöдас: «Бур асыв, дядя Гриша! Мöдінныд?.. Ме дась жö нин».

Öтлаын петам ыджыд туй вылöдз. Ме чежа веськыдвылö, сійö шуйгавывлань.

Уджач детинка. Тöрыт вель дыр мошкоритчисны мамыскöд öтлаын град йöрас, сёр рытöдз весалисны морков. А талун со водз жö чечöма. Сöмын петі сарайö, тутш-тотш вöчи, а сійö быттö сэн и вöлöма.

— Чолём,— шуö,— дядя Гриша. Чер вороп вöчан?

— Чолөм, чолөм, Котков. (Ме сійөс овнас нимта). Оз узьсы тэныд. Талун өд шойччан лун.

— Мамкөд өтлаын чечча, сійө удж вылө нин мунис, буретш дежуритан лун.

— Со ичөт пила, мөлөт, көрт тувъяс, пөв торъяс, ковмасны кө,— инда сылы.— Мый нин талун кутан дорныкерны?

— Самолёт. Куим бордъяөс, кутшөм мянө пуксывлө. Көлесаяс вылө тыртөм сунис трубича вайи, шогмас оз?

— Шогмас, розьяса и быдсөн со...

Сусед видлалө пөв торъяс, муртасыө, нускө нырнас. Өвсьөма, уджыслы сетчөма.

— Дядя Гриша,— Котков пуктис сэсса вөчанторсө, бергөдчис мелань. Но, думайта, пропал, модас кө юасыны, регыдөн он мын.— А вот кызди Төлысь гөгыль вылө ыджыд спутникыс пуксынысыө төрө?

Ме кызкө-мыйкө вочавидзи сылы. А суседлөн дась нин выль юалөм. Мукөд дырйи пикөдз вайөдас.

— А вот шорыд помтөг визувтө. Кытчө сы мында ваис чукөрмөма?

Видзөдлі аслам удж вылө — чер воропөс өтарсяныс джынвийөдзис вөлавсьөма. Со мый овлө больгигад. Скөрысь юала:

— Оз-ө мамыд чуксав, гашкө, сейны виччысьө?

— Кынөмөй оз на сюмав менам.

— Оні тэнад узян кад, гашкө, водлыны колө?

— Шойччан лунъясө ог узьлы. А вот мыйла...

— Котков,— шога да скөра артмис менам,— тэ уджав, а ме пыра керкаө, ныровмунла...

Эз небось падмы суседөй, неуна чөв олыштөм бөрын ыджыд морт моз шуис:

— Школаө пыра да сэк төдмала дзик ставсө.

## ВОЛӨН НЁЛЬ СЕРПАС

### Кос гожөм

Гожөм пуксис көдзыдлөн медбөръяысь ырыштчылөм бөрын, льөм дзоридзалөм бөрын. Сэк сөмын град вылө пуктим өгуреч, петкөдим өшиньяс вылысь прамөя нин нюжалөм помидор кустьяс.

Гожөм шөр, а тулыссянь омөля на и зэрлис, косла потласьөма муыс. Сикт шөрти визувтись Кузубика (кузь ыб

пӧлӧнса шор) косьмӧма, сӧмын пыдын гӧпъяс дзирдышта-  
лӧны шондӧ водзын. Дарьюръяс сэн тӧрӧдӧны бӧжъяснаныс  
кун кодъ шоньд гудыр ваас, сырчикъяс да пышкайяс пи-  
дзӧсӧдзныс пырӧмӧн пызйысьӧны-резсьӧны.

Зэрысь кымӧръяс эськӧ лыблӧны рытив-лунсянь, но оз  
убӧлитны койыштны васӧ сикт гӧгӧр, ыркӧдыштыны дон-  
лӧм сынӧдсӧ, мусӧ. Вичко йыв пӧ бара поткӧдӧс кымӧрсӧ,  
мӧдлапӧвлань бергӧдӧс — шуас кодкӧ. И збыль, ӧшкамӧш-  
ка тыдовтчас сыладорсянь, ӧти мегыр помнас Сыктылысь  
васӧ юӧ, мӧдарыс кӧнкӧ вӧрсайса нюрын ли тын.

Талун асывсянь бара на кос, мӧс стад прӧйдитӧм бӧрын  
сынӧдын дыр ӧшалӧ бусыс. Гашкӧ, чунь кызта ӧшйӧма кер-  
ка стенӧ да пу коръяс вылӧ, весиг пинь улад лыаыс каж-  
кылӧ. Кока жытник улын пошкӧны ыжъяс. Сэтчӧ жӧ, гож  
сайӧ, пласнитчӧма съӧд пон, дуллыс виялӧ боквыв ӧшӧдӧм  
кывйӧд. Қартасайса ытшкытӧм видз тырӧма черань вез-  
йӧн, быттӧ прӧшви кытшъяс ӧшлӧмны турун вылас. Туй  
бокын лапта еждӧдӧма, ӧшмӧсьясысь ваыс чинӧс. Вой  
кежлӧ шымыртчылӧм картофель коръяс шондӧ петӧм бӧрын  
паськалӧны бӧр, мед унджык югыдсӧ ас вылас босьтны,  
вевттыштны войнас ыркалӧм мусӧ. Сю му гыалӧ кокны-  
дик тӧвруысь, трубкаысь чӧвтчӧм шепъясын муртса гӧрд-  
дзасьӧм тусьяс нюкыртчӧны. Шоча татшӧмыс овлӧ — Сык-  
тив шӧрӧ чургысьӧма лыа дӧ, гач кокъястӧ пуджӧмӧн позьӧ  
вуджны юсӧ вомӧныс. Челядюлов — сӧм съӧдӧсь — лӧпъяс  
путкылялӧны ва кывтчӧс, кияснас куталӧны дышмӧм на-  
лимьясьӧс.

Ывлаыс нинӧм на эз петкӧдлы, а бать воис видз выв-  
сянь, висьталӧс: «Зэрмас аски-аскомысь, тӧрытсаянь кодзув-  
котъяс дугдӧсны гыӧмысь, дзебсисны асланыс карӧ, сӧмын  
ӧткымынъяс, стӧрӧжъясыс ньӧжйӧник ляшмасьӧны-ветлӧ-  
ны вылӧдыс. И тшынсӧ со пывсянсьыд муас личкӧ».

И збыль, мӧд луннас пажын бӧрын пемдӧс ывлаыс. Быт-  
тӧ вӧла телега гольӧдӧс-вуджис кузь поскӧд — кыліс юр  
весьтын гымлӧн шыыс. Ог тӧд, татшӧм жар бӧрын шорӧн  
письтас енэжыс или шерӧн мӧдӧдас, гашкӧ и гым-чарднас  
прӧйдитас...

## Бара ар

Миян местаын съӧкыд стӧча торйӧдны гожӧмлысь пома-  
сьӧмсӧ, арлысь заводитчӧмсӧ. Шоча кадыс муӧ календарь  
серти. Овлӧ сӧдз: сентябрь помын лым усяс да оз и сывлы,  
а мукӧд дырйи ноябрь тӧлысьын муыс куш на. Сентябрь —  
медся озыр тӧлысь. И вӧр, и ва, и му лышкыда козыналӧны

мортос. Став зільом-вийсьомсё сылысь тулысын и гождьомын мурталё сентябрь. Сійон и морт воськовтё виччысьомон: ставыс-ё дасьтома-лөсьодома кузь төв кежлө.

А октябрыд бура нин асьсё петкөдлө: то арон пөлясьо, то төлөн сьоласьо. Чорыд пужьяс бөрын лунбыдөн борьяс дзирдалөны еджыд бурьсыясон. Пуяс росмөны. Со син водзын ловпу корьяс төлыс гөгыльтө-нуо, видзөдан, быттьо пышкой чукөр ылыстчө тэысь.

Вөр-ваын олысьяс ас кадө жө лөсьодчөны көдзыдьяс кежлө. Төвйысь лэбачьяс «гачасьомны» — кок помьясөдзныс быдмөма пук кодь гөн. Көть муыс куш на, вуджөмны лыс да гар сөян вылө. Көч еджыд пася, гашкө, аски лымьялас. Оні ылісянь тыдалө, сійо и зільо не веськавны лөк синьяс улө, тільясөд ёнджыка ветлө. Ош, барсук да визяорда водзджык дзебсисны, мед не вузавны төвьян местасө асланыс жө кок туйясон. Волөн кад вежсьом оз тэрмөдлы сизьос, сьорсьыс и бөрсьыс сылөн, во чөж өти гөна, сідз и кутас таркөдчыны төвбыд.

### Төвся вөрын

Лөнь и пасьтала еджыд, быттьо унмыс личкөма сьөкыд удж бөрын вөрсө. Козьяс да пожөмьяс зумышөсь, лымнопьяс дыр кутөмысь пельпомьяссө лэдзөмны увлань. А коньөр кызьяс да пипуяс, кодьяс быдмөны на костын, весиг юрьяснас сатшөмны лымьяс — мегырөдз бертөма сьөктаыс. Көдзыд луньясө кылан кадждөдөм-чегьясьомсө. Сэтшөм нюкыльтчөм пуас инмөдчан лыжи беддьөн, а сійо упнитас пыдісянь, кор лым ношаыс усьо, мыйкө мында веськөдас мудзөм коссө.

Видзөдан лым ёкмыльяс вылө — кутшөм сөмын серпас оз сувт синьяс водзад. Со төдса мойдысь багатырлөн юрыс копыртөма, быттьо шойчө-вугралө чорыд кось бөрын. А малыштан кокниа — усьо-гөгыльтчө сьылі вывсьыс, увсьыс пожөм ли коз пи мыччыяс.

Но вөрыс ловья, олө аслас пытшкөсса олөмнас. Мыччыяс увьяс костөд вөрпыста, шыла йыв кодь нырнас быд костө сибавлө, гыө-ветлө увлань-вывлань, перьялө дзебсьом гагьясөс. Со кодкө веськыд визьөн вольсалөма кок туйяссө, абү тэрмасьома мунігас. Еджыд тугья бөжа ручлөн гижөдыс-пасйөдыс. Гарйысьома-перйысьома восьсаиннын, тыдалө, кылөма шырлысь чипсөмсө ли шарөдчөмсө. Он гөгөрво: сюрөма абү, сэсса тай веськөдчөма көч кок туйяс кузя.

Ыджыд вужля дорө волөма сьөла, креставлөма-гижөма пасьтала лымсө, содтөма кынөмас посни изторьяс, мед кын

гар-сёяныс ёнджыка изяс. Сэн жö и узьöма лым пнас, ку-  
йöдалöма петтöдзыс местасö.

Муыс лым увтi таво чорыда кымöма, нюр вомөн весь-  
кыда мунö вөр кыскалан туй. Пöрысь йöз шуöны: оз кө пö  
муыс прамöя кынмыв, тшак-вотöс омöля артмö гожöмын.

Лыжи туй петкöдiс вöрса ты дорö. Лымйыс тан быттö  
ва веркöс төла дырйи — гыа-гыа. Ты йылын куткырвидзöны  
черн кыйысьяс, йисö пасьтала сизьдöмны-розьöдлöмны,  
ылісянь быттö сьöд мыръяс тыдалöны. Черыс ог төд —  
сюрлö оз, но йи розьясöд сынöдыс веськалö ваын олысьяс-  
лы, кокниджыка найö виччысясны ты вощьöмсö.

### Тулыс вермис

Во джын муралiс-ыджыдалiс төв. Октябрь помын шеб-  
ралiс лым эшкынөн му и ва, дорис прудьяс и тыяс, сувтöдiс  
шорьяс да юяс. Но выныс абу жö пыдöстөм вөлöма, войяс-  
ын мöдiс ёнджыка асьсö петкöдлыны. Рытсянь на керка пель-  
сьяс видлалö, быттö кер помөн кучкасьö стенö, öшинь  
стеклöяс зильмунлöны, а лун сернас, шондi петөм бöрын,  
бөррдзас — вевт вывсянь тёпкö синваыс войтваөн, а рытнас  
йи нёньясөн öшйö. Мукöд дырйи койыштлас катша шыдö-  
сөн, но недыр кежлö — бөръя лымнас повзьöдчö.

Лымйыс абу нин төвся кодь: рудöдöма да ляпкалöма,  
лоöма синма-синма. Öти асылö казялан — лунвыв бана кер-  
рöслөн чук йылыс сьöдöдöма и видзöдöмөн сьöдыс содö. Ме  
пыр сы серти төдмала — аски-аскомысь воасны скворечьяс,  
тэрмасы кольöм вося позьяс дзоньтавны.

Дыр на юкталас керöс бокьясын чорзьöм да сiмөм лым-  
йыс шöртiыс дзольгысь шорöс, а коськөмъяс вылысь ру нин  
лыбö, муыс небзьö-шоналö, ловзьö кузь төв бöрын. Сьöд ра-  
каяс бөдь пом кодь ныръяснаныс пузйöны куйöд чукөрьяс,  
гораа кравзöны.

Вөр мыссьöма первой зэр ваөн, быттö пывсьöм бöрын  
лөсьöдчöма пелькөдчыны сöстөм паськөмөн. Көдзыдьяс  
дырйи сувтлөм зарава вөрзьö, тэрмөдлö вощыны гарйöс.

Важ турун пiод чургöдчöны югыдлань дзик на еджыд  
петасьяс, но некымын лун мысти борйыс ставнас вежöдас.  
Тувсов төв нюлö му веркөссö, видзаалö быд ловъя ловöс.  
Шондi муртса на мыччысяс вöртас сайысь, а колип öшйöма  
нин синмөн адзытөм сунис йылö, оръявлытöг дзольгö виль  
гажа лунлы...

## ЮРИНДАЛЫСЬ

Видзью дорын . . . . .	3	Йёрмис . . . . .	90
Турёбкөд мөс видзигөн . . . . .	22	Буско мездіс . . . . .	90
Көч йылысь . . . . .	26	Эз артышт . . . . .	91
Көин бөрся . . . . .	28	Көнтар . . . . .	92
Чарөм кузя . . . . .	29	Юква . . . . .	93
Петя Голосов . . . . .	31	Вөрын паныдасьлөм . . . . .	94
Дениска . . . . .	33	Рөдмисны мойяс . . . . .	94
Кыдзи быдмис Коля . . . . .	35	Кык паныдасьлөм . . . . .	95
Эз повзы . . . . .	36	Йөзлөн пасъяс . . . . .	96
Жыдач поэтыр . . . . .	39	Овлө и тадзи . . . . .	97
Ай көин . . . . .	41	Сан . . . . .	97
Ош вылө . . . . .	42	Эг казяв . . . . .	98
Пөрысь сан . . . . .	45	Гусялісны . . . . .	98
Бара йөзасис . . . . .	47	Сырчик поз . . . . .	98
Вунөдлытөм пывсян . . . . .	50	Йирын «вакуль» . . . . .	99
Тулан бөрся . . . . .	51	Збой петук . . . . .	99
Медводдза руч . . . . .	54	Кыдзи Бускоос велөдім . . . . .	100
Сочинение . . . . .	55	Ылаліс . . . . .	101
Помеч . . . . .	57	Төдмав, кодыс? . . . . .	102
Ловъя көч . . . . .	63	Ичөт, а сюсь . . . . .	102
Журка тури . . . . .	66	Мукөдысь водэджык . . . . .	102
Кык шойччан лун . . . . .	68	Аслас йөрын . . . . .	103
Порсь Огралөн порсяс . . . . .	71	А мыжаыс көдзид . . . . .	104
Ылөдліс . . . . .	73	Виччысьтөмтор . . . . .	105
Перк Ёгор . . . . .	75	Бипур дорын . . . . .	106
Ошпиян . . . . .	76	Булька . . . . .	107
Коді ёнджык? . . . . .	77	Дозмөр вылын . . . . .	108
Тури йөктө . . . . .	78	Вой шөр бөрын . . . . .	109
Кружка оз . . . . .	79	Эновтөм пон . . . . .	110
Гижан урок вылын . . . . .	81	Гортас мөдөдчис . . . . .	111
Лыжи гоз . . . . .	82	Шарик . . . . .	111
Мыжа морт . . . . .	84	Кадъя ты . . . . .	112
Вочаасьлөм . . . . .	86	Бур шапка . . . . .	112
Кырнышъяс . . . . .	87	Жөлна . . . . .	112
Олөмыс велөдө . . . . .	88	Бура дасьтысис . . . . .	113
Вуджөді . . . . .	88	Воисны важ местаө . . . . .	113
Мойяслөн оланін . . . . .	89	Көчиль . . . . .	113



Пикö воис . . . . .	114	Уска дядьö . . . . .	119
Эновтöм «шапка» . . . . .	115	Лыддытöм книга . . . . .	120
Пöрысь дед . . . . .	116	Сусед . . . . .	121
Воштіс пиньсö . . . . .	117	Волөн нель серпас . . . . .	122

114

115

116

117

119

120

121

122

*Для старшего школьного возраста*

Василий Павлович Торопов

**МОЯ ТАЙГА**

*Рассказы, заметки натуралиста  
На коми языке*

ИБ № 422

Редактор В. А. Попов. Художник А. В. Мошев. Художественный редактор Б. Б. Осипов. Технический редактор А. Н. Вишнева. Корректоры А. А. Надуткина, М. М. Дейнега.

Сдано в набор 10.06.80. Подписано к печати 29.07.80. Ц03864. Формат 84×108<sup>1</sup>/<sub>32</sub>. Бумага № 1. Гарнитура литературная. Печать высокая. Усл. печ. л. 6,72. Уч.-изд. л. 7,12. Тираж 2500. Заказ № 4661. Цена 25 коп. Коми книжное издательство. 167610. Сыктывкар, Дом печати.

Республиканская типография Государственного комитета Коми АССР по делам издательств, полиграфии и книжной торговли. 167610. Сыктывкар, Коммунистическая, 20а.



25 кӧп.

КОМИ КНИЖНОЯ ИЗДАТЕЛЬСТВО 1980